

Uraat To Yes Mbanjoona To Yesu Krisi Wok Bilong Ol Aposel—The Acts Of The Apostles

Paesiin to Lukas

¹⁻³ O Teopilus, uraat naol tau Yesu ighamu imin maata, tomania saveenj isov tau i ipaduduunj tam-tamon pani, tauta igheen ila rau tau naboode ilat payo imin maata na. *

Saveenj tomania uraat tooni tawe ilam ilam le Maaron ighamu imuul izala pa sambam. Yesu imaat ve iburig muul, ve mboj tamoot ru tau itaghoni na, i ila ivotvot to yes mbanjoona tooni tau i tauu isiigh zi timin le na, ve itotoi tauu pazi ila eez maata maata. Leso tiwatagh kat tigde i iburig pa mateegh, ve ileep maata yaryaare. Saawe tana, ila uraat to Avuvu Patabuyaanj, i ipaghazonjai ngar toozi pa tutuunj tooni siriv. Ve isavsaav pazi pa pooz to Maaron. *

Yesu isaav pa mbanjoona tooni ighe malau mako pale Avuvu Patabuyaanj izilam

⁴ Saawe ee, Yesu tomania mbanjoona tooni tilepleep, ve Yesu isaav pazi ighe: “Apul Yerusalem rekia sov. Aleep ve asaan pa gabua tau Tamanj ighe igham payam itaghon saveenj mbuaanj tooni

* **1:1-3:** Rau tau Lukas iboode imin maata, ene vaaru poia tooni.

* **1:1-3:** Lu 1:1, 9:51, 24:13+; Yo 20:19+; 1Kor 15:5+

na. Gabua tawe, yau nasavia payam ve aloon saveeja wa.*

⁵ ‘Yoan, i irughuuz tamtamon pa yaa. Eemon yam, malau mako pale Maaron igham Avuvu Patabuyaana payam.’ ”*

⁶ Ra mbanjoona tooni tau tilepleep tomania na, tighasoni tige: “Tiina, mindai? Saawe tau ughe ugharaat mulin lepoogh to yei Israela lesa taumai ningin nugh tsiei, tauta ene?”*

⁷ Yesu iyol aliñazi ighe: “Saawe to gabua tau-vene, yam irau awataghi mako. Ene igheen to Tamañ mon. I ta ighur saawe to gabua naol isov tivot.*

⁸ Ve aloon. Saawe tau Avuvu Patabuyaana izilam gha izala pavomim, yam pale agham tapirimim tiina ila tooni. Lesa ayooz ariana pa votiaana varug ve apariaana saveeja tsiau. Pale agham uraat tane izi Yerusalem imin maata. Le isov, o alaagh irau taan isov to Yudea, ve ala pa Samaria, ve alaagh irau nugh isov to taan.”*

*Yesu imuul izala pa sambam
(Mk 16:19-20; Lu 24:50-53)*

⁹ Yesu isavsaav pazi le isov, ra Maaron indae ila matazi gha imuul izala pa sambam, le taitai ipoona ve tighita muul mako.

¹⁰ Matazi itaghoni gha izala, ve malau mako zeran ru tivot toozi gha yesja tiyozyooz.

* **1:4:** Lu 24:49; Yo 14:16+; Mban 2:2, 33 * **1:5:** Lu 3:16 * **1:6:** Mika 4:8; Lu 24:21 * **1:7:** Mk 13:32+; 1Tes 5:1+ * **1:8:** Lu 24:47+; Mban 2:1+

Nonoghiina toozi pisosoonja mon. Yesuru tisaav pazi tighe: *

¹¹ “Yam zeran to Galilaia, puughu mindai ta ay-ozyooz ve matamim izazala pa sambam? Aloonj. Yesu tawe, aazne Maaron ighamu gha ipul gham, ve imuul izala pa sambam. Eemon murei, i pale imuul izilam raraate imin tau aazne aghita izala na.” *

Tighur Matias igham Yudas niia

¹² Ra mbiwa tooni tipul loloz Oliv, ve timuul tila pa Yerusalem. Loloz tawe igharau Yerusalem, irau 1 kilomita ma vene. *

¹³⁻¹⁴ Yes tilaagh tila tivot Yerusalem, ve malmalizi tizala pa niazi to lepoogh tau igheen ruum loolo saanja na. Zeran tawe, ene Petrus yesuru Yoan, Yakobus, Andreas, Pilip gha Tomas, Patoromai gha Matayu, ve Yakobus ite tau Alapai naatu na, ve Simon (i to yes Selot) ve Yudas tau Yakobus naatu na. Saawe isov, yesja Yesu tiina Maria tomania tazja ve zilivaa siriv, loloz eemon ve tiluplup zi pa sunuunj.

¹⁵ Saawe ee, yes tau tighur ila to Yesu na, tilup zi. Yes irau ndinndin ee ve tamoot ee (120) ma vene. Petrus iburig iyooz ila sosozi, ve isaav pazi ighe:

¹⁶⁻¹⁷ “Yam tonvetaz, muunj, Avuvu Patabuyaanj ipaburigin kinik David gha ivotia Maaron aliiija tau inarui gabua tau ivot pa Yudas na. Saveenja igheen ila Maaron aliiija tau tiboode na, ve aazne anoonja ivot wa. Pasaa, Maaron aliiija isov aat ighur anoonja ivot itaghon i tauu ngar tooni. Yam

* **1:10:** Lu 24:4 * **1:11:** Mt 26:64; 1Tes 4:16; Syg 1:7 * **1:12:** Lu 24:52

awatagh: Yesu igham Yudas imin mbiwa tooni, ve itinja taluplup ghiit ve tabesbees pa uraat to Maaron. Eemon murei, Yudas ilaagh tomania Yesu koinja, ve itotoia pazi, tauta tikisi. *

¹⁸ Ngar tau Yudas ighamu na, iduduun mako. Eemon tigham le atuya, ve ighol le taan sirivu ee pani. Eemon ila itap izala taan tawe, le aapo ivavaal ve kodkooda ivot.

¹⁹ Gabua tana vaaru ilaan irau tamtamon tISOV to Yerusalem gha tiloonja. Puughu tane ta tiwaat taan tawe ila aliñazi tigde: ‘Akeldama.’ (Eez Akeldama puughu, ene vene: ‘Taan to siñ.’) *

²⁰ “Saveenji ziiri ee tau igheen ila Mbounj To Yes Israela, isaav tauvene:

‘Niia to lepoogh pale nginaanja.

Tamtamon eta irau ileep ta sewe muul mako.’

*

“Ve Maaron aliinja ziiri ite isaav tauvene:

‘Tamtamon ite paam aat igham niia ve igham uraat tooni to nginiinj.’ *

²¹⁻²² “Tauvene tamtamon eta aat igham Yudas niia. Leso yenja nipariaanj burigiinj to Yesu saveenja. Taghita tamtamon toit eta tau ipaak ghiit ve itinja Yesu talaghlaagh pa saawe tau neer rughuzaanja Yoan ighamgham uraat tooni na, ve ilam le indeen saawe tau Maaron indai Yesu gha ipul ghiit ve imuul izala pa sambam.” *

²³ Petrus isavia saveenji tane le isov, ra tipayooz zeran ru: Yosep Barsabas tau eeza ite Yastus na, ve Matias.

* **1:16-17:** Mbo 41:9

* **1:19:** Mt 27:3+

* **1:20:** Mbo 69:25

* **1:20:** Mbo 109:8

* **1:21-22:** Lu 24:48+

24-25 Tipayooz yesuru, ve tisuŋ pa Maaron tigde: “O Tiina tsiei, yo uwatagh tamtamon tISOV lolozi. Tauvene zeran ru tane, utotoi sei ta yo uge ughuru igham Yudas niia. Leso imin mbanjoona tsio ve igham uraat tsio tane. Pasaa, Yudas, i ighur muuri pa uraat tsio, ve imaat gha ila nugh tau yo ughuru pani pataghaan na.” *

26 Tisuŋ le isov, ra tipayooz mbuur le itotoi Matias. Tauta Matias igham Yudas niia, ve ingaltarezai mbanjoona sanjavul ve ee gha timin sanjavul ve ru muul.

2

Avuvu Patabuyaana izilam

¹ Tizaa pa saawe to Pentekos, * ve yes tau tighur ila to Yesu na, tilup zi ila niazi eemon ve tilepleep.

² Malau mako ve tiloon gabua luutu imin yaghur tiina kat ipul sambam ve izilam le irau ruum loolo tau tilepleep pani na. *

³ Ra tighita gabua imin yav yaama ivot ve ivalagh ghi le irau yes tISOV pavozi. *

⁴ Ve Avuvu Patabuyaana ipavon zi tISOV, ve ipaburigin zi gha tisavsavv ila nugh nugh alinjazi. *

* **1:24-25:** Yo 2:25; Syg 2:23 * **2:1:** Pentekos, ene lupuuŋ tiina ee to yes Yuda. Ivotvot pa ndaman ta naol ne (Igham 23:16). Ene saawe tau yes Yuda tipakur Maaron pa mariri tau ivot pazi. Yes tilup zi pa Pasova, ve mbonj tamoot ru sanjavul (50) isov, o lupuuŋ to Pentekos ivot. Yes Grika tiwaat tamoot ru sanjavul (50) ila tauzi alinjazi tigde ‘pente.’ Tauta tiwaat lupuuŋ tawe eeza Pente-kost.

* **2:2:** Ezek 37:9+; Yo 3:8 * **2:3:** Mt 3:11 * **2:4:** Mk 16:17; Yo 7:37, 14:16; Mbanj 4:31, 10:44, 19:6

⁵ Saawe tana, Yuda katini tau tileep irau nugh marij na, tilam tilup zi izi Yerusalem paam. Zeran tawe matazi ingalngal Maaron, ve titaghon ngar tooni.

⁶ Gabua tau ivot na, eval tiina tiloon luutu. Tauvene tisov tilam tigha tighita. Eemon tiloon saveen to yes tau Avuvu Patabuyaan ipavon zi na, le ngar toozi imbool. Pasaa, yes enaenja tisov tiloon saveen ila tauzi alinjazi duduun.

⁷ Tauta avozi ikaak, ve tiil gabua tana ngara tigha: “Wai, yes tau tisavsaav ne, yes tisov to Galilaia.

⁸ Mindai ta iit enaenja tasov taloon zi tisavsaav ila alinaan duduun? Aghita. Saveen tau tisasavia we, ene imin tamtamon to nugh toit duduun tisavsaav.

⁹ Iit tane tasov to nugh eemon mako. Iit siriv to taan sirivu to Partia, Midia, ve Elam. Ve siriv to Mesopotamia, Yudea, ve Kapadosia. Siriv to Pontus ve Asia,

¹⁰⁻¹¹ ve siriv to Pirigia, Pampilia, Isip, ve taan sirivu to Libia tau igheen igharau Sairini na, ve siriv to sisi Krit, ve siriv to taan sirivu to Arabia. Iit loomba siriv taleep Rom ve talam paam. Tamtamon toit siriv, yes Yuda tauu. Ve iit siriv, Yuda mako. Eemon tator ngar toit ila pa Maaron ve tataghon yes Yuda pa sunuun toozi. Eemon saveen tau zeran tawe tisasavia pa uraat arianjazi to Maaron, ene iit enaenja tasov taloonja ila tauun alinaan duduun.”

¹² Tauvene yes eval tana tisov avozi ikaak, ve tigham ngar naol. Ve tivaghasoni zi tigha: “Wai, gabua tane, puughu mindai?”

¹³ Eemon tamtamon siriv tiniñ pa yes tau tighur ila to Yesu na tige: “Ewe aat tighun vaen tiina, tauta tivayau avozi.”

Mos tau Petrus ivotia pa saawe to Pentekos

¹⁴ Petrus iyozyooz tomania zeetña sanjavul ve ee. I isaav pa eval tiina tana toman aliña tiina ighe: “Yam tamtamon to Yuda, ve yam siriv tau alam aleep izi Yerusalem paam, asov aghur talinamim payau poi. Leso napaghazonai gham pa gabua tau ivot ne puughu ve aghazoon pani.

¹⁵ Mindai, yam aghe tamtamon tane tighun tiina le ngar toozi ivaghamgham? Mako. Aghita. Ngarig gha mbonoozo. Aaz izalam geeg soone. Sei ighunghun pa saawe tauvene?

¹⁶ Aloon. Gabua tau ngarig ivot ne, ene itaghon Maaron aliña tau muun i ivotia ila propet Yoel aavo. Ighe:

¹⁷ Maaron isaav tauvene: “Saawe murei † ighe ivot,

yau pale narei Avuvug irau tamtamon tisov.

Mako natmimña zitamoot ve zilivaa timin propet, ve tivotia alinag pa tamtamon.

Tauvene zitamoot tsiam paghpaaghu pale tighita gabua siriv ila tandaghiin.

† **2:17:** Saveen ziiri ‘saawe murei’, ene inarui taan saawe mon mako. Ene saawe malaua. Iburig pa saawe tau Yesu imaat ve iburig pa mateegh, ve ila ila le taan saawe. Ilaal tiina to saawe murei, ene uraat to Avuvu Patabuyaaj. Saawe munjaana, ene saawe tau Maaron ipaburigin uraat tooni ila iit tamtamon sosoon, ve igham yes Israela tivot. Ve saawe murei (o ‘saawe paaghu’ o ‘last days’), ene saawe tau i ipasov uraat tooni, ve saveen mbuaaj tooni naol isov tighur anooja.

Ve zikoonja tsiam pale tighita gabua siriv ila vivuunj. *

18 Yau pale narei Avuvug irau besoonja tsiau tisov. Yes zitamoot ve zilivaa paam. Leso timin propet, ve tivotia alinag pa tamtamon. *

19 Ve yau pale naghamb gabua ngeretazi tintiina siriv tivot ila sambam saamba, ve naghamb gabua ngeretazi tivot izi taan paam, lesa natotoi taug pa tamtamon. Sinj pale imalinj, ve yav ighan nugh, ve mbuusa tiina izaa le ikau nugh.

20 Aaz pale ighaaz muul mako, ve nugh ndo-room.

Ve kaiyo pale sinjsinjanj.

Mako saawe tiina to Neer Tiina ivot, ve itotoi tapiri ve mbonari ivot ighazoonj. *

21 Saawe tana ighe ivot, tamtamon tisov tau titañ rarai Maaron pa uleenj, ene pale ighamb mulin zi, ve tileep poi.” ’ *

22 “Taufene yam zitamoot to Israel, aghur talinjamim poi pa saveenj tsiau tane. Yam awatagh: Yesu to Nasaret ighamb uraat arianjazi ve gabua ngeretazi tintiina ila sosomim to itotoi tauu payam. Uraat naol tau Maaron ighamb zi tivot ila Yesu niima, ene eez tau Maaron ipaghazonjaini ighe i imbaanjo ta ilam. *

23 Ngar tau ivot pa Yesu na, Maaron ighamb ngar pani alok wa. I ighur Yesu ila nimamim itaghon tauu ngar tooni. Tauta akisi ve aghuru ila yes

* **2:17:** Is 44:3; Ezek 39:29 * **2:18:** Mbanj 21:9 * **2:20:** Mt 24:29, 27:45 * **2:21:** Yoel 2:28+; Mbanj 4:12; Ro 10:13 * **2:22:** Yo 5:36

Roma tau tikankaan pa tutuun tooni na nimazi, ve anazi tiravu izala ai pambaroon gha imaat. *

²⁴ Eemon Maaron igham mulini pa yavyavuuñ to mateegh, ve ipaburigini. Pasaa, mateegh irau to ikisi ne mako. *

²⁵ Muun, kinik David isavia saveen siriv tau iduduun kat pa Yesu. Ighe:

‘Saawe isov, yau naghita Maaron ilepleep naghoge.

I ilepleep ila zigeg tapir ve ipapalot ghau.

Tauvene gabua eta irau igham ghau narur ne mako.

²⁶ Tauta lollog poia kat,

ve napakuru ila avog toman tintinig.

Onoon, yau pale namaat. Pasaa, yau tamtamon to taan.

Eemon lollog ruru mako. Tauta naleep ve naghur matag pa uleenj tsio mon.

²⁷ Pasaa, yo irau ughur murim payau ve upul ghau namaat gha nazila mateegha niazi ne mako.

Yau tamtamon tsio patabuyaanj. Tauvene yo irau upul ghau namaat ve patag imbuuz ila naal loolo ne mako.

²⁸ Yo utotoi ghau pa eez to lepoogh poia.

Isaav ighe naleep tomani ghom, yo pale ugham ghau lollog poia le poia kat.’ *

²⁹ “Aiyu, yam tonvetaz, yau nasaav ghazoonja payam: Timbuun David, i imaat gha titavia alok wa. Indeen saawe tawe ve ilam aazne, naal tooni ighengheen tomani ghiit izi nugh tane. *

* **2:23:** Is 53:10; Mbanj 4:28 * **2:24:** Lu 24:5; Mbanj 3:15 * **2:28:**

Mbo 16:8+ * **2:29:** 1King 2:10; Mbanj 13:35+

³⁰ Eemon David, i propet to Maaron. Ve i iwatagh ighe Maaron imbu saveen tomania, ve ipariaan le iyaryaan kat ighe i pale ighur paaghu tooni eta imin kinik. Leso aana igham pooz imin i tauu. *

³¹ Maaron ipaghazonai David pa gabua siriv tau murei pale ivot. Tauta i isavia burigiin to Mesia, ve ighe Maaron irau ighur muuri pani ve ipuli imaat gha izila mateegha nugh toozi ne mako. Ve irau paata imbuuz ila naal loolo ne mako. *

³² “Yesu tau aazne nasasavia ne, Maaron ipaburigini pa mateegh wa. Ve yei nisov tane nighita pa matamai. Tauta nipariaan saveen tooni.

³³ Ve Taama Maaron ighamu izala pa sambam, ve ighuru ileep ila niima tapir, ve igham Avuvu Patabuyaan pani. Tauta aazne, Yesu aana isakia Avuvu tawe ilam irau ghei itaghon saveen mbuaan to Maaron. Avuvu tane, tauta imin puughu pa gabua tau aazne aghita ve aloonja. *

³⁴ Timbuun David, i izala sambam imin Yesu mako. Eemon i isavia gabua tau murei ivot pa Yesu na ighe:

‘Maaron isaav pa Tiina tsiau ighe:

“Ulam mbolem izi ila pa nimag tapir,

³⁵ le irau natatan koiamnja ve tapirizi isov kat, ve uvaghaaz zi ila aghem saamba.” ’ *

³⁶ Ra Petrus aavo iyaryaan pazi ighe: “Tauvene yam Israela asov irau awatagh kat tauvene: Yesu tau yam aravu izala ai pambaroon gha imaat, tauta Maaron ighuru imin Tiina ve Mesia.”

* **2:30:** 2Sam 7:12+; Mbo 89:3, 132:11

* **2:31:** Mbo 16:10

* **2:33:** Yo 14:26; Pil 2:9

* **2:35:** Mbo 110:1

Eval tiina tighur ila to Yesu

³⁷ Eval tiina tiloon saveen tane le ingal zi. Tauvene tighason Petrus tomania mbanjoona siriv tige: “Wai, toghmaina, ighe tauvene, pale nigham mindai?” *

³⁸ Petrus iyol aliñazi ighe: “Yam asov irau apul ngar tsiam sasaghati ileple, ve atoor ngar tsiam ila pa Maaron, ve agham yaa ila Yesu Krisi eeza. Leso Maaron ireu sosor tsiam ilale, ve irei Avuvu Patabuyaang payam.” *

³⁹ Saveen mbuaang tane ilat pa yam Israela tomania natmimna, ve tamtamon tisov to nugh nugh tau tileep malau na paam. Pasaa, saveen tane injarui tamtamon tisov tau Tiina toit Maaron ipoi zi to timin le.” *

⁴⁰ Petrus isavia saveen tane mon mako. I isaav ariaang pazi pa saveen siriv siriv paam. Pa ighe igham zi titoor ngar toozi ila pa Maaron. Tauvene isaav pazi ighe: “Atang rarai Maaron, lesa igham mulin gham! Mako pale alalemim tomania zeran sasaghati tau tileep pa saawe tane.” *

⁴¹ Saawe tana, tamtamon irau ndinndin ndinndin tol (3,000) ma vene tighur ila Petrus aliina, ve tigham yaa. Tauvene yes paam tilonj tila lupuunj to Krisi.

Yes tau tighur ila to Krisi imin maata na gabuazi

⁴² Yes tau tighur ila to Krisi na, monmon tighurghur talinazi pa saveen tau yes mbanjoona tipaduduunj zi pani na, ve tighamgham ngar pani

* **2:37:** Hib 4:12 * **2:38:** Mk 16:16; Lu 24:47; Mbanj 3:19 * **2:39:** Is 57:19; Yo 10:16; Mbanj 14:27; Ep 2:13+ * **2:40:** Ga 1:4

poi. Ve tivavaule zi, ve tiluplup zi pa sunjuun tomania ghanghaniin.

⁴³ Maaron igham gabua ngeretazi naol tivotvot ila yes mbanjoona nimazi. Tauvene tamtamon tisov tau tighita Maaron tapiri na, roin tiina igham zi. *

⁴⁴ Yes tau tighur ila to Yesu na, tisov lolozi eemon, ve tivavaule zi. Eta injuruut gabua tooni mako. Tighita gabua toozi isov tigde ene gabua to eval tisov.

⁴⁵ Tauvene tigholgholia taan ma gabua toozi siriv, ve tighamgham maeta pa yes tau mbolaan igham zi na. Tauta tisov lezi gabua le irau zi. *

⁴⁶⁻⁴⁷ Mataaz ta naol ne, lolozi ve njar toozi eemon, ve tiluplup zi ila Rumei Tiina naagho. Ve tiluplup zi pa sunjuun tomania ghanghaniin ila ruum toz toz paam. Saawe tau tilup zi pa ghanghaniin, lolozi poia ve tipapait Maaron eeza. Tauta tamtamon tisov tighet zi ve lolozi poia pazi. Ve saawe isov, Tiina toit Yesu ighamgham uraat ila tamtamon siriv lolozi to igham mulin zi. Tauta tighur ila to Yesu, ve tingaltarezai yes tau tighur ila imin maata na, le timin eval kat.

3

Petrus igharaat narape ee

¹ Saawe ee, aaz anunu igham tol, ve sunjuun to ravrav ighe ivot. Tauvene Petrus yesuru Yoan tizala pa Rumei Tiina.

² Yesuru tila le tizaa to neer narape ee tau tibaado gha tilam. Neer tawe, tiina ipooa aaghe

* **2:43:** Mbanj 5:12; 2Kor 12:12
2Kor 8:13

* **2:45:** Lu 12:33; Mbanj 4:32+;

saghati. Tauvene monmon tighurghuru igharau sirsir to Rumei Tiina atamana tau tiwaato tige ‘Ataman Paghuuna.’ Leso ileep ta sewe, ve isun le gabua ila to yes tau tige tilon tila sirsir to Rumei Tiina loolo na.

³ I ighita Petrus yesuru Yoan tilam le tige tilon tila sirsir to Rumei Tiina loolo, ra isun yesuru ige tiuule.

⁴ Yesuru matazi ila pani, ve Petrus isaav pani ige: “Matam ilam!”

⁵ Tauvene neer tawe ighur maata pa yesuru ige aat igham le gabua eta.

⁶ Eemon Petrus isaav pani ige: “Yau leg maet silva ma gol eta mako. Eemon gabua tau ighen tsiau ne, tauta aat naghama payo. Yau nasaav payo: Ila Yesu Krisi to Nasaret eeza, uburig ve ulaagh!”

*

⁷⁻⁸ Ra ikis neer tana niima tapir ige iiti iburig. Reikia mon ve neer tana aaghe sengaana poia. Tauvene purukia iburig iyooz ve ilaagh. Ra iyatyaat toman tintini, ve ipapait Maaron eeza, ve itaghon Petrus yesuru Yoan, gha tilon tila sirsir to Rumei Tiina loolo.

⁹ Tamtamon tison tau tighita neer tana ilaghlaagh ve ipapait Maaron eeza,

¹⁰ yes tighilaalo tige i ta monmon ilepleep igharau Ataman Paghuuna, ve isun pa le gabua na. Tauvene tirur pa gabua ngereeta tau ivot pani na le avozi ikaak.

Mos tau Petrus ivotia ila Rumei Tiina naagho

¹¹ Neer tana ikiskis Petrus yesuru Yoan, ve malau mako ve eval tiina tilaan tilam tivot toozi izi

*

3:6: Mbanj 14:10

ruum to lepoogh tau Solomon irao ila Rumei Tiina ziige na. Pasaa, tirur pa gabua ngereeta tau ivot na le ngar toozi imbool.

¹² Petrus ighit zi, ve isaav pazi ighe: “O yam Israela, puughu mindai ta arur pa gabua tane ve adaad matamim payei? Yam aghe yeiru lemai tapirimai tiina, ma nitaghon katin Maaron ngar tooni, tauta nigham njeer tane ilaagh ne? Mako.

¹³ Maaron to timbuunja, i Maaron to Abaram, Isak ve Yakop. I ta igham besoonja tooni Yesu izala pa sambam, ve aazne igham gabua tane to ipaghazonai Yesu ighe i eeza tiina. Yam awatagh: Taumim aghur Yesu ila Piladus niima. Ve saawe tau Piladus iloon saveenj tooni ve ighe ipuli ilat payam, yam azori.*

¹⁴ Aghita. Yesu, i njeer patabuyaanj ve duduunja. Eemon lolomim pani mako ve azori. Ve njeer tau irav tamtamon imaat, tauta yam azoornugh aghe le Piladus ipuli ilat payam.

¹⁵ Tauvene njeer tau imin puughu pa lepoogh maata yaryaare, tauta yam aravu imaat. Eemon Maaron ipaburiginini pa mateegh, ve yei tane nighit katini pa matamai. Tauta aazne, nipariaanj saveenja, leso aghur ila tooni.*

¹⁶ Etaan tane, yam awatagh patanjani tooni. Yesu eeza ve tapiri mon, tauta igham njeer tane tapiri ivot ve tiini poia. Gabua ite paam mako. Yesu ipaburigin ghei gha nighur ila tooni ariaanj. Ve ghuruun ila tsiei tau injarui Yesu, tauta iuul njeer tane gha tiini poia, ve aazne iyooz ila naghomim.

* **3:13:** Igham 3:6; Lu 23:18+

* **3:15:** Lu 24:48; Mbanj 1:8, 2:24,

*

17 “Yam tonvetaz, yau nawatagh: Yamnja daaba tsiam aghilaal Yesu mako, tauta agham ngar saghati pani. *

18 Ve aloonj. Muunj, Maaron ivotia aliinja ila propet tooni tisov avozi ighe Mesia tooni aat ibaad patañani ve iyamaan yavyavuunj tiina. Ngar tau yam agham pa Yesu, ene eez tau Maaron aliinja tawe anoonja ivot. *

19-20 Tauvene yam apul ngar tsiam sasaghati ileple, ve atoor ngar tsiam imuul ila pa Maaron. Leso Maaron ireu sosor tsiam isov ilale, ve Tiina toit ileep tomani gham ve ipariaañ gham pa tauu tapiri. Ve i pale imbaañ Yesu imuul ilam. I Mesia tau Maaron tauu ighuru to igham mulin gham. *

21 I aat ileep izi nugh sambam ve isasañan le irau saawe tau Maaron igharaat mulin gabua naol isov, itaghon saveeñ tau muunj i ivotia ila propet tooni patabuyaaña avozi. *

22 Muunj, Mose ibood saveeñ siriv tau izaa to Yesu ighe:

“Tiina tsiam Maaron pale ighur tamtamon tsiam eta imin propet, ve ivotia Maaron aliinja payam imin yau. Tauvene saa saveeñ tau ighe i isavia, yam aat aloonja ve ataghoni.

23 Ve isaav ighe tamtamon eta iloonj aliinja mako ve izoor saveeñ tooni, ene pale Maaron

* **3:16:** Lu 17:19; Mbanj 4:10 * **3:17:** Lu 23:34; 1Kor 2:8 * **3:18:** Mbo 22; Is 53:5+; Lu 24:44; 1Pe 1:10+ * **3:19-20:** Mbanj 1:11; 1Tes 4:16 * **3:21:** Ro 8:21+; 2Pe 3:13

ivaghamunia gha ilale. Leso iziire ighau pa tamtamon tooni Israel.’ *

²⁴ “Tauvene aghita. Saawe to propet Samuel ve ilam, propet tisov to Maaron tisavia gabua tau ivot pa saawe tane. *

²⁵ Yam paaghu to yes propet. Saveen toozi, ene injarui gham. Ve saveen tau Maaron imbua tomania timbuunja na, tauvene paam. Injarui gham. Matamim ingal saveen tau Maaron isavia pa Abaram na. Ighe:

‘Paaghu tsio pale timin eez to poia tsiau izaa to nughmarinj to taan.’ *

²⁶ “Tauvene aghita. Saawe tau Maaron ighur uraat ila besoonja tooni Yesu niima, i imbaano ilat payam imin maata. Leso igham gham atoor ngar tsiam, ve yam enjaenja asov apul ngar tsiam sasaghati ileple, ve poia tooni izaa tsiam.” *

4

Tipayooz Petrus yesuru Yoan ila pooza tau tinjingin yes Yuda na naghozi

¹ Petrus yesuru Yoan tisavsaav pa tamtamon soone, ve zeran siriv to watoonrau, ve daaba to yes uraata tau tinjingin Rumei Tiina na, tomania Sadusi siriv injarui zi tilam.

² Yes tilam toman atezi yavyav pasaa, yesuru tipaghazonjai tamtamon pa Maaron aliinja ve tivovotia saveen pazi tigde: Yes tau tipaak Yesu ve

* **3:23:** Lo 18:15+; Mbanj 7:37 * **3:24:** Lu 24:27 * **3:25:** Gnp 12:3, 22:18; Ga 3:8 * **3:26:** Mbanj 13:46, 22:21; Ro 1:16

tileep ila tooni na, Maaron pale ipaburigin zi pa mateegh. * *

³ Saawe tana, ravrav izi wa. Tauvene tikis yesuru, ve tighur zi tilonj tila ruum to yavyavuunj. Leso tileep ta sewe le nughizau, mako titiir saveenj toozi.

⁴ Yes tau tiloonj saveenj to yesuru na, katini titoor ngar toozi ve tighur ila to Yesu. Tauvene tɨngaltarezai yes tau munjanazi na le timin eval kat. Yes zitamoot mon irau ndiɨndiɨ ndiɨndiɨ liim (5,000) ma vene.

⁵ Mbonj nughizau, ra pooza to yes Yuda, tomania nginiɨna toozi, ve zeran ngara siriv to tutuunj tilup zi izi Yerusalem.

⁶ Ve Anas tau daaba mungaana to watoonjrau, tomania Kaiapas tau igham Anas niia na, Yoan, Aleksander, ve Anas ziiri waaro tooni siriv, yes tisov tileep ila lupuunj tawe paam. †

⁷ Tilup zi ve tilepleep, ve tigham Petrus yesuru Yoan tilam, tipayooz zi ila naghozi, ve tighason zi tigde: “Ai, gabua tau noor ivot na, yamru agham tapirimim mindai, ta agham gabua tana ivot? Ve agham uraat tana ila sei eeza?”

⁸ Avuvu Patabuyaanj izeev Petrus, ve i isaav pazi tigde: “Yam pooza ve yam nginiɨna, mindai?”

* **4:2:** Yes Sadusi tighur ila tigde mateegha irau tiburig muul mako (Mt 22:23). Tauta atezi yavyav pa saveenj to Petrus yesuru Yoan. * **4:2:** Mbanj 17:18, 23:6 † **4:6:** Anas imin daaba to watoonjrau, ve murei ra, raawa Kaiapas igham niia. Tauvene saawe tau tirav Yesu imaat ilam saawe tau tipayooz Petrus yesuru Yoan pa savsaveenj, Kaipas i daaba to watoonjrau. Eemon Anas eeza ‘daaba to watoonjrau’ ighengheen soone.

⁹ Aazne, aghe aghason ghei pa uraat poia tau ivot pa ŋeer narape tane, ve eez tau i tiini poia, tauta agham ghei nilam ne?

¹⁰ Poia. Yau naghe yamŋa Israela asov awatagh kat tauvene: Yesu Kriŋi to Nasaret tau yam aravu izala ai pambarooŋ gha imaat, ve Maaron ipaburigini pa mateegh na, ila i eeza ve tapiri, tauta ŋeer tau aazne iyozyoos ila naghomim ne tiini poia. *

¹¹ Yesu tane ta muuŋ tibood saveeŋ iza a tooni tigde:

‘Maet tau yam zeran to raooŋ ruum matamim veleghini ve asiki ilale na, tauta imin puughu pa ruum ve ipaloti. Leso ruum iyooz ariiaan izala paavo.’ ‡ *

¹² Yesu mon ta Maaron ighuru imin Uleeŋa toit. Tamtamon ite paam to taan le eeza pa uraat tauvene mako. Ila i eeza mon, tauta Maaron igham mulin ghiit pa patanani to sosor toit ve taleep poi.” *

¹³ Yes daaba tawe tiwatagh: Petrus gha Yoan, yesuru tamtamon to nughei mon. Tila skul tiina eta mako. Eemon tighita yesuru tiroi mako, ve tiyooz ariiaan kat pa savsaveeŋ. Tauvene tigham ŋgar naol pazi, ve tighilaal yesuru tigde muuŋ, yesŋa Yesu tilaghlaagh.

¹⁴ Ve tighita narape tau yesuru tighamu aaghe poia na, yesŋa tiyozyoos. Tauvene tiliil pa savsaveeŋ.

* **4:10:** Mbanj 3:13+ ‡ **4:11:** Ruum tau ziiri tane isavia, ene tamtamon to Maaron lupuuŋ toozi. Ve maet tau imin puughu pa ruum, ene Yesu tauu. * **4:11:** Mbo 118:22; Mt 21:42 * **4:12:** Mt 1:21; Mbanj 10:43; Ro 10:13

¹⁵ Tauta tiziir Petrus yesuru Yoan pa lupuun toozi gha tivot tila muuri, ve yes mon tivasavo zi.

¹⁶ Tighe: “Laak, pale tagham mindai pa yesuru? Pa gabua ŋgereeta tiina tau tighamu, ene itotoi Maaron tapiri ivot mataghare kat, ve eval tiina tau tileep Yerusalem ne, tisov tiwataghi wa. Tauvene isaav ighe tatoova to tatatan saveeŋ to yesuru taghe karom, ene irau tamtamon tilooŋ ghiit mako. *

¹⁷ Eemon iit aat tarav matin saveeŋ tane. Mako pale vaaru ilaan ila gha tamtamon tisov tiwataghi. Tauvene taŋgalsekin zi ariaaŋ. Leso tivotia saveeŋ pa tamtamon ila ŋeer tawe eeza muul sov.”

¹⁸ Tivasavo zi le isov, ra tipoi mbanjooŋa ru tana tilooŋ tilam muul, ve tisaav ariaaŋ pazi tighe tisavia saveeŋ eta pa tamtamon ila Yesu eeza, ma tipaduduun zi pani muul sov. *

¹⁹ Eemon yesuru tiyol aliŋazi tighe: “Yam tau-mim agabiiz: Ngar sindei tau iduduun ila Maaron maata? Pale nilooŋ yam aliŋamim ve nitaghoni, ma nitaghon Maaron aliŋa? *

²⁰ Pa gabua tiina tau yeiru nighita ve nilooŋa na, ene irau nineneeŋ pani mako. Aat nisavsavia mon tauvene.”

²¹⁻²² Yesuru tisaav tauvene, ve yes daaba tana tigham saveeŋ paroiŋ pazi muul. Ra tipul zi tila. Yes tighe tiŋgal yesuru matazi. Eemon tirao mako. Pasaa, narape tau gabua ŋgereeta tawe ivot pani na, ndaman tooni iliiv tamoot ru (40) wa. Tauvene gabua tau ivot na, igham eval tiina tisov tipapait Maaron eeza pa tapiri ve poia tooni.

* **4:16:** Yo 11:47 * **4:18:** Mbanj 5:28, 40 * **4:19:** Mbanj 5:29

Yes tau tighur ila to Yesu na tighason Maaron to ipalot zi, lesu tiyooz ariaan

²³ Yes daaba tana tipul Petrus yesuru Yoan tila, ve malmalizi tila to zetazna, ve tipaesia saveen tau yes daaba to watoonrau ve yes nginiina tisavia pazi na.

²⁴ Zetazna tiloon paesiin toozi, ve tisov tilup lolozu imin eemon, ve titan rarai Maaron tigne: “Tiina tsiei, yo ughur sambam, taan, ve te, tomaniania gabua naol isov tau tileep ve tighen ila na, ve ungin zi.

²⁵ Muun, Avuvum Patabuyaana ipaburigin timbumai David tau besoonja tsio na, gha isaav tau-vene:

‘Puughu mindai ta nugh nugh atezi yavyav ve tigne tipaburigin malmal?

Tamtamon matazi ingal ngar naol tau le anoonja mako na pasaa?

²⁶ Yes kinik to taan tigham aghezi pa malmal. Yes pooza tilup zi, ve tiil eez to tizoor Maaron tomaniania Mesia tooni ve tigne titatan zi.’ *

²⁷ “Saveen tane, tauta aazne, anoonja ivot wa. Pasaa, yo taum ughur Yesu, tau besoonja tsio patabuyaana, imin Mesia. Eemon Erod yesuru Piladus tomaniania yes tau Yuda mako na, ve eval tiina to Israel, tilup zi izi nugh tiina tane, ve tiil eez to tizoor saveen tooni ve tigne titatani. Tauta tiravu imaat. *

²⁸ Eemon ngar tau tigham pani, ene itaghon taum ngar tsio. Muun ughe: ila taum tapirim, yo pale ugham gabua tane ivot. *

* **4:26:** Mbo 2:1+ * **4:27:** Lu 23:7+ * **4:28:** Mbanj 2:23

²⁹ O Maaron, saveen paroinj tau tighamgham payei ne, yo uwataghi wa. Tauvene yei tau nimin besoonja tsio ne, nitanj rarai ghom nighe upalot ghei. Leso niroi sov, ve niyooz ariaan pa votiaan saveen tsio. *

³⁰ Utotoi tapirim ivot ighazoon, ugharaat yes moroghoonja le tinizi poia, ve ugham gabua ngeretazi tintiina tivot ila besoonja tsio patabuyaanj Yesu eeza, lesu imin ilaal pa tamtamon ve tighur ila tooni.”

³¹ Tisunj le isov, ra Maaron tapiri itok nugh tau tilup zi pani na, le irur imin yogyoog itok. Ve Avuvu Patabuyaanj izeev zi tisov. Tauta tiroi mako, ve tiyooz ariaan pa votiaan Maaron aliinja pa tamtamon. *

Yes tau tighur ila to Yesu na tivaule zi

³² Yes tau tighur ila to Yesu na, tisov lolozi ve ngar toozi eemon, ve tivaule zi. Toozi eta inguruut gabua tooni ve isaav ighe ene gabua to tauu mon ne mako. Tighita gabua toozi naol isov tighe ene gabua to eval tisov. *

³³ Ve yes mbanjoonja tipapariaanj saveen pa burigiinj to Tiina toit Yesu, lesu tamtamon tighur ila tooni. Ve uraat toozi ilanlaan toman tapiri. Tauta Maaron poia tooni tiina ighengheen tomani zi tisov.

³⁴ Tamtamon toozi eta imbool pa gabua eta mako. Pasaa, yes tau lezi taan ma ruum na, tigholgholia gabua toozi, ve tighamgham maeta,

* **4:29:** Mbanj 13:46; Ep 6:19+; Pil 1:14

* **4:31:** Mbanj 2:2+

* **4:32:** Lu 12:33; Mbanj 2:44+

³⁵ ve tighurghuru ila to yes mbanjoona. Mako anazi tireii pa yes tau mbolaan igham zi na. *

³⁶⁻³⁷ Tauta neer ee to sisi Saiprus, eeza Yosep, i paam igholia taan tooni, ve igham maeta, ve ighuru ila to yes mbanjoona. Yosep puughu tooni ivot ila to Levi. Ve yes mbanjoona titoor eeza, ve tiwaato tigde Banabas. (Eez Banabas, puughu tauvene: 'Neer to palotiin tamtamon.')

5

Ananias gha azaawa Sapira tigham karom

¹ Neer toozi ee, eeza Ananias. Ve azaawa eeza Sapira. Yesuru paam tigholia taan toozi sirivu ee.

² Eemon Ananias igham karom. Pasaa, itatan taan tawe maeta siriv igheen, ve igham sirivu mon gha ighuru ila to yes mbanjoona. Eemon isaav pazi ighe taan tooni maeta, tauta isov ila toozi. Karom tau i ighamu na, azaawa Sapira iwataghi paam. *

³ Tauvene Petrus isaav pani ighe: "Wai, Ananias, puughu mindai ta upul Neer Saghati izeev ghom ve utatan maet siriv? Ngar tau ughamu na, ene ugham karom pa Avuvu Patabuyaana. *

⁴ Saawe tau ugholia taan tsio soone, ena yo gabua tsio. Ve saawe tau ugholia, saa ngar tau matam ingali ughe upul maet tana pani, ene igheen to yo taum. Mindai ta lolom ipazaagh ghom pa ngar saghati tane? Aazne, ugham karom pa yei

* **4:35:** 2Kor 8:13+ * **4:36-37:** Mbanj 9:27, 11:22, 30, 13:2 * **5:2:** Yos 7:1-26 * **5:3:** Lo 23:21+; Lu 22:3

tamtamon mako. Yo ugham karom pa Maaron!”
*

⁵ Ananias iloon saveen tane, ve itap izi le imaat kusia. Tauvene tamtamon tISOV tau tiloon gabua tana vaaru na, roiñ tiina igham zi.

⁶ Ra geegeu paghpaaghu siriv tilam gha tizun Ananias paata pa uuli, ve tibaado tila titavia.

⁷ Tileep malau rig (irau aua tol ma vene), ra Ananias azaawa Sapira aana ilon ilam. Eemon gabua tau ivot pa Ananias na, i iwataghi mako.

⁸ I ilon ila, ve Petrus ighasoni ighe: “Aiyo, usaav ghazoonja payau. Taan tau yamru azuwam agholia na, atuya tauta ene?”

I iyol aliinja ighe: “Vee, atuya tauta ena mon.”

⁹ Tauvene Petrus isaav pani muul ighe: “Mindai ta yamru azuwam alup lolomim ve aghe atooV Maaron Avuvu? Uloon. Yes tau tila titavia azuwam na, tauta ngarig gha timuul tilam tiyoozyooz ataman aavo we. Ve yo paam, pale tibaad ghom uvot ula.”

¹⁰ Rekia mon ve livaa aana, itap izi Petrus aaghe puughu gha imaat kusia. Geegeu paghpaaghu tau titavia Ananias na, tilon tilam, ve tighita Sapira paam imaat gha ighengheen. Tauvene tisuru iza, gha tibaado tila titavia izi azaawa ziige.

¹¹ Gabua tana ivot le roiñ tiina igham tamtamon tISOV tau tileep ila lupuun to Krisi na. Ve yes mon mako. Tamtamon tISOV tau tiloon yesuru varuzi na tiroi paam.

Yes mbanjoona tigham gabua ngeretazi tintiina siriv tivot

* 5:4: Mt 23:27+

¹² Saawe tana, Maaron igham gabua ngeretazi katini tivotvot ila yes mbanjoona nimazi. Leso imin ilaal pa tamtamon, ve tighur ila. Ve yes tau tighur ila to Yesu na, lolozu eemon, ve monmon tiluplup zi ila ruum to lepoogh tau Solomon irao ila Rumei Tiina ziige na. *

¹³ Tamtamon tipaak zi sorok mako. Pa tiroi. Eemon eval tiina titandagh pazi, ve tipapait varuzi.

¹⁴ Saawe tana, tamtamon paghpaaghu katini tighur ila. Tauta timin Tiina toit Yesu le, ve tinjaltarezai yes tau munjanazi na, le timin eval le eval kat. Yes zitamoot ve zilivaa paam.

¹⁵ Gabua ngeretazi tau yes mbanjoona tighamgham zi na, vaaru ilaan irau nugh nugh. Tauvene monmon tamtamon tibadbaad moroghoona toozi tilala, ve tighurghur zi ila eez ziige, ve tisaşan. Siriv tigheen izala boor, ve siriv tigheen izala moogh. Pasaa, tinumeer tige saawe tau Petrus ilaagh inarui zi ilam, ve ighe yavyaava rigta izala pavozi, ene aat igham zi tinizi poia. *

¹⁶ Nugh siriv tau tigheen tigharau Yerusalem na, paam. Tighamgham moroghoona toozi tomania tamtamon toozi siriv tau avuvu sasaghati tivaghamun zi na, tilala Yerusalem, ve tinjanarui yes mbanjoona. Ve yes mbanjoona tiuul zi gha tisov tinizi poia. *

Tighur yes mbanjoona tilon tila ruum to yavyavuuu

* **5:12:** Mbanj 2:43; 2Kor 12:12
19:12 * **5:16:** Mt 8:16

* **5:15:** Mt 9:21, 14:36; Mbanj

¹⁷ Daaba to watoonrau, tomania zeetna Sadusi tau tipakpaako na, tighita uraat to yes mbanjoona ilaan toman tapiri, le ireu lolozu ve atezi yavyav kat.

¹⁸ Tauvene tila tikis zi, ve tizeev zi tilon tila ruum to yavyavuun. *

¹⁹ Eemon mbon tana, anela ee to Maaron ivot toozi, ve ikaak ataman to ruum to yavyavuun, ve igham zi tivot tila pa muuri. *

²⁰ Ra isaav pazi igha: “Yam ala ayooz ila Rumei Tiina naagho, ve avotia lepoogh paaghu tane ngara isov pa tamtamon, leso tighazon pani.”

²¹ Tauvene nughizau, ra titaghon anela aliina, ve tilon tila sirsiir to Rumei Tiina loolo, ve tipaburigin uraat toozi to tipaghazonai tamtamon pa Maaron aliina.

Saawe eemon tana, daaba to watoonrau tomania zeetna siriv tipoi yes pooza to Israel tilam tilup zi, ve timbaan uraata toozi siriv tila ruum to yavyavuun, leso tigham yes mbanjoona tilam.

²² Eemon tilon tila ruum to yavyavuun, ve tiil zi le mako. Tauvene timuul tila to yes pooza, ve tipaes pazi tigha:

²³ “Aloon. Saawe tau nila peria ruum to yavyavuun, nighita ataman tisov tipoon zi le tunja kat. Ve yes tau tinginjin ataman na, tiyozyooz. Eemon nikaak ataman ve nilon nila, le nirur pa ruum loolo nginaana. Tamtamon eta ileep mako.”

²⁴ Daaba to yes uraata tau tinginjin Rumei Tiina na tomania daaba to watoonrau tiloon paesiin

* **5:18:** Mban 4:3 * **5:19:** Mbo 34:7, 146:7; Mban 12:7, 16:26

tane le ngar toozi ivaghamgham ve tigde: “Wai, ighe tauvene, saa paam pale ivot?”

²⁵ Malau mako ve neer ite aana ilam, ve ipaes pazi ighe: “Ou, yam alepleep? Zeran tau azeev zi tilonj tila ruum to yavyavuun na, tiyozooz ila Rumei Tiina naagho, ve tipapaduduunj tamtamon we!”

²⁶ Daaba to yes uraata tau tinginngin Rumei Tiina na iloonj saveenj tane, ve iburig gha iyau tamtamon tooni, ve tila tigde tikis zi muul. Eemon saawe tau tivot toozi, tigham saghatin zi mako. Tikis zi poi. Pasaa, tiroi pa eval tiina tawe pale tiburig ve tirav zi pa maet.

²⁷ Tauvene tikis yes mbanjoona, ve tigham zi timuul tila, ve tipayooz zi ila lupuunj tiina tana naghozi. Ra daaba to watoonrau iyaon zi ighe:

²⁸ “Awaat neer tawe eeza irao! Yam talinamim mako? Yei ninjalsekin gham ariaan wa: Apaduduunj tamtamon pa Maaron aliinja ila neer tawe eeza sov. Eemon yam asasavia vaaru le tamtamon tisov to Yerusalem tiwataghi wa. Mindai, yam aghe asuk payei pa mateegh tooni?”
*

²⁹ Petrus yesja mbanjoona siriv tiyol aliinja tigde: “Yei irau nitaghon sorokin saveenj to tamtamon eta to taan mako. Saveenj tau iduduunj pa Maaron ngar tooni, o nitaghoni.”
*

³⁰ Aloonj. Yesu tau yam aravu izala ai pambaroonj gha imaat na, Maaron to timbuunja ipaburigini pa mateegh wa.
*

* **5:28:** Mt 23:35, 27:25; Mbanj 4:18

* **5:29:** Mbanj 4:19; Ga 1:10;

1Tes 2:4 * **5:30:** Ga 3:13

³¹ Ve ighamu izala pa sambam, ve ighuru ileep ila i tauu niima tapir. Tauta ipaghazonjaini ighe i eeza tiina. Taama Maaron ighuru imin Daaba pait, ve i Uleenja toit. I irau igham iit Israela tator ngar toit ila pa Maaron, ve ireu sosor toit isov ilale. *

³² Gabua isov tau ivot pani na, yei nighita pa matamai. Tauta nipariaan saveenja, leso tamtamon tighur ila tooni. Ve yei mon mako. Avuvu Patabuyaan tau Maaron igham pa tamtamon tisov tau titaghon ngar tooni na, i paam ipariaan Yesu saveen tooni.” *

Gamaliel ingalsekin lupuun tiina ighe tigham saghatin yes mbanjoonja sov

³³ Yes tau tileep ila lupuun tawe, tiloon saveen tane, le ipas atezi ve tigde tirav zi timaat pataghaan.

³⁴ Eemon neer tutuunja ee ileep ila lupuun tana loolo, eeza Gamaliel. I paduduunjaan ee to tutuun, ve tamtamon tisov titandagh pani. I iburig iyooz, ve isaav pazi ighe: “Ai, agham zeran tane tivot tila muuri o.”

³⁵ Tauvene tigham yes mbanjoonja tivot tila muuri le isov, ra Gamaliel isaav pa yes tau tileep ila lupuun na ighe: “Yam tamtamon to Israel, aloon. Agham gabua eta pa zeran tawe rekia sov. Aleep ve agham ngar poi.

³⁶ Matamim ingal ngar tau muun ivot pa Teudas na. I iburig, ve ipakur tauu ighe i neer ariaanja ee. Ve iyau le tamtamon ndinndin paan (400) gha

* **5:31:** Mk 16:19; Mbanj 2:38, 3:19 * **5:32:** Lu 24:47+; Yo 15:26+

titaghoni. Eemon saawe tau tiravu imaat, ziñeera tISOV tighawaar, ve anooña eta ivot mako.

³⁷ Murei pa tane, saawe tau gavman to Rom tigham tamtamON ezazi, Yudas to Galilaia aana iburig, ve ipazaagh tamtamON gha titaghoni tIGhe tiziir gavman to Rom. Eemon i paam, tiravu imaat, ve ziñeera tISOV tighawaar.

³⁸ Tauvene aazne, yau naghe nauul ñgar tsiam. Zeran tawe, agham gabua eta pazi sov. Apul zi tileep. Pa takankaan pa ñgar ve uraat toozi puughu. Isaav ighe ivot ila tauzi ñgar toozi, ene aat ighur anooña eta mako. *

³⁹ Eemon isaav ighe Maaron imin puughu pani, ve yam atoova to atatan zi, ene aat arao mako. Tauvene ayamaan gham. Pa aat aparav tomania Maaron.” *

⁴⁰ Gamaliel saveen tooni igham zi atezi izi rig. Tauvene tipoi yes mbanjoona tilon tilam muul, ve tilosiir zi, ve tingalsekin zi ariaan tIGhe tivotia saveen pa tamtamON ila Yesu eeza muul sov. Ra tipul zi tila.

⁴¹ Yes mbanjoona tipul lupuun tiina tana, ve tila toman loloji poia kat ve tintinzi. Pasaa, Maaron ighit zi ighe yes popoiazi irau to tibaad patanani ve mayaña pa Krisi eeza. *

⁴² Mataaz ta naol ne, yes mbanjoona tipagha- zONai tamtamON pa Maaron aliina ila Rumei Tiina naagho, ve ila ruum aavo aavo paam. Ve tivovotia Yesu vaaru pa tamtamON tIGhe i Mesia. Uraat toozi tawe, tipuli mako.

* **5:38:** Mt 15:13 * **5:39:** Lu 21:15 * **5:41:** Mt 5:10+; Mban 14:22; Pil 1:29; 1Pe 4:13

6

Tighur tamtamon liim ve ru to tiuul yes mbanjoona

¹ Saawe tana, yes tau titaghon Yesu na tivot timin eval. Eemon patañani ee ivot ila sosozi. Yes Yuda tau tisavsaav Grika alinazi na, tiyau avozi pa zetazña tau tisavsaav ila saveeñ Hibru na tigde: Mataaz ta naol ne, saawe tau tirei uleeñ siriv pa yes mbolaaña, matazi ingal yes Grika zinaara toozi kat mako.

² Tauvene yes mbanjoona sanjavul ve ru tipoi tamtamon tisov tau titaghon Yesu na tilam tilup zi, ve tisaav pazi tigde: “Yam tonvetaz, aghita. Isaav ighe yei mbanjoona nigham uraat pa reiñ aniiñ ve nipul uraat to votiaan Maaron aliña, ene iduduun mako.

³ Tauvene yam atiir taumim, ve aghur lemim tamtamon liim ve ru tau varuzi tomania ngar toozi popoia, ve ngar to Avuvu Patabuyaañ ivon ila lolozu. Leso nipul uraat to reiñ aniiñ ila nimazi. *

⁴ Ve yei aat nileep duduun ila sunuun mon, ve uraat to paduduñaañ tamtamon pa Maaron aliña.”

⁵ Eval tiina tiloon saveeñ toozi tane, ve tisov tiyok pani. Tauvene tighur Stepanus (i ghu-ruun ila tooni iyaryaan kat, ve ngar to Avuvu Patabuyaañ ivon ila lololo), ve Pilip gha Prokorus, Nikanor, Timon, Parmenas, ve Nikolas to nugh Antiok. Nikolas tane, i Yuda tauu mako. Eemon itoor ngar tooni ila pa Maaron, ve itaghon yes Yuda pa sunuun toozi.

* **6:3:** 1Tim 3:2+; Tit 1:6+

⁶ Tigham zeran liim ve ru tawe tilam tiyooz ila yes mbanjoona naghozi, ra mbanjoona tighur nimazi izala pavozi, ve tighason Maaron to ipalot zi, ve tighur zi pa uraat. * *

⁷ Saawe tana, Maaron saveeñ tooni ilaan toman tapiri irau nugh nugh. Tauvene Yesu ziñeera tivot timin evalle eval kat izi Yerusalem. Ve yes zeran to watoonrau tauvene paam. Tamtamon toozi katini titoor ngar toozi, ve tighur ila to Krisi ve titaghon eez tooni. *

Tikis Stepanus

⁸ Stepanus, i ñeer ee tau Maaron tapiri ve poia tooni ipavoni kat. Tauvene i ighamgham gabua ngeretazi tintiina tivotvot ila tamtamon sosozi. Gabua tawe timin ilaal pani tigha Maaron ileep tomania pa uraat tooni. *

⁹ Yuda siriv, muuñ timin besooña sorok. Eemon tipas zi pa uraat toozi, ve ngarig timin besooña pa tamtamon muul mako. Tiñgin tauzi. Yes tipaburigin lupuuñ ee, ve tiwaat eeza tigha 'Lupuuñ to yes tau timin besooña muul mako.' Lupuuñ tawe tamtamona siriv tiburig, ve yesña Stepanus tivazorai zi pa savsaveeñ. Zeran tawe, siriv to nugh Sairini, siriv to Aleksandria, siriv to taan sirivu to Silisia, ve siriv to taan sirivu to Asia.

* **6:6:** Yes tau tisavsavv Grika alinjazi, ta tiyau avozi pa uraat to rein aniñ ma gabua. Zeran liim ve ru tau tighur zi pa uraat na, ezazi itotoi zi igha yes tilepleep tomania yes Grika ve tiwatagh Grika gabuazi. Tauta yes mbanjoona tighur zi to tiñgin uraat tawe. * **6:6:** Mban 13:3; 1Tim 4:14 * **6:7:** Mban 12:24, 19:20 * **6:8:** Mban 2:43

¹⁰ Eemon yes tirau Stepanus mako. Pasa, i le ngar tiina, ve Avuvu Patabuyaanj ipapalot saveenj tooni.
*

¹¹ Tauvene tiil eez pani, ve tipazaagh tamtamon siriv gha tɨngal saveenj pani tigde: “Yei niloonj ɨeer tane isik saveenj velegɨiinj pa Mose ve Maaron.” *

¹² Tisaav tauvene, le tipazaagh eval tiina to yes Yuda, tomania ɨginiinja toozi ve yes ɨgara to tutuunj. Tauvene tiburig tila tikis Stepanus, ve tigherevu ilonj ila lupuunj to yes daaba to yes Yuda, ve tipayooze ila naghozi.

¹³ Ra tiyau zeran karomnja siriv tilam, gha ti-payooz zi ila lupuunj tawe naghozi paam, ve yes karomnja tawe tɨngal saveenj pa Stepanus tigde: “ɨeer tane, saawe isov, isasavia saveenj velegɨiinj ijarui rumei patabuyaanj to Maaron ve tutuunj to Mose.

¹⁴ Yei niloonja ighe Yesu to Nasaret pale ireu Rumei Tiina tane izi. Ve tutuunj tau Mose igham pait ve tataghoni ta muunj ve ilam ne paam, i pale itoora.” *

¹⁵ Yes tau tileep ila lupuunj tana tiloonj saveenj tane, le tisov tidaad matazi pa Stepanus, ve tighita naagho isul imin anjela.

7

Stepanus isavia yes Yuda gabuazi: Yes tizorzoor Maaron aliinja ta muunj ve ilam

¹ Ra daaba to watoonjrau ighason Stepanus ighe: “Laak, saveenj tau tisavia ne, ene onoon?”

* **6:10:** Lu 21:15 * **6:11:** Mt 26:59+ * **6:14:** Mt 5:17; Mk 14:57+; Yo 2:20+

Muuj, Maaron ivot to Abaram izi taan sirivu to Mesopotamia

² Stepanus iyol aliinja ighe: *

“Yam tamanja ve tonvetaz tsiau, aloonj saveenj tsiau tane ve agham ngar pani poi. Muuj kat, saawe tau timbuun Abaram ila ileep izi nugh Aran soone, ve ilepleep izi taan sirivu to Mesopotamia na, Maaron toit tau eeza tiina pa tapiri ve poia tooni na ivot tooni, *

³ ve isaav pani ighe:

‘Uburig, upul taan tsio tomania ziiri waaro tsio, ve ula pa taan tau yau naghe natotoia payo na.’ *

⁴ “Tauvene Abaram ipul Mesopotamia tau taan to yes Kaldia na, ve ila ivot nugh Aran, ve ighur niia to lepoogh ta sewe. Taama Tera imaat, ve murei ra, Maaron ipaburigin Abaram muul gha ilaagh ilam ivot taan tau aazne iit talepleep pani ne. *

⁵ Maaron igham taan rigta imin Abaram le motot ne mako. Eemon saawe tau Abaram le naatu eta soone, Maaron imbu saveenj tomania ighe i pale igham taan tane pani ve paaghu tooni tau pale tivot murei na paam. Leso imin lezi motot. *

* **7:2:** Saveenj to Stepanus maata ru. Ee, ene yes Yuda tigham ngar tiina kat pa taan toozi ve rumei toozi tau iyooz izi Yerusalem. Yes tighe nugh tawe, ene Maaron niia duduunj. Eemon Stepanus isaav tauvene: Maaron ileep nugh tawe mon mako. Nugh sindei tau tamtamon tooni tileep pani na, i ileep tomani zi. Ve saveenj tooni maata ite, ene vene: Muuj ve ilam, yes Yuda tizoroor Maaron aliinja. * **7:2:** Gnp 11:31 * **7:3:** Gnp 12:1 * **7:4:** Gnp 12:4+
* **7:5:** Gnp 12:7, 17:8; Hib 11:13

6 Ve Maaron ipaghazonai Abaram pa gabua siriv tau pale ivot murei na ighe:

‘Paaghu tsio pale tila tileep timin loom izi taan ite. Ve taan tawe tamtamona pale tigham zi timin besoonja sorok, ve tigham saghatin zi irau ndaman ndinndin paan (400).’ *

7 Eemon murei, yau aat naghur atuya injarui taan tawe tamtamona pa ngar toozi saghati, ve naghama paaghu tsio tipul taan tawe, ve timuul tilam. Leso tisun ve tibeas payau izi ta sene.’ *

8 “Ra Maaron isaav pa Abaram ighe ngar to ravuun zitamoot warozi pale imin ilaal pa saveen mbuaan to yesuru. Tauvene saawe tau Abaram azaawa ipoop Isak, ve mbooni imin liim ve tol, ra taama irav waaro. Murei ra, Isak yesuru azaawa tipoop Yakop, ve Yakop tomania azauna tipoop natuzna sanjavul ve ru tau iit Israela tavot ila toozi na.’ *

Maaron ileep tomania Yosep izi Isip

9 “Yakop natna tighita tamazi loolo pa tazizi Yosep kat, le ireu loloji. Tauta tigholia ila to tamtamon siriv, ve anazi tighamu ila Isip, ve imin besoonja sorok izi ta sewe. Eemon Maaron ileep tomania,’ *

10 ve igham mulini pa patanani tooni naol isov. Saawe tau tigham Yosep ila iyooz ila kinik to Isip naagho, Maaron igham kinik loolo pani, ve ighi-laalo ighe i le ngar tiina. Tauta ighuru to igham

* 7:6: Gnp 15:13+; Igham 12:40 * 7:7: Igham 3:12 * 7:8: Gnp 17:10, 35:18 * 7:9: Gnp 39:2, 21+

pooz pa ruum tooni tomania gabua tooni naol isov, ve taan dodoli to Isip paam. *

¹¹ “Malau mako ve pitool tiina ivot irau taan isov to Isip ve Kanaan, ve igham zi tileep saghat kat. Iit Israela timbuunja paam, tiil lezi aniinj le mako. *

¹² Eemon saawe tau Yakop iloonj tigha aniinj wit ighengheen izi Isip, i imbaanj natja tila tighol lezi aniinj, ve timuul tilam pa tamazi. Ene laghoonj tau tighamu imin maata.

¹³ Tilepleep le aniinj toozi isov, ra tizila Isip muul imin pai ru. Saawe tana, Yosep ivotia tauu pa tooghja ve taazi. Ve kinik to Isip paam iloonj tigha, Yosep ziiri waaro tooni siriv ta tilam tilepleep. *

¹⁴ Ra Yosep imbaanj ila pa taama Yakop ighe yesja tamtamon tooni tisov tiyauyau, ve tizilam tooni. Tamtamon tau tiburig gha tizila Isip na, yes irau tamoot tol sanjavul ve liim (75). *

¹⁵ Tauvene Yakop tomania tamtamon tooni tizila Isip, ve yesja natja tisov timataar izi ta sewe. *

¹⁶ Eemon titavi zi izi Isip mako. Tigham patazi, ve timuul tila pa nugh Sekem, ra tighur zi tilonj tila maet puura to Amor natja tau Abaram igholi pa maet silva siriv na. *

Maaron ileep tomania Mose izi Isip ve Midian

¹⁷ “Saveenj tau Maaron imbua tomania Abaram na, saawe ilam igharau pa anoonja ivot. Ve saawe tana, timbuunja tau tileep izi Isip na, timasa timin eval le eval kat. *

* **7:10:** Gnp 41:37+ * **7:11:** Gnp 41:54, 42:1+ * **7:13:** Gnp 42:1, 45:1+ * **7:14:** Gnp 45:9, 46:26+ * **7:15:** Gnp 46:1, 49:33
 * **7:16:** Gnp 23:3, 33:18, 50:7+ * **7:17:** Igham 1:7

18 Ra kinik paaghu aana igham pooz pa Isip. Kinik tawe iloonj Yosep vaaru pa uraat tooni rigta mako.

19 I ivatombanoi timbuunja, ve igham saghatin zi kat. Ve isaav ariaan pazi ighe natuzja pagh-paaghu tau ngarig gha tipoop zi na, yes aat tipul zi tileplez. Leso timatmaat. *

20 “Saawe tana, Mose tiina ipoopa. Maaron ighita i paghuuna kat ve loolo pani. Tiina gha taama tigham payamyam pani izi ruum toozi irau kaiyo tol, *

21 le neer marani imin olman rig ve irau tingooza muul mako. Ra tighamu tila ve tipuli izi yaa Nil ziige. Eemon kinik natliva ilaagh ila le ighita. Tauta ighamu imin le, ve ingini imin i tauu naatu.

22 Mose itum le imin olman, ve tipaghazonaini pa ngar naol isov to yes Isipa. I neer ariaanja ee. Ve saveen tooni paam, toman tapiri.

23 “I ilepleep le ndaman tooni irau tamoot ru (40), ra loolo ipaburigini ighe ila igig yes Israela tau sinj tooni na. *

24 Eemon saawe tau ila ivot toozi, i ighita Isip ee igham saghatin neer ee to Israel. Tauvene ilaan ila ivool to neer tawe, ve irav Isip tamazi tawe gha imaat imin yatuunj sosor tooni.

25 Mose maata ingal ighe tamtamon tooni Israel aat tighilaal tighe Maaron ighuru to igham mulin zi pa patanani toozi. Eemon ngar toozi ivot pa gabua tana soone.

26 “Mbonj le nughizau, ra Mose imuul ila le ighita Israela ru anazi tiparav. Tauvene itoova to irav

* 7:19: Igham 1:9+ * 7:20: Igham 2:2 * 7:23: Igham 2:11+;
Hib 11:24+

motin malmal ve ilup zi. Ve isaav pazi ighe: ‘Wai, yamru tonvetaz! Avaghamun gham pasaa?’

²⁷ “Eemon njeer tau ipaburigin malmal na, iburig gha isipiir Mose ighau, ve isaav pani ighe: ‘Ai, yo sei ighur ghom ighe umin nginiin payei, ta ughe ugharaat saveen tsiei?’

²⁸ Mindai, yo ughe urav ghau namaat imin Isip tamazi tau noor uravu imaata na?’

²⁹ Mose iloon saveen tane, ve iburig gha ighau ila ivot taan sirivu to yes Midiana. I ileep imin loom ta sewe le ivai, ve yesuru azaawa tipoop natuzna zitamoot ru.

³⁰ “Ndaman tamoot ru (40) paam ilam ila, ra anjela ee ila ivot tooni izi nugh nginaanja tau igheen igharau loloz Sinai na. Ivot pani imin yav tau ighanghan izala ai marani ee.

³¹ Mose maata ila ighita gabua tana, le irur ve igham ngar naol. Tauvene ila igharau ai tawe ighe ighit poghania. Eemon iloon Njeer Tiina aliinja ivot ila yav tawe ighe:

³² ‘Yau Maaron to timbumna. Yau Maaron to Abaram, Isak, ve Yakop.’ *

Mose iloon saveen tane, le irur ve ingooz naagho. Pasaa, iroi pa ghitoon Maaron.

³³ “Maaron isaav pani muul ighe:

‘Upas zuzuunja to aghem izi. Pa taan tau uyozyooz ila ne, ene patabuyaanj.

³⁴ Uloon. Tamtamon tsiau Israel tau tileep Isip we, yau naghita patanani toozi wa. Yes Isipa tighamgham saghatin zi, le matazi sin izaa ve titan tiina. Eemon tanjiiz toozi, yau naloonja wa. Tauta

* **7:32:** Igham 3:6

nazilam to napas zi tivot pa patanani toozi tawe. Aazne, yau naghe nambaanj ghom umuul ula pa Isip. Tauvene uburig ve ula.’ *

Saawe tau yes Israela tileep izi nugh nginaanja, tizorzoor Maaron aliinja

³⁵ “Aghita. Mose tau muun tizori ve tigde: ‘Ai, sei ighur ghom umin nginiinj to ugabiiz ghei ve ugharaat saveenj tsiei?’ Neer eemon tana, ta Maaron imbaanj anela ila ivot tooni imin yav tau ighan izala ai marani na. Ve ighuru to injin yes Israela, ve ipas zi tivot pa patanani toozi.

³⁶ Ve i ta igherev zi gha tipul taan to yes Isipa, ve igham gabua ngeretazi tintiina imin ilaal pazi izi Isip, Te Sijsinjai, ve izi nugh nginaanja paam irau ndaman tamoot ru (40). *

³⁷ Mose tane, tauta isaav pa yes Israela ighe:

‘Maaron pale ipaburigin tamtamon tsiam eta, ve ighuru imin propet, leso ivotia Maaron aliinja payam imin yau.’ *

³⁸ “Mose tomania eval tiina to Israel, ta timin lupuun to Maaron izi nugh nginaanja. I ta isavsav tomania anela izi loloz Sinai, ve igham saveenj maata yaryaare ila to Maaron, ve ipaesia pa timbuunja. Saveenj tawe, tauta iit Israela takiskisi gha ilam aazne. *

³⁹ “Eemon timbuunja tighur murizi pani ve loloz pa lonjaanj saveenj tooni mako. Ve tipasawal muul ila pa lepoogh toozi tau muun tileep izi Isip na.

⁴⁰ Tauvene tiburig ve tisaav pa Aron tigde:

* **7:34:** Igham 3:5+ * **7:36:** Igham 7:11, 14:17; Mbo 105:27

* **7:37:** Lo 18:15; Mbanj 3:22 * **7:38:** Igham 19:1-20:17

‘Ugharaat leen maaron siriv! Leso timuun pait ve tingin ghiit. Pa ñeer tau igham gherev pait gha tapul taan to Isip ve talam na, yei nikankaan pani. Aat gabua eta ivot pani wa.’ *

⁴¹ “Tauta tigharaat maaron karom ee tau taghita imin makau naatu, ve tigham watoonrau pani. Tauvene gabua tau tauzi tigharaata pa nimazi, yes tipaiti toman tintinizi. *

⁴² Tauvene murei, Maaron ighur muuri pazi, ve ipul zi titaghon tauzi ñgar toozi. Tauta tibeas pa gabua tau tighen ila sambam saamba imin aaz, kaiyo, ve pitum siriv. Saveeña igheen ila rau to yes propet. Ighe:

‘O yam Israela, ndaman tamoot ru (40) tau alaghlaagh izi nugh ñginaana, yam aghamgham watoonrau pa makau ve sipsip. Watoonrau naol tana, agham eta payau? Mako kat! *

⁴³ Ve saawe tana, yam abaad balbaal to Molek tomania pitum Repan anunu tau maaron karom tsiam na, ve alaghlaagh tomania. † Maaron karomna tana, taumim agharaat zi to aput aghemim pazi ve apakur zi.

Tauvene yau aat nareu gham, ve naziir gham malmalimim ala aleep izi Babilon ziige ite.’ *

* **7:40:** Igham 32:1, 32:23 * **7:41:** Mbo 106:19 * **7:42:** Mbo 81:12; Yer 19:13 † **7:43:** Molek ve Repan, ene pitum tintiina ru tau muun tamtamon tighur zi timin maaron pazi. Molek, ene pitum Birawe. Ve Repan, ene pitum tau pughuun tiwaato tige ‘Saturn’.

* **7:43:** Amos 5:26-27

Muun, yes Israela lezi rumei tauu mako

44 “Saawe tau timbuunja tilaghlaagh izi nugh nginaanja, yes tilaghlaagh tomania balbaal patabuyaanj. Balbaal tawe, saveenj mbuaanj toozi tomania Maaron igheen ilonj ila. ‡

Saawe tau tirau balbaal tana, Maaron aavo iyaryaan pa Mose ighe i aat itaghon duduñai balbaal ngereeta tau ighita izala loloz Sinai na. *

45 Timbuunja tilaagh tomania balbaal tana ila ila le tighuru ivool to paaghu toozi. Ra anazi tilaagh tomania tila tila le tivot taan Kanaan. Saawe tana, Maaron ireu yes nugh nugh tau tileep izi Kanaan na tighawaar, ve Yosua igham yes Israela tilonj tilam tigham taan tane imin lezi. Balbaal patabuyaanj tana ighengheen le saawe to kinik David. *

46 David, Maaron loolo pani kat. Tauvene i ighason Maaron ighe iyok pani, o irau Maaron to Yakop le rumei duduunj. Leso imin niia to lepoogh. *

47 Eemon David irau rumei eta mako. Naatu Solomon ta irau rumei. *

48 “Ve Maaron Tiina Tau Iliiv Zimaronja Tisov na, i ileep ilonj ila rumei eta tau tamtamon tirao pa nimazi ne mako. Pasaa, propet ee ivotia Maaron aliinja ighe: *

‡ **7:44:** Muun, Maaron isaav pa Mose gha ighur maet babanjazi ru ilonj ila bokis to saveenj mbuaanj tau igheen balbaal patabuyaanj loolo. Leso yes Israela matazi kisin saveenj mbuaanj toozi tomania Maaron. Ngara tauvene: Isaav ighe titaghon duduñai tutuunj tawe, ene pale Maaron ileep tomani zi, ve yesnja tivalupu zi timin eemon.

* **7:44:** Igham 25:9, 40; Hib 8:5 * **7:45:** Yos 3:14, 18:1 * **7:46:** 2Sam 7:1+; Mbo 132:1+ * **7:47:** 1King 6:1+ * **7:48:** Mbanj 17:24

- 49 ‘Sambam, ene yau niag to ghamuun pooz.
 Ve taan, ene nugh tau naghur agheg izala.
 Tauvene ruum savaanja muul ta aghe arao
 payau?
 Ve saa nugh muul ta aghe aghuru payau to
 naleep pani? *
 50 Mako. Pasaa, taug nagharaat gabua isov
 tana pa nimag.’ ”

*Stepanus isaav ghazoonja pa yes Yuda pa sosor
 toozi*

51 Ra Stepanus isaav pa yes tau tipayooze
 pa savsaveen na ighe: “Yam zeraan to zoraan
 saveen. Ngar tsiam iyaryaan kat imin yes tau
 tiwatagh Maaron mako! Ngar saghati tau igheen
 ila lolomim na, Maaron irav motini soone. Ve
 talinamim ivool kat. Saawe isov, yam azorzoor
 Avuvu Patabuyaan ngar tooni, imin muun timbu-
 mimnja tighamghamu. *

52 Aghita. Muun, timumimnja tipul propet eta
 ileep? Mako. Saawe isov, tighamgham saghatin
 zi. Ve yes tau muun tivotia Maaron aliinja tigde i
 pale imbaan Mesia ilam na, timumimnja tirav zi
 tisov timataar. Ve saawe tau neer duduunja tawe
 tauu ilam, yam ataghon ngar raraate. Azi gha
 aghuru ila koinja nimazi, ve tiravu imaat. *

53 Onoon, tutuun to Maaron tau anjela timin eez
 pani gha izilam na, yam aghamu wa. Eemon
 ataghoni mako.” *

Tirav Stepanus imaat

* 7:49: Is 66:1-2; Mt 5:34+ * 7:51: Igham 32:9; Lo 10:16; Is 63:10

* 7:52: Mt 23:31+; Lu 13:34; 1Tes 2:15 * 7:53: Mbanj 7:38; Ga
 3:19

⁵⁴ Tiloon Stepanus saveen tooni tawe, le atezi yavyav kat, ve tinjaan maripazi pani tigde le tiravu imaat.

⁵⁵ Eemon Stepanus, Avuvu Patabuyaan ipavon katini, ve maata izala pa sambam le ighita Maaron mbonari, ve ighita Yesu iyozyooz ila Taama Maaron niima tapir.*

⁵⁶ Tauvene isaav pazi ighe: “Aloon. Yau naghita sambam ikaak, ve Tamtamon Naatu iyozyooz ila Maaron niima tapir!”*

⁵⁷ Tiloon saveen ziiri rig tane, le bobaan tomanian siriin tiina izaa, ve tipoon talinazi, ve tilaan tinjarui Stepanus tila,

⁵⁸ gha tighamu, ve tisaara ivot ila nugh tiina ziige, ra tiburig gha tiravu pa maet. Yes tau tipariaan saveen tigde Stepanus igham sosor na, tizuzuum nonoghiina toozi to ngoaan izi, ve tila tighur zi ila neer paaghu ee aaghe puughu, eeza Saul.*

⁵⁹ Tiravrav Stepanus pa maet, ve i isun ighe: “O Tiina Yesu, ugham anunug.”*

⁶⁰ Ra aaghe daaba izi taan, ve isaav aliina tiina ighe: “O Tiina, sosor tau tigham payau ne, uyatu sov. Ureua pazi.” Isaav tauvene, ve itap izi gha imaat.*

8

Saul ighur patanani pa yes tau tighur ila to Yesu

* **7:55:** Mk 16:19; Lu 22:69

* **7:56:** Mbo 110:1; Ro 8:34; Kol

3:1 * **7:58:** Mbanj 22:20; Hib 11:37

* **7:59:** Mbo 31:5; Lu 23:46

* **7:60:** Mt 5:44; Lu 23:34

¹ Saawe tau tirav Stepanus imaat, Saul ileep ve iyok pa ngar tau tighamu na.

Saawe tana ve ila, yes Yuda tiburig gha tighur patañani tiina kat injarui lupuun to Krisi tau tileep izi Yerusalem na. Tigham saghatin zi kat. Tauvene tisov tighawaar mbiriis irau taan sirivu to Yudea ve Samaria. Ve yes mbanjoona mon ta tileep izi Yerusalem. *

² Saawe tau Stepanus imaat, tamtamon siriv tau matazi ingalngal Maaron na tigham paata ve titavia toman taniiz tiina.

³ Eemon Saul ighe ivaghamunia lupuun to Krisi ve ipasov zi kat. Tauvene ilaghlaagh taghon ruum aavo aavo, ve isasaar Krisi tamtamon tooni, ve ighurghur zi tilon tila ruum to yavyavuun. Yes zitamoot ve zilivaa paam. *

Pilip igham uraat izi taan sirivu to Samaria

⁴ Yes tau tiparghaughau na, tilaagh irau nugh naol. Ve nugh sindei tau tila tileep pani, ene tivotia vaaru poia pazi.

⁵ Tauta Pilip paam, izila nugh tiina ee to Samaria, ve ivotia Krisi vaaru izi ta sewe. *

⁶ Eval tiina tiloon saveen tooni, ve tighita gabua ngeretazi tau i ighamgham zi imin ilaal pazi na, le tisov tighur talinazi poi pa saveen tooni.

⁷ Pasaa, avuvu sasaghati tiyakyak, ve tighaughau pa tamtamon katini. Ve narapenja katini tinizi poia. *

* **8:1:** Mbanj 1:8, 11:19 * **8:3:** 1Kor 15:9; Ga 1:13, 23; Pil 3:6; 1Tim 1:13 * **8:5:** Mbanj 6:5, 21:8 * **8:7:** Mk 16:17+

⁸ Tauvene tamtamon to nugh tawe tintinizi ve lolozipoia kat.

Mur tamazi ee eeza Simon ighe ighol Maaron tapiri

⁹ Nugh tawe, mur tamazi ee ilepleep, eeza Simon. Muun ve ilam, i ipapait tauu eeza ighe i neer tiina ee. Eval tiina to Samaria tighita mur tooni anoonja le tirur pani ve avozi ikaak. *

¹⁰ Tauvene tamtamon tisov lolozipoia lonjaan saveen tooni. Yes tau ezazi tintiina, ve yes tau lezi ezazi mako na paam. Ve tisavsav tigde: “Wai, neer tane, tapiri tiina kat imin Maaron tauu.”

¹¹ Pasaa, mur tau monmon ighamghamu na, tamtamon tighita le ngar toozi imbool. Tauta tighurghur talinazi pa saveen tooni irau saawe.

¹² Eemon saawe tau Pilip ivotia vaaru poia pa pooz to Maaron ve ipaghazonjai zi pa Yesu Krisi, tamtamon katini tighur ila ve tigham yaa. Yes zitamoot ve zilivaa paam. *

¹³ Simon paam, ighur ila ve igham yaa. Saawe tana ve ila, i ipakpaak Pilip, ve ighita gabua ngeretazi tintiina tau Pilip ighamgham zi na. Gabua tana itotoi ighe Maaron ileep tomania pa uraat tooni. Tauvene Simon ighet zi le aavo ikaak.

¹⁴ Yes mbanjoona tau tilepleep Yerusalem na, tiloon yes Samaria varuzi tigde tigham Maaron saveen tooni gha tighur ila wa. Tauvene timbaan Petrus yesuru Yoan tizila, leso tighet zi.

¹⁵ Yesuru tila tivot toozi, ve tighason Maaron to irei Avuvu Patabuyaana pa yes to Samaria tau ngarig gha tighur ila na.

* **8:9:** Mban 13:6+ * **8:12:** Mban 2:38

16 Pasaa, tamtamon toozi eta igham Avuvu Patabuyaanj soone. Yes tigham yaa mon ila Tiina toit Yesu eeza.

17 Tauvene Petrus yesuru Yoan tighur nimazi izala pavozi to tipalot zi, ve tigham Avuvu Patabuyaanj.*

18 Simon tau mur tamazi na, i ighita yes mbanjoonja tighurghur nimazi izazala tamtamon pavozi ve tigham Avuvu Patabuyaanj. Tauvene izuzuun maet siriv ila pazi, ve isaav igha:

19 “Ai, yau naghe yam agham leg tapirimim tana paam. Leso sei tau igha naghur nimag izala paavo, ene i aat igham Avuvu Patabuyaanj.”

20 Eemon Petrus iyol aliinja igha: “Wai Simon, gabua tau Maaron ireii pait sorok ne, yo ugha ugholi pa maet? Yo aat ulalem tomania maet silva tsio tana!”

21 Yo irau itinja talup ghiit pa uraat tsiei tane mako. Pa lolom tomania ngar tsio, ene iduduun ila Maaron maata mako.*

22 Tauvene upul ngar tsio saghati tana ileple, utoor ngar tsio ila pa Maaron, ve usunu ve ughasoni: Irau loolo saghatin ghom ve ireu sosor tsio tau igha ila lolom na, ma mako?

23 Pa yau naghilaal ghom wa. Ngar saghati ikau ghom, ve lolom ighaar kat pa tapiri tau igha tsiei ne. Tauta ivaghamun ghom imin gabua lilia.”*

24 Simon iloon saveej tane, ve isaav pazi igha: “Wai, igha vene, na yamru aghason Maaron

* **8:17:** Mbanj 2:4, 19:1+ * **8:20:** Mt 10:8; Mbanj 2:38 * **8:21:** Mbo 78:37; Ep 5:5 * **8:23:** 1Tim 6:9; Hib 12:15

payau! Leso patanani tau asavia na, ivot payau sov.”

²⁵ Petrus yesuru Yoan tivotia saveen to Tiina toit pa yes Samaria, ve tipalot zi to tighur ila tooni. Le isov, ra timuul tizala pa Yerusalem. Yesuru tilaghlaagh, ve tivovotia vaaru poia pa nugh siriv to Samaria tau tighenaar taghon eez zige. Tighamgham tauvene le tila tivot Yerusalem.

Pilip ivotia vaaru poia pa daaba ee to Etiopia

²⁶ Ra anjela ee to Neer Tiina ila ivot to Pilip, ve isaav pani ighe: “Uburig ve ulaagh uzila le uvot eez tiina to Yerusalem tau imbut nugh nginaanja ve ila peria nugh Gaza.”

²⁷ Pilip iloon saveen tane, ve iburig gha ila. Ila peria eez livuugha, ve iza to neer ee to Etiopia. Neer tawe, eeza tiina pasaa, i ingin kuaz naol isov to garwaat tinazi Kandake. Kandake, i ingin taan sirivu to Etiopia. * *

²⁸ Neer tawe izala Yerusalem pa sunjuun, ve sunjuun tana isov wa. Tauvene igham karis tooni, ve ighe imuul ila pa nugh tooni. Karis ilanlaan, ve i iwatwaat saveen tau muun propet Isaia iboode na.

²⁹ Pilip ila le ighita, ve Avuvu Patabuyaanj isaav pani ighe: “Unjarui karis tawe ula, ve ulaagh tomanina.”

³⁰ Tauvene Pilip ilaan njaruini ila. Ila igharauu, ve iloon neer tawe iwatwaat saveen to propet Isaia. Tauvene Pilip ighasoni ighe: “Ai, saveen tau uwatwaato na, yo uwatagh puughu, ma mako?”

* **8:27:** Etiopia, ene taan sirivu ee to Aprika. Ighen malau kat pa Yerusalem. Yes Etiopia tiwaat ‘kwin’ tigde kandake. Iit tasaav taghe ‘garwaat’. * **8:27:** Mbo 68:31, 87:4

³¹ I iyol aliinja ighe: “Wai, pale nawatagh puughu mindai? Tamtamon eta ipaghazonjai ghau pani, o naghazonj pani.” Ra isaav pa Pilip ighe: “Uzalam mbolem izi tomani ghau.”

³² Saveenj ziiri tau neer tawe iwatawaato na, isaav tauvene:

“I imin sipsip tau tigherevu ila pa ravuunni.
Ve tunja mon ve ineneenj imin sipsip paaghu
tau tikapis ooro.

Isavia saveenj eta mako.

³³ Tipamayanini ve tipayooze pa savsaveenj.

Eemon gabizoon toozi iduduun mako.

Sei pale isinai pa paaghu tooni? Mako.

Pasaa, lepoogh tooni izi taan, ene tingoora
tuuku mon.” *

³⁴ Daaba to Etiopia iwaat saveenj tane, ra isaav pa Pilip ighe: “Naghason ghom pa saveenj ziiri tane. Propet tau ibood saveenj tane, isavia tauu, ma isavia neer ite paam?”

³⁵ Tauvene Pilip ipaburigin saveenj tooni itaghon saveenj ziiri tau neer tawe iwaato na, ve iseenga pa saveenj siriv, ve ivotia vaaru poia to Yesu pani.

³⁶ Yesuru titaghon eez tila le peria yaa ee. Tauvene daaba tana iburig ve ighason Pilip ighe: “Ughita. Yaa ee tane. Irau nagham yaa, ma gabua

* **8:33:** Is 53:7+

eta ipoon eez payau?” † *

³⁷ Pilip iyol aliina tauvene: “Isaav ighe yo ughur ila to Yesu Krisi toman lolom, tauta ena. Yo irau ugham yaa!”

I iyol Pilip aliina ighe: “Vee, yau naghur ila naghe Yesu Krisi, i Maaron naatu.”

³⁸ Tauvene isaav pa neer tau ilandoov karis na ighe: “Ukis karis iyooz.” Ra yesuru Pilip tizi pa karis ve tizila yaa, ve Pilip irughuza.

³⁹ Saawe tau tipul yaa ve tizaa muul, Maaron Avuvu indai Pilip, le daaba tana ighita muul mako. Daaba tana ipaburigin laghoon tooni muul, ve ilaagh taghon eez ila toman loolo poia kat.

⁴⁰ Ve Pilip ila ivot izi nugh Asdot, ve ilaghlaagh irau nugh naol isov to taan sirivu tawe, ve ivovotia vaaru poia pazi le ila ivot nugh Sisarea. *

9

Yesu ivot to Saul (Mban 22:3-16, 26:9-18)

¹⁻² Saawe tana, Saul ipariaan uraat tooni to ghuruun patanani inarui yes tau titaghon Yesu. I isasavia saveen paroin pazi, ve izuari ghi ighe le irav zi timatmaat. Ighamgham tauvene ila, ve maata ingal ighe i aat ila nugh Damaskus paam, ve iil zitamoot ve zilivaa tau titaghon eez to Yesu izi ta

† **8:36:** Neer tane, tipaal laambe izi. Muun, yes zitamoot tau tighamgham uraat ila kinik ruum tooni na, tipaal lambezi. Leso timogheer pa kinik azaawa ma natlivaŋa eta sov. Buk Lo 23:1 isaav tauvene: Zitamoot tauvene irau tilup tomania Maaron tamtamon tooni pa sunuun mako. Eemon mos ziiri tane ipaghazonai ghiit ighe Maaron loolo pa yes zitamoot tauvene paam. Ughita Isaia 56:3-7.

* **8:36:** Mban 2:38, 10:47 * **8:40:** Mban 21:8

sewe. Leso ikis zi ve ikau nimazi, ve igham zi tila Yerusalem, ve ipayooz zi pa savsaveenj. Tauvene ila ighita daaba to watoonrau, ve ighasoni ighe ibood le rau siriv imin paesiin pa uraat tooni. Leso itotoi zi pa lupuun to yes Yuda tau tileep izi Damaskus we.

³⁻⁴ Tauvene Saul iburig tomania tamtamon tooni siriv gha tipul Yerusalem, ve tila pa Damaskus. Tilaghaagh tila le tigharau Damaskus, ra mbonari tiina igheen sambam ve izilam, le isul livutin Saul. Tauvene itap izi taan, ra iloon neer ee aliina. Isaav pani ighe: “Saul, Saul, puughu mindai ta unoknok ghuruun patajani payau?”

⁵ Saul ighasoni ighe: “Tiina, yo sei?”

Neer tawe iyol aliina ighe: “Yau Yesu. Yau taug ta unoknok ghuruun patajani payau ne. *

⁶ Uburig ve ulon ula nugh tiina. Mako tisaav payo pa saa ngar tau yo aat ughamu.”

⁷ Yes tau tilaagh tomania Saul na, tiyooz ve avozi ikaak. Pasaa, tilonloon neer ee aliina, eemon tighita tamtamon eta mako.

⁸ Ra Saul iburig iyooz ve maata pakia. Eemon ighita nugh mako. Tauvene tikis niima, ve tilon tila pa nugh Damaskus.

⁹ Saul maata ikumkuum irau mbon tol. Saawe tana, i ighan aniin mako, ve ighun yaa mako.

¹⁰ Nugh Damaskus, neer ee tau itaghon Yesu na, ilepleep. Eeza Ananias. Tiina toit Yesu ivot tooni ila tandaghiin ve ipoi ighe: “Ananias!”

Ananias iyok pani ighe: “Tiina, taug ene.”

¹¹ Ra Tiina toit isaav pani ighe: “Uburig uvot ula, ve utaghon eez tau tiwaato tige ‘Eez Duduuna’

* 9:5: 1Kor 15:8

na, ve ulonj ula ruum to Yudas. Mako ughason pa neer ee to nugh Tarsus, eeza Saul. Pa i ilepleep ta sewe, ve isunjsunj.

¹² I paam itandagh ve ighita neer ee, eeza Ananias, ilonj ila tooni, ve ighur niima izala paavo. Leso maata poia ve ighita nugh muul.”

¹³ Ananias iyol aliinja ighe: “Wai Tiina, neer tawe, eval tiina tisavia vaaru gha naloona wa. Tamtamon tsio patabuyaana tau tileep Yerusalem we, i ighamgham njar sasaghati naol pazi. *

¹⁴ Ve aazne, yes daaba to watoonjrau tiyok pani to igham njar raraate izi nugh tane paam. Yei tau nisunjsunj ve niwatwaat yo ezam ne, i ighe ikis ghei nisov, ve igham ghei nila.”

¹⁵ Eemon Tiina toit isaav pani muul ighe: “Mako. Ula. Pa neer tawe, yau taug nasiigho wa to imin uraata tsiau ariaana ee. I pale ivotia varug ila nugh nugh naghozi. Yes tau Yuda mako na, ve yes kinik, ve yes Israela paam. *

¹⁶ Yau taug pale napaghazonjaini pa patanjani naol tau i aat ibaad zi pa yau ezag.” *

¹⁷ Tauvene Ananias iburig, ve ilaagh ila ivot ruum to Yudas, ve ilonj ila. Ila peria to Saul, ra ighur niima izala Saul paavo, ve isaav pani ighe: “Tazig Saul, Tiina toit Yesu tau ivot tsio izi eeze, i ighe yo ughita nugh muul, ve Avuvu Patabuyaana izeev ghom. Tauta imbaan ghau nalam.”

¹⁸ I isaav tauvene, ve rekia mon gabua imin iigh anavu tau ipoon Saul maata na itap izi, ve ighita

* **9:13:** Mbanj 8:3 * **9:15:** Mbanj 26:16+; Ga 1:15+; 1Tim 1:12

* **9:16:** Lu 21:12+; Mbanj 20:23; 2Kor 11:23+; 2Tim 2:9

nugh muul. Ra iburig, ve igham yaa pataghaan. *

19 Ra ighan aniinj, ve tapiri ivot muul, ve ileep mbonj siriv izi Damaskus tomania Yesu zinjera.

Saul ivotia Yesu vaaru izi nugh Damaskus

20 Saul isasaan mako. Rehia mon ve ipaburigin uraat tooni to votiaan Yesu vaaru. I ilonlonj ila lupunj niazi to yes Yuda, ve ivovotia Yesu vaaru pazi ighe i Maaron Naatu.

21 Yes tau tiloonja na, tisov tirur pa saveej tooni ve avozi ikaak. Ve tisaav tige: “Wai, ewe neer tau ireureu yes tau tisuusuj ila Yesu eeza izi Yerusalem na. Mindai ta aazne itoor ngar tooni muul? Iit taghe pa i ilam pa kisiinj yes to nugh tane tau titaghon Yesu na. Leso igham zi tila Yerusalem, ve ipayooz zi pa savsaveej ila yes daaba to watoonjrau naghozi. Eemon mako.” *

22 Maaron ipapalot Saul, tauvene uraat tooni to votiaan mos ilanlaan toman tapiri le tapiri kat. I igham yes Yuda tau tileep Damaskus na, tilil pa savsaveej. Pasaa, saveej tooni ipaghazonjai Yesu ighe onoon kat, i Mesia. *

Yes Yuda tige tirav Saul imaat

23 Yes Yuda tileep le malau rig, ra tilup zi ve timbu saveej tige tirav Saul imaat.

24 Tauvene mbonj ve mataaz, tisaasaan izi didiinj ariiaanja tau ilivut Damaskus na atamana tige tirav Saul imaat. Eemon tamtamon siriv tipaes pani pa ngar toozi tawe.

* **9:18:** Mbanj 2:38 * **9:21:** Mbanj 9:2+; Ga 1:23 * **9:22:** Mbanj 5:42, 17:3, 18:5

²⁵ Tauvene mbon ee, Saul ziņeera siriv tighuru ilon ila nakaral ee loolo, ve tipalivu ila iliv pa didiin ariaanja to nugh muuri, ve titughu izila, gha ighau ila. *

Saul izala pa Yerusalem

²⁶ Saul ila ivot Yerusalem, ve itoova to ilup tomanija yes tau titaghon Yesu na. Eemon yes tisov tiroi pani. Pasaa, tighur ila tige i itoor njar tooni ve itaghon Yesu ne soone. *

²⁷ Eemon Banabas, i imin Saul eeta, ve ighamu ila to yes mbanjoonja, ve ipaes pazi ighe: “Saul ighita Tiina toit wa. I ivot tooni izi eez livuugha ve isavsav tomania. Ra Saul ila Damaskus, ve iyooz ariaan pa votiaan Yesu vaaru izi ta sewe. Iroi mako.” *

²⁸ Yes tiloon saveen tane, le loloji poia pa Saul, ve tighamu gha yesja tilup zi. Saawe tana, Saul ilaghaagh taghon Yerusalem loolo, ve ivovotia Yesu vaaru. I iroi mako. Iyooz ariaan kat.

²⁹ Yesja yes Yuda tau tisavsav Grika alinazi na tivavazorai zi pa savsaveen paam. Tauvene tilup zi ve timbu saveen tige tiravu imaat.

³⁰ Eemon tonvetaz siriv to Krisi tiloon saveen toozi, ve tinguaaz Saul izila pa nugh Sisarea. Ra tipaghaua izaa waan, ve irav ila pa nugh tooni Tarsus.

³¹ Tauvene lupuun to Krisi tau tileep irau taan sirivu to Yudea, Galilaia, ve Samaria na, tileep poia. Patanani ivot pazi muul mako. Ve Maaron iseen njar toozi pa njar popoia siriv, ve Avuvu Patabuyan ipapalot zi. Tauta tiroron pa Tiina

* **9:25:** 2Kor 11:32+ * **9:26:** Ga 1:17+ * **9:27:** Mban 4:36

toit, ve titaghon eez tooni, ve lupuun toozi ivot imin tiina.

Petrus igharaat narape ee izi nugh Lidda

³² Petrus ilaghlaagh ve igigig lupuun to Krisi tau tileep irau nugh nugh. Saawe ee, i izila igig Maaron tamtamon tooni patabuyaanja siriv tau tileep izi nugh Lidda.

³³ Ila peria le iza to neer narape ee tau aaghe imaat, eeza Aineas. I irau ilaagh mako. Ighengheen mon. Moroghoon tooni tawe ikisi irau ndaman liim ve tol wa.

³⁴ Petrus ighita, ve isaav pani ighe: “Aineas, aazne Yesu Krisi igharaat ghom tinim poia. Uburig ve uput moogh tsio.” Isaav tauvene, ve rekia mon Aineas iburig. *

³⁵ Tamtamon to nugh Lidda ve nugh Saron tighita Aineas tiini poia muul, le tisov titoor ngar toozi ila pa Tiina Yesu, ve tighur ila tooni.

Petrus ipaburigin Tapita izi nugh Yoppa

³⁶ Livaa ee tau itaghon Yesu na ilepleep izi nugh Yoppa. I eeza Tapita. (Tiwaat eeza ila Grik alinjazi tighe ‘Dorkas.’) Saawe isov, i ighamgham ngar popoia, ve iuluul yes mbolaanja. *

³⁷ Saawe tana, i imoroon le imaat. Tauvene tigharaat paata, ve tisuru izala ruum loolo saanja.

³⁸ Nugh Lidda igharau Yoppa. Tauvene yes to nugh Yoppa tau titaghon Yesu na tiloon Petrus vaaru tighe i ilam ileep izi nugh Lidda, ve timbaan tamtamon ru tilaan tila pani. Yesuru tila tivot,

* **9:34:** Mbanj 3:6, 14:8, 28:8+

* **9:36:** 1Tim 2:10, 5:10; Tit 3:8

ve titan raraini tigde: “Aa olman, uburig rekia ve itin̄a tala. Pa pataŋani ee ivot payei.”

³⁹ Tauvene Petrus iburig gha yesŋa tila. Tila peria nugh Yoppa, ve tigham Petrus malmali izala ruum loolo saan̄a tau olman tinazi paata igheen pani na. Yes zinaara tisov to nugh tawe tila tiyooz tigharau Petrus, ve titan̄aŋ, ve titotoi nonoghiin̄a tau muuŋ Dorkas isai zi ve igham pazi na.

⁴⁰ Petrus iziir zi tisov tivot tila muuri, ra iput aaghe ve isuŋ. Isuŋ le isov, ra itoor naagho ila pa olman tinazi paata, ve isaav pani ighe: “Tapita, uburig!” *

Rekia mon ve olman tinazi maata pakia le ighita Petrus, ve iburig gha mboole izi.

⁴¹ Petrus ikis niima, ve iiti iburig iyooz. Ra ipoi yes zinaara tomania Maaron tamtamon tooni patabuyaan̄a tilam, ve itotoi Tapita pazi. Leso tiwatagh tigde i iburig pa mateegh gha ilepleep.

⁴² Gabua ŋgereeta tana vaaru ilaan irau nugh Yoppa. Tauvene tamtamon katini titoor ŋgar toozi ila pa Tiina toit Yesu ve tighur ila tooni.

⁴³ Petrus ileep malau rig izi Yoppa. I ileep tomania Simon tau ŋeer to gharatoon gabua siriv pa ŋgai uuli na.

10

An̄ela ivot to Konili ila tandaghiin̄

¹ Daaba ee ilepleep izi nugh Sisarea, eeza Konili. I in̄gin zaaba to Rom irau ndin̄ndin̄ ee (100) tau tilam pa taan Itali. Tauta tiwaat zaaba tawe tigde ‘Ŋgun to Itali.’

* **9:40:** Mban̄ 20:9+

² Konili, i Yuda mako. Eemon yesnja tamtamon tISOV tau tileep tomania ila ruum tooni na, matazi ingalngal Maaron ve yesnja yes Yuda tiluplup zi pa sunuun. I iuluul yes Yuda tau mbolaan igham zi na, ve isunsun pa Maaron irau saawe.

³ Saawe ee, ravrav izi, aaz anunu igham tol ma vene, ve Konili itandagh ighe ighita anela ee to Maaron ivot ghazonja kat, ve inaruini ilam, ve ipoi ighe: “Konili.”

⁴ Konili idaad maata pani, ve roinj tiina kat ighamu. Ra ighason anela tawe ighe: “Tiina tsiau, mindai?”

Anela iyol aliinja ighe: “Sunuun tsio tomania uleen popoia tau ughamgham pa yes mbolaanja na, Maaron ighita, ve loolo poia pani imin watoonrau poia.*

⁵ Uloon. Neer ee ilepleep izi nugh Yoppa, eeza Simon Petrus. Umbaan tamtamon siriv tila tighamu ilam.

⁶ I ileep to Simon ite tau neer to gharatoon gabua pa ngai uuli na. Ruum tooni iyooz igharau nari.”

⁷ Anela isavsaav pani le isov, ra ipuli ve ila. Konili ipoi besoonja tooni ru tau tighamgham uraat ila ruum tooni loolo, ve zaaba tooni ee tau monmon ilepleep tomania ve ighamgham uraat pani na. Zaaba tawe maata ingalngal Maaron.

⁸ Konili ipaes pazi pa gabua isov tau ivot pani na le isov, ra imbaan zi tila pa nugh Yoppa.

*Petrus ighita tandaghiin
(Mban 11:5-14)*

* **10:4:** Pil 4:18; Hib 13:16; Syg 8:4

⁹ Mboŋ le nughizau ve aaz izalam zegmatuugh ma vene, ra zeran tol tawe tila tigharau nugh Yoppa. Saawe tana, Petrus izala ruum paavo ighe isun.

¹⁰ Isun^{sun} ila le iyamaan ghi ighe pitoola. Saawe tau tighagharaat aniin, i isasaan ila le tandaghiin ee ivot pani.

¹¹ Maata izala le ighita sambam ikaak, ve gabua ee imin uuli tiina. Uuli tawe imin timbit maata paan ve titughu izilam pa taan.

¹² Ve gabua maata maata tileep ila uuli tawe loolo: Ngai maata maata, ve gabua tau tikakara^u ila taan, ve man naol tau tirovroov ila taitai saamba na paam.

¹³ Malau mako ve Petrus iloon saveen ilam pani ighe: “Petrus, uburig, urav zi, ve ughan zi.”

¹⁴ Petrus iyol aliin^a ighe: “Wai Tiina, irau naghan zi mako. Pa gabua siriv tawe, ene tin^galaan ila matam mako, ve tutuun in^galsek pa ghaniin zi. Ta muun ve ilam, avog itut gabua eta tauvene mako.” *

¹⁵ Ra saveen ilam pani muul ighe: “Gabua tau Maaron ighamu in^galaan wa, yo ughe saghati sov.” *

¹⁶ Gabua tana ivot pai tol le isov, ra rekia mon ve tiyau gabua tawe imuul izala pa sambam.

¹⁷ Saawe tau Petrus ighita tandaghiin tana, zeran tol tau Konili imbaan zi na, tila tivot nugh Yoppa, ve tighason pa Simon ruum tooni. Petrus ighamgham ngar pa tandaghiin tana puughu, ve zeran tol tana tila tiyooz ila ruum naagho,

* **10:14:** Wkp 11:1+ * **10:15:** Mk 7:14+; Ro 14:14, 20; 1Tim 4:3+

18 ve tighason pani toman aliŋazi tiina tigde: “Ou, Simon tau eeza ite Petrus na, ileep ta sene, ma mako?”

19 Petrus ighamgham ngar pa tandaghiin tana puughu soone, ve Maaron Avuvu isaav pani ighe: “Simon, uloon. Zeran tol tiyozyoos muuri we. Tighe tighit ghom.

20 Uburig uzila toozi, ve yamŋa ala. Ugham ngar naol sov. Pa yau taug ta nambaan zi tilam payo.”

21 Tauvene Petrus izila toozi, ve isaav pazi ighe: “Yau taug tane. Alam ail ghau pasaa? Lemim savsaveen payau?”

22 Yes tiyol aliinŋa tigde: “Daaba tsiei Konili tau inŋin zaaba ndiinŋin ee (100) na, i imbaan ghei payo, ta nilam. I neer duduunŋa ee, ve iroron pa Maaron ve itaghon ngar tooni. Tauvene Yuda tisov tipaiti. Noor mon, tandaghiin ee ivot pani. I ighita anjela patabuyaan ee ivot tooni, ve isaav pani ighe i aat imbaan payo ula ruum tooni. Leso igham saveen siriv ila yo avom.”

23 Petrus iloon saveen tane, ve igham loomba tana tilon tila ruum, ve yesŋa tileep pa mbon.

Petrus ila ighita Konili

Nughizau, ra Petrus yesŋa zeran tol tana tiburig gha tila. Tamtamon siriv to Krisi tau tileep izi nugh Yoppa na tila tomani zi paam.

24 Tilaagh tila le tigheen izi eez livuugha. Mbonoozo, ra tila tivot nugh Sisarea. Konili iyau ziiri waaro tooni tomania zeetŋa siriv tilam tilup zi izi ruum tooni, ve tisaŋan zi.

²⁵ Saawe tau Petrus ighe ilonj ila pa ruum, Konili ilaagh njaruini ilam, ve iput aaghe izi Petrus aaghe puughu ve ipakuru.

²⁶ Eemon Petrus ingalsekini ighe: “Wai, ugham vene sov! Uburig uyooz! Yau tamtamon raraate imin yo.” Ve iiti iburig. *

²⁷⁻²⁸ Ra yesuru tisavsaav, ve tilonj tila pa ruum loolo. Petrus ighita eval tiina tau tilup zi gha tilepleep na, ve isaav pazi ighe: “Yam awatagh. Yei Yuda, lemai tutuunj ariiaanja tau ingalsekin ghei ighe: Yes tau Yuda mako na, irau nila toozi, ma nilup tomani zi ne mako. Yei aat nileep soghan pazi. Eemon Maaron ipaghazonai ngar tsiau ve aazne naghilaal wa. Irau naghe tamtamon eta isaghat ila Maaron maata ne mako. *

²⁹ Tauta mbanjoonj tsiam ilam, ve nambuzir mako. Yau naburig nalam. Aiyo, naghe naghason gham. Puughu mindai ta ambaan payau?”

³⁰ Ra Konili aana isaav ighe: “Wai, wariiz, aaz anunu igham tol ma vene imin aazne, ve nansunj izi ruum tsiau. Malau mako ve naghita neer ee ivot. Nonoghiinja tooni milmilia kat. I ilam iyooz ila naghog, ve isaav payau ighe:

³¹ ‘Konili, sunjuunj tsio, Maaron iloonja wa. Ve uleenj tau ughamgham pa yes mbolaanja na, i maata ingalngali. *

³² Tauvene umbaanj tamtamon siriv tila pa nugh Yoppa, ve tigham Simon tau eeza ite Petrus na ilam. I ilepleep tomania Simon ite tau neer to

* **10:26:** Mbanj 14:15

* **10:27-28:** Mbanj 15:8+; Ep 2:11+

* **10:31:** Hib 6:10

gharatoonj gabua pa ngai uuli na. Ruum tooni iyooz igharau nari.’

³³ Anjela isaav payau tauvene, tauta rekia mon ve nambaanj uraata tsiau tol tilat payo. Poia kat pa uloonj alinjag ve ulam. Yei nisov nilam nilup ghei ta sene ila Maaron maata nighe niloonj saveenj isov tau Neer Tiina isavia payo na. Aiyo, uvotia payei gha niloonja.”

Maaron izavaan eez pa yes tau Yuda mako na

³⁴ Petrus ipaburigin saveenj tooni ighe: “Aa, ngarig gha ngar tsiau ighazoonj. Onoon kat. Maaron ivool to tamtamon eta mako. I igham ngar raraate pa tamtamon tisov. *

³⁵ I ighur loolo pa nughmarinj tisov. Tauvene sei tau ighe iroron pani ve itaghon ngar tau iduduunj ila maata, ene pale Maaron loolo poia pani. *

³⁶ Onoon, vaaru poia tau isavia eez to itinja Maaron tavalupu ghiit tamin eemon ve luuma tooni izaa toit, ene Maaron ighuru ilam to yei Israela imin maata. Eez tawe, ene uraat to Yesu Kresi. I Tiina to iit tasov. *

³⁷⁻³⁸ “Uraat tiina tau ivot irau taan isov to yei Israela na, yam aat aloonj vaaru rigta wa. Saawe tau neer rughuzaanja Yoan ivovotia saveenj pa tamtamon ighe tigham yaa, Yesu to Nasaret ipaburigin uraat tooni izi Galilaia. I, Maaron ileep tomanina. I ighuru pa uraat tooni, ve izeeva pa Avuvu Patabuayaanj, ve igham le tapiri tiina. Tauta Yesu ilaagh irau nugh naol, ve igham uraat popoia,

* **10:34:** Ro 2:10+ * **10:35:** Ep 3:6; Kol 3:11 * **10:36:** Ro 10:12; Ep 2:14; Kol 1:20

ve igharaat tamtamon tisov tau Njeer Saghati ivaghamun zi na. *

³⁹ “Uraat naol isov tau i ighamu izi taan sirivu to Yudea ve Yerusalem na, yei mbanjoonja nighit katini pa matamai. Tauta nivovotia saveeja, leso nipariaan tamtamon to tighur ila tooni. Uraat tooni tawe, tauta imin puughu pa tamtamon atezi yavyav pani, ve tiravu izala ai pambaroon gha imaat. *

⁴⁰ Eemon mbonj imin tol, ve Maaron ipaburigini pa mateegh. Tauta itotoi tauu ivot ighazoon ila tamtamon siriv matazi

⁴¹ Saawe tau iburig pa mateegh, i ila ivot to eval mako. Yei mon, ta i ivot tsiei gha nighita. Ve yeja nilup ghei pa ghanghaniin. Pasaa, Maaron isiigh ghei pataghaan to nighita uraat tooni ve nipariaan saveeja. *

⁴² Ve ighur uraat payei to nivotia saveeja pa tamtamon tauvene: I ighur Yesu to igabiiz tamtamon tisov, ve ighur atuya pazi. Yes tau matazi yaryaare, ve yes mateegha paam. *

⁴³ Propet tisov tipariaan saveeja tooni tigha tamtamon tisov tau tighur ila tooni na, ila i eeza, Maaron pale ireu sosor toozi ilale.” *

Yes tau Yuda mako na tigham Avuvu Patabuyaaj

⁴⁴ Petrus ivovotia Maaron aliinja pazi soone, ve Avuvu Patabuyaaj izilam gha izeev tamtamon tisov tau tilonlooj saveeja na.

* **10:37-38:** Is 61:1 * **10:39:** Mbanj 2:32, 5:30 * **10:41:** Lu 24:36+ * **10:42:** Mbanj 17:31; Ro 14:9+; 2Kor 5:10 * **10:43:** Is 53:5; Ro 10:9; 1Yo 2:2, 12

⁴⁵⁻⁴⁶ Yuda siriv tau tighur ila to Krisi na, yesna Petrus tilam. Tiloon yes tawe tisavsaav ila nugh nugh alinazi ve tipapait Maaron eeza, le tisov tirur ve avozi ikaak. Pasaa, Maaron irei Avuvu Patabuyaana pa yes tau Yuda mako na. *

⁴⁷ Ra Petrus iburig ve isaav ighe: “Sei irau ingalsekin zeran tane pa ghamuun yaa? Mako. Pa yes tigham Avuvu Patabuyaana wa raraate imin iit.” *

⁴⁸ Tauvene Petrus aavo iyaryana pazi ighe yes aat tigham yaa ila Yesu Krisi eeza. Tigham yaa le isov, ra tinguruut Petrus gha yesna tileep rig ta sewe.

11

Petrus imuul izala Yerusalem ve ipaesia laghoon tooni
(Mban 10:9-44)

¹ Mbanjoonja siriv tomania yes tonvetaz to Krisi tau tileep irau taan sirivu to Yudea na, tiloon tige yes tau Yuda mako na, tiloon Maaron saveen tooni gha tighur ila wa.

² Tauvene saawe tau Petrus imuul izala Yerusalem, yes tau tiyooz ariana pa tutuun to Mose ve ravuun tamtamon warozi na, tiyau avozi pani.

³ Tighe: “Petrus, niloon tige yo ula uleep tomania yes tau Yuda mako na, ve yamna alup gham pa ghanghaniin. Puughu mindai ta yo ugham tauvene?”

⁴ Tauvene Petrus ipaes pazi poi pa gabua naol tau ivot pani na, ighe:

* **10:45-46:** Mk 16:17; Mban 2:4; Ga 3:14 * **10:47:** Mban 15:8+

⁵ “Alooŋ. Yau naleep izi nugh Yoppa ve nansunŋ, ve tandaghiin ee ivot payau. Matag izala le naghita gabua ee imin uuli tiina. Uuli tawe timbit maata paan, ve titughu ta sambam we ve izilam. Izi izi le iduduunŋ ila naghog.

⁶ Nagig ilonŋ ila uuli tawe loolo, ve naghita gabua maata maata. Ngai maata maata, ve gabua siriv tau tikakarau ila taan, ve man tau tirovroov ila taitai saamba na paam.

⁷ Ra naloon saveenŋ ilam payau ighe: ‘Petrus, uburig, urav zi, ve ughan zi.’

⁸ “Yau nayol aliinŋa naghe: ‘Wai Tiina, irau naghan zi mako. Pa gabua siriv tawe tinjalaanŋ ila matam mako, ve tutuunŋ ingalsek pa ghaniin zi. Ta muunŋ ve ilam, avog itut gabua eta tauvene mako.’
*

⁹ “Ra saveenŋ sambam ve izilam muul ighe: ‘Gabua tau Maaron ighamu ingalaanŋ wa, yo ughe saghati sov.’ *

¹⁰ Gabua tana ivot payau irau pai tol le isov, ra tiyau gabua isov tawe imuul izala pa sambam.

¹¹ “Saawe duduunŋ tana, tamtamon tol to nugh Sisarea tau timbaanŋ zi payau na, tilam tiyooz ila ruum tau nalepleep pani na, naagho.

¹² Avuvu Patabuyaanŋ isaav payau ighe naghama ngar naol sov, ve nala tomani zi gha yeŋa nila. Tauvene yeŋa tonvetaz liim ve ee tane, niburig gha nila. Nilaagh nila nivot nugh Sisarea, ve malmalimai nilonŋ nila Konili ruum tooni.

¹³ Ra i ipaes payei ighe i ighita anjela ee ivot gha iyooz ila ruum tooni loolo, ve isaav pani ighe:

* **11:8:** Wkp 11:1+ * **11:9:** Mk 7:14+; Ro 14:14, 20

‘Umbaarŋ tamtamon siriv tila pa nugh Yoppa ve tigham Simon tau eeza ite Petrus na ilam.

¹⁴ I pale isavia lem savsaveeŋ siriv tau pale imin eez payo to Maaron igham mulin ghom ve uleep poi. Ve yo mon mako. Tamtamon tisov tau tileep tomani ghom ila ruum tsio na paam, Maaron pale igham mulin zi.’

¹⁵ “I ipaesia gabua tana payau le isov, ra anag napaburigin saveeŋ tsiau. Malau mako, Avuvu Patabuyaany izilam le izeev zi raraate imin tau papazoge igham pait ila saawe to Pentekos na.

¹⁶ Ra matag inŋal imuul ila pa Tiina toit aliinŋa tau ighe: ‘Yoan irughuuz tamtamon pa yaa mon. Eemon yam tane, Maaron aat igham Avuvu Patabuyaany payam.’ *

¹⁷ Aghita. Saawe tau iit taghur ila to Tiina toit Yesu Krisi, Maaron irei Avuvu Patabuyaany pait. Ve aazne, i itaghon nŋar raraate pa zeran tawe. Gabua tane ilam pa Maaron tauu. Tauvene yau sei, ta irau napoon uraat tooni?” *

¹⁸ Tiloony saveeŋ tana, ra atezi izi, ve lezi saveeŋ muul mako. Ve tipait Maaron eeza tigde: “Onoon kat, aazne, Maaron ighe igham poghania yes tau Yuda mako na paam. Tauta ipaburigin zi gha titoor nŋar toozi ila pani. Leso tigham lepoogh poia ila tooni.” *

Eez tau lupuunŋ to Krisi ivot imin tiina izi nugh Antiok

¹⁹ Saawe tau tirav Stepanus imaat ve ilam, yes Yuda tighurghur patanŋani pa yes tau titaghon eez

* **11:16:** Mt 3:11; Mbanj 1:5

* **11:17:** Mbanj 10:47, 15:8+

* **11:18:** Ro 10:12, 15:9

to Krisi. Tauta tighawaar mbiriis irau nugh nugh. Siriv tila pa taan sirivu to Ponisia, siriv tivot tila sisi Saiprus, ve siriv tila nugh Antiok. Saawe tau tilaghaagh, yes tivovotia Maaron aliina. Eemon tivotia pa tamtamon tisov mako. Tivotia pa yes Yuda mon. *

²⁰ Eemon tamtamon toozi siriv to sisi Saiprus ve taan sirivu to Sairini, yes tila pa nugh tiina Antiok, ve tivotia Tiina toit Yesu Krisi vaaru pa yes Grika tau tileep izi ta sewe.

²¹ Ve Maaron tapiri ighengheen tomani zi. Tau-vene eval tiina to nugh Antiok titoor ngar toozi ila pa Tiina toit, ve tighur ila tooni. *

²² Varuzi ilaan ila ivot Yerusalem, ve lupuun to Krisi tiloona, tauta timbaan Banabas ila nugh Antiok, lesu ighit zi.

²³ Ila ivot toozi, ve ighita poia to Maaron tau ighen tomani zi na, le ighamu loolo poia kat. Ve ipalot zi ighe lolozi isaghav Tiina toit ve tikisi ariiaan taghon gha ila.

²⁴ Banabas, i neer poia. Ngar to Avuvu Patabuyaan ivon ila loolo, ve ghuruun ila tooni iyaryaan kat. Saawe tana, eval tiina kat titoor ngar toozi ila pa Tiina toit Krisi ve timin le.

²⁵ Tauvene Banabas ila nugh Tarsus to iil Saul. Ila ivot tooni, ra ighamu gha yesuru timuul tila pa Antiok. *

²⁶ Ndaman dodoli ee, Banabas yesuru Saul tileep tomania lupuun to Krisi izi sewe, ve tipaghazonai eval tiina pa Krisi saveen tooni. Yes Antioka tau

* **11:19:** Mbanj 8:1, 4 * **11:21:** Mbanj 13:1, 14:26+ * **11:25:** Mbanj 9:27

titaghon Krisi na, tauta tamtamon tipoi zi tigde ‘Kristen’ imin maata. *

²⁷ Saawe tana, propet siriv tileep Yerusalem, ve tizila nugh Antiok.

²⁸ Tamtamon toozi ee, eeza Agabus. Maaron Avuvu ipaburiginini ve ivotia Maaron aliin̄a pazi ighe pitool tiina pale ivot irau taan isov. (Pitool tawe ivot indeeŋ saawe tau Klodias imin kinik tiina to Rom ve in̄gin nugh.) *

²⁹ Yes tau titaghon Yesu na, tilooŋ saveeŋ tana, ve timbu saveeŋ to tighur nimazi imin uleeŋ yes toŋvetaz to Krisi tau tileep izi Yudea we. Tighita saa gabua ta irau tigham pazi, ene tighuru ila mon. *

³⁰ Tilup gabua le isov, ra tighuru ila to Banabas yesuru Saul, ve tighamu ila pa yes ŋginiin̄a tau tileep izi Yerusalem. *

12

Kinik Erod irav Yakobus imaat, ve ighur Petrus ilon̄ ila ruum to yavyavuun̄

¹ Saawe tana, kinik Erod iburig, ve ikis tamtamon siriv tau tileep ilon̄ ila lupuun̄ to Krisi na. Leso ighur yavyavuun̄ pazi.

² Ve isaav gha tigham Yakobus tau Yoan toogha na, ve tirav motin luua pa mbuzaagh gha imaat. *

³ I ighita ŋgar tau ighamu na, ene igham yes Yuda lolozi poia. Tauvene ikis Petrus paam. Gabua

* **11:26:** 1Pe 4:16 * **11:28:** Mban̄ 21:10 * **11:29:** Ro 15:26; 1Kor 16:1; Ga 2:10 * **11:30:** Mban̄ 12:25 * **12:2:** Mt 4:21, 20:22+

tana ivot indeen saawe to lupuun tiina to ghaniin mberet tau le yis mako na.

⁴Tauvene Erod ikis Petrus, ve ighuru ilonj ila ruum to yavyavuun. Ve ighuru ila zaaba sanjavul liim ve ee (16) nimazi to tingini. Zaaba tawe tivalagh zi timin ngun paan, ve ngun paan tana tivayoli zi pa uraat to nginiin Petrus. Tamtamon paan tileep ila ngun enaena. Erod maata ingal ighe saawe tau lupuun tiina to Pasova isov, mako igham Petrus, ve ipayooze pa savsaveen ila eval tiina matazi.

⁵Tauvene tikis Petrus ileep ila ruum to yavyavuun loolo. Eemon lupuun to Krisi tisuusun ariaan tigde Maaron iuule.*

Anjela ipas Petrus ivot pa ruum to yavyavuun

⁶Tilepleep le mbon ee, Petrus ighengheen ila zaaba ru sosozi. I, tikauu pa sen ru. Ve zaaba siriv tiyozyooz ila ataman aavo, ve tinginngin ruum to yavyavuun. Erod maata ingal ighe mbon tane le nughizau, mako igham Petrus ivot pa ruum to yavyavuun, ve ipayooze pa savsaveen.

⁷Malau mako ve anjela to Maaron ivot le mbonari isul ilonj ila ruum to yavyavuun loolo. Anjela ivaan Petrus, ve isaav pani ighe: “Ai, uburig rekia!” I savsaav, ve sen tau tikau Petrus niima pani na, timazugh tizi.

⁸Anjela isaav pani muul ighe: “Ugharaat ghom pa laghoon, ve ughur zuzuuna to aghem.” Petrus igharaat ghi le isov, ra anjela isaav pani muul ighe: “Utav ghom pa nonoghiina tsio to ngoaan, ve utaghon ghau.”

* 12:5: Ro 15:30+; Ep 6:18

9 Tauvene Petrus itaghoni gha yesuru tila. Eemon igham ngar ighe ngar tau anjela igham pani na, ene ivot pani onoon mako. Ighe pa ighita tandaghiin mon.

10 Yesuru tila tisaliv zaaba ngun ee, ve tila tisaliv ngun ite, ra tila tivot ataman ariaana tau ighen ila pa muuri. Tilaagh naruini tila, ve ataman tauu ikaak sorok, ve yesuru malmalizi tivot tila. Tipul ruum to yavyavuun, ve titaghon eez tila rig, ra anjela ipuli ve ila. *

11 Ra Petrus ngar tooni ivot, ve isaav pa tauu ighe: “Onoon kat, ngarig gha naghilaal: Maaron imbaan anjela tooni ilam to ipas ghau ila Erod niima, ve ngar sasaghati naol tau yes Yuda tigde tigham payau.”

12 Saawe tau Petrus ighilaal gabua tana, malmali ila pa ruum to Maria, tau Yoan Markus tiina na. Ruum tana, yes eval tila tilup zi ila loolo, ve tisuusun.

13 Petrus ila isen ataman, ve besoonja livaa ee, eeza Roda, ila ighe ikaak ataman.

14 Eemon saawe tau ighilaal Petrus aliina, i loolo poia le poia kat. Tauta loolo iveegh pa kakoon ataman, ve ilaan muul ilon ila, ve ipaes pa eval tiina ighe: “Ale, Petrus tauu ta iyozyooz ila ataman aavo we!”

15 Yes tiyol aliina tigde: “Wai, ngar tsio ivaghamgham!”

Eemon i aavo iyaryaan ighe: “Mako, i tauu ta iyozyooz muuri we.”

* **12:10:** Mbo 34:7; Mban 5:19, 16:25+

Tauvene yes tisaav pani tigde: “Ewe aat anjela tooni taa?”

¹⁶ Petrus iyozyooz muuri, ve inoknok seniin ataman. Tauvene tila tikaak ataman, ve tighita le tirur pani.

¹⁷ Eemon i itatan niima pazi leso tineneen. Ra ipaes pazi pa eez tau Tiina toit Yesu ighamu ivot pa ruum to yavyavuun. Ipaes pazi le isov, ve isaav pazi ighe tila tipaes pa Yakobus *
ve tonvetaz siriv to Krisi pa gabua tau ivot pani na. Ra ipul zi, ve ila pa nugh ite.

¹⁸ Mbon tana le nughizau, ve yes zaaba tirur ve tigham ngar naol pa ghaon to Petrus.

¹⁹ Erod iloon paesiin tigde Petrus ileep ruum to yavyavuun loolo muul mako. Tauvene isaav pa zaaba tooni ighe tila tiilo. Eemon tiilo le mako. Tauvene Erod ighason rarai yes tau tinjin Petrus na. Ighason zi le mako, ra isaav gha tigham zi tila, ve tirav zi timaat.

Murei ra, Erod iburig, ipul taan sirivu to Yudea, ve izila nugh Sisarea, ve ileep rig ta sewe.

Maaron irav Erod imaat

* **12:17:** Yakobus tane, i Yesu taazi duduun. I ta ibood Rau to Yakobus (o Jems) tau igheen Baibol loolo na.

20 Saawe tana, Erod † aate yavyav kat pa nugh tintiina ru, Tiro ve Sidon. Nugh ru tawe, monmon tighamgham aniiñ ila nugh to Erod. Tauvene tilup zi, ve timbaañ tamtamon toozi siriv tila pa Erod, leso tigharaat saveeñ pani. Tila tivot, ve malmalizi tila to Blastus tau iñgin kinik ruum tooni na, ve tigham loolo, leso iuul zi pa savsaveeñ. Ra tila to Erod tauu, ve yesña tigharaat saveeñ, leso tivalupu zi muul. Tisavsav tomania le isov, ra i ighur saawe pazi to timuul tilam, ve isavia loolo pazi.

21 Tisañan le saawe tana ivot, ra timuul tilam to Erod. I inonogh ghi pa nonoghiña tooni to kinik, ve mboole izala boor to gharatoon saveeñ, ve ipaburigin saveeñ tooni.

22 Yes tau tilooñ saveeñ tooni na, tiboboob tigde: “Tamtamon eta to taan aliña tauvene mako. Ewe aat maaron taa!”

23 Tipapait Erod tauvene ila ila le añela to Maaron iravu gha itap izi. Pasa, imin ta Erod isaav pazi gha tipait Maaron, kanan poia. Eemon mako. I iyok pa paitoon toozi tawe. Tauta moroghoon tiina ighamu, ve motmoot tighan loolo

† **12:20:** Saveeñ to Maaron isavia tamtamon naol tau ezazi Erod. Saawe tau Maria ipoop Yesu, Erod tau imin maata na, ighamgham pooz pa yes Israela. Tiwaat eeza tigde ‘Erod Tau Eeza Tiina.’ I ta irav yes geegeu to Betelem timatmaat. Erod tane, ta naatu eeza Erod Antipas. I ta irav ñeer rughuzaaña Yoan imaas, ve ilup tomania Kaiapas gha Pontius Piladus, ve tirav Yesu imaas. Ngat tane isavia Erod Antipas naatu Erod Agripa. I ta irav Yakobus imaas, ve murei motmoot tighani. Erod Agripa naatu, eeza Erod Agripa tau imin ru pani. I ta murei tipayooz Paulus pa savsaveeñ ila naagho. Sinainj tooni igheen ila Mbanjoonja 25:13 ila imuul 26:32.

gha imaat.

²⁴ Saawe tana, Maaron saveen tooni ilanlaan toman tapiri tiina irau nugh nugh. *

²⁵ Banabas yesuru Saul tighur yambaar to yes Antioka ila yes Yerusalema nimazi le isov, ra tigham Yoan Markus gha yesnja timuul tila pa Antiok. *

Laghoon tau Paulus ighamu imin maata

13

Lupuun to Antiok tighur Banabas yesuru Saul pa uraat

¹ Yes Antioka tau titaghon Krisi na, propet siriv tomania padudunjaanja siriv tileep ilon ila lupuun toozi. Ezazi tauvene: Banabas, Simeon tau tiwaato tigde ‘Gabgab’, Lusius to Sairini, Manaen (i yesuru Erod tau igham pooz pa nugh na tumbuun eemon), ve Saul.

² Saawe ee, tingun tauzi pa ghaniin aniin itaghon sunjuun ngara. Tisunsun ila le Avuvu Patabuyaanj isaav pazi ighe: “Aghur Banabas yesuru Saul tivot, leso tigham uraat tau napoi zi pani na.” *

³ Tauvene tingun tauzi pa ghaniin aniin ve tisun, ve tighur nimazi izala yesuru pavozi imin palotiinj zi le isov, ra tighur zi tila. *

Saul yesuru Banabas tivotia vaaru poia izi sisi Saiprus

* **12:24:** Mbanj 6:7, 19:20; Kol 1:6 * **12:25:** Mbanj 11:29, 12:12

* **13:2:** Mbanj 9:15; Ro 10:15; Ep 3:7+; 1Tim 2:7 * **13:3:** Mbanj 6:6, 14:26

⁴ Ene eez tau Avuvu Patabuyaana ighur Banabas ve Saul pa uraat. Yesuru tila tivot nugh Selusia, ve tigham waan ta sewe, ve tiraav tila pa sisi Saiprus.

⁵ Tiloon nugh Salamis, ve tivovotia Maaron aliina pa yes Yuda ila rumei toozi. Yoan Markus ila tomani zi paam to iuul zi.

⁶ Tilaagh taan tila tivot sisi ziige ite, ve tila peria nugh tiina Papos, le tizaa to mur tamazi ee ta sewe, eeza Bar-Yesu. I Yuda tamazi, ve i propet karom ee.*

⁷ Saawe naol, i ipakpaak Sergius Paulus tau ingingin sisi tawe. Sergius Paulus, i neer ngara ee, ve ighe le iloon Maaron aliina. Tauvene imbaan ila pa Banabas yesuru Saul ighe tilam tooni.

⁸ Bar-Yesu eeza ite Elimas. Eez tane, puughu tauvene: ‘mur tamazi.’ I itovtoova to itatan yesuru saveen toozi, ve ingarum Sergius Paulus loolo, lesa ighur ila to Krisi sov.

⁹ Eemon Avuvu Patabuyaana izeev Saul, tau tiwaat eeza ite Paulus na, ve maata denja pa mur tamazi tawe,

¹⁰ ve isaav ariana pani ighe: “Ai, yo tane, neer saghati ee! Neer Saghati naatu yo! Yo ughurghur koi pa ngar duduuna naol isov, ve lolom ivon pa ngar sasaghati ve ngar karom naol! Neez o upul ngar tsio tau ukaukau tamtamon ngar toozi ve upapaghau zi pa eez duduuna to Maaron?”*

¹¹ Aazne, yo pale ughit katin Maaron niima. I aat igham matam ikumkum, ve irau ughita nugh muul mako. Ve pale uleep tauvene saawe malau rig!” Paulus isaav tauvene, ve rekia mon gabua

* **13:6:** Mbanj 8:9+ * **13:10:** Yo 8:44; 1Yo 3:8

imin naghavghavu tomania ndoroom ikau mur tamazi tana maata. Tauvene ivalaghlaagh, ve iliil tamtamon siriv to tiuule ighe tikis niima ve tipaduduunja pa eez.

¹² Daaba to sisi tawe ighita gabua tau ivot na, le irur pa saveen to Tiina Yesu tapiri ve njar tooni imbool. Tauvene ighur ila kat.

Paulus yesuru Banabas tila nugh Antiok tau igheen ila taan sirivu to Pisidia

¹³ Paulus tomania zeetja tigham waan izi nugh Papos, ve tiraav tila tivoon pa taan tiina. Ra tilaagh tila tivot nugh Perga tau igheen ila taan sirivu to Pampilia. Tileep ta sewe, ve Yoan Markus ipul zi, ve ighau imuul ila pa Yerusalem. *

¹⁴ Paulus yesuru Banabas tipul nugh Perga, ve tizala pa nugh Antiok tau igheen ila taan sirivu to Pisidia. Tilepleep ta sewe le saawe to umbom patabuyaaj, ra tilonj tila rumei to yes Yuda, ve mbolezi izi tomani zi pa sunjuun.

¹⁵ Tamtamon siriv to lupuun tawe tiwaat saveen siriv tau igheen ila tutuun to Mose, ve saveen siriv to yes propet le isov, ra yes nginiija to lupuun tana tighason ila pa Paulus yesuru Banabas tighe: “Aiyo, yam tonvetaz ru, ighe lemim savsaven siriv to apalot lupuun tane, o asaav.” *

Mos tau Paulus ivotia izi nugh Antiok

¹⁶ Paulus iburig iyooz, ve itatan niima pazi, leso tineneen ve tighur talinazi pani. Ra ipaburigin saveen tooni ighe: “Yam zitamoot to Israel, ve yam

* **13:13:** Mbanj 13:5, 15:37+ * **13:15:** Lu 4:16+

siriv tau aroron pa Maaron ve ataghon ngar tooni na, aghur talinamim payau poi.

¹⁷ Iit Israela, muun Maaron toit isiigh timbuunja timin i tauu le. Ve saawe tau tila tileep timin loom izi Isip, i igham zi timasa timin naol. Ra itotoi tapiri pa yes Isipa, ve igherev timbuunja gha tipul taan to yes Isipa ve tivot. *

¹⁸ Yes tileep izi nugh nginaanja irau ndaman tamoot ru (40), ve monmon tizoor Maaron aliinja ve tighamgham ngar tau irau i loolo mako na. Eemon i iyai ghi, ve ingin zi pa laghoon toozi. *

¹⁹ Yes tilaagh tila tivot taan sirivu to Kanaan, ra i ireu tamtamon to nugh tintiina liim ve ru, ve igham taan toozi imin yes Israela lezi motot. *

²⁰ Uraat isov tana igham ndaman 450.

“Murei ra, Maaron ighur lezi daaba siriv. Leso tingingin zi ve tighagharaat saveen toozi. Ilam ilam le indeen saawe to propet Samuel,

²¹ ra tighason Maaron to igham lezi kinik eta. Tauvene i ighur Kis naatu Saul imin kinik pazi. Saul puughu tooni ivot ila to Benjamin. I ingin Israel irau ndaman tamoot ru (40). *

²² Eemon murei, ra Maaron izughuia izi, ve ighur David aana imin kinik. Maaron ipaesia David ngar tooni ighe:

‘David tau Yesi naatu na, yau naghita wa. Yeiru lolomai eemon. I aat itaghon dudunjai ngar tsiau pa gabua naol isov.’ *

* **13:17:** Igham 6:6, 12:51

* **13:18:** Nam 14:33+; Mbo 95:10

* **13:19:** Lo 7:1; Mbo 78:55

* **13:21:** 1Sam 8:4, 10:17+ * **13:22:**

1Sam 13:14

23 “Aazne, Maaron ighur neer ee imin Uleenja pa yes Israela itaghon saveen mbuaan tooni. I ivot ila sij to David. Eeza Yesu. *

24 Yesu ipaburigin uraat tooni soone, ve neer rughuzaanja Yoan imuun pani, ve ivovotia saveen pa yes Israela ighe tISOV tipul ngar toozi sasaghati ileple, ve titoor ngar toozi ila pa Maaron, ve tigham yaa. *

25 Saawe igharau to Yoan ipasov uraat tooni, ra ighason tamtamon ighe: ‘Yam agham ngar aghe yau sei? Aghe yau Mesia tau asasanani na? Mako. Neer ee pale ilam murei payau. I iliiv ghau kat. Uraat sorok imin polaan waar pa zuzuuna to aaghe, ene yau poiag irau to naghama pani mako.’ ” *

26 Ra Paulus isaav pazi ighe: “Yam tonvetaz, yam tau Abaram paaghu tooni, ve yam siriv tau aroron pa Maaron ve ataghon ngar tooni na paam, aloon. Maaron aliinja tau isavia eez tau i igham mulin tamtamon, ene injarui ghiit. *

27-28 Eemon eval tiina to Yerusalem tomania yes daaba toozi tighilaal Yesu mako. Onoon, umbom patabuyaana isov, yes tiwatwaat saveen to yes propet. Eemon tighilaal saveen tawe puughu mako. Yesu, i le puughu eta to imaat pani ne mako. Eemon saawe tau yes daaba titiir saveen tooni, tighita tIGHE i igham sosor tiina, ve tighason Piladus to iravu imaat. Ngar tau tighamu, ene iduduun pa Maaron aliinja tau muun yes propet tivotia. Saveen toozi tawe, aazne anoonja ivot wa.

* 13:23: Mbo 132:11; Lu 1:32 * 13:24: Lu 3:3 * 13:25: Lu 3:16

* 13:26: Lu 24:47; Mban 2:39, 3:26

*

²⁹ Saveen tau yes propet tiboode iza to Yesu na, yes Yuda titaghon suvinia le isov, ra tamtamon siriv tighamu izi pa ai pambaroon, ve tigham paata tila gha tighuru ilon ila maet puura tau tigharaata pataghaan imin naal pa mateegha. *

³⁰⁻³¹ Eemon Maaron ipaburigin pa mateegh, ve ileep saawe malau rig izi taan. *

Saawe tana, i ila ivotvot to yes tau muun yesna tilaagh izi Galilaia ve tila tivot Yerusalem na. Zeran tawe, tauta aazne tivovotia saveen tooni pa eval tiina to iit Israela, ve tipariaan zi to tighur ila tooni. *

³²⁻³³ Yei nilam to nivotia vaaru poia tane payam: Maaron ipaburigin Yesu pa mateegh wa. Tauvene saveen tau muun i imbua tomania timbuunna na, tauta aazne anoonja ivot pa iit tau paaghu toozi ne! Saveenja igheen ila mboun to sunuun tau imin ru. Ighe:

‘Yau natug yo.

Yo tamam ta yau.

Aazne, yau naghur ghom pa uraat.’ † *

³⁴ “Tauvene Yesu, Maaron ipaburigin pa mateegh wa. Ve i irau imuul izila naal gha imbuuz

* **13:27-28:** Mt 27:20+; Lu 23:18+; Mbanj 3:14+ * **13:29:** Lu

23:50, 24:44; Yo 19:36+ * **13:30-31:** Yesu iburig pa mateegh, ve ileep mbon tamoot ru izi taan, ra imuul izala pa sambam. Maaron saveen tooni isavia saawe sanjavul tau Yesu ivot to mbiwa tooni.

* **13:30-31:** Mt 28:6; Mbanj 1:3 † **13:32-33:** Yes Israela matazi ingal tige saawe tau tighur tamtamon eta imin kinik pazi, Maaron ighamu imin i naatu. Tauvene saveen ziiri tane, puughu tauvene: Saawe tau Yesu iburig pa mateegh, Taama Maaron ighuru imin kinik. * **13:32-33:** Mbo 2:7; Mt 3:17; Hib 5:5

ne mako. Saveeja igheen tauvene:

‘Yau nambu saveeja ariiaan tomani gham naghe yau aat naghama lemim gabua popoia ve patabuyaana imin muun naghama pa David na.’ *

³⁵ Ve saveeja ziiri ite isaav ighe:

‘Yo irau upul besoona tsio patabuyaana imbuuz ila naal loolo ne mako.’ *

³⁶ “Iit tawatagh: Saawe tau kinik David ileep izi taan, i ibesbees pa Maaron itaghon Maaron ngar tooni. Ve saawe tau imaat, titavia tomania timja, ve paata imbuuz ila naal loolo. *

³⁷ Eemon neer tau Maaron ipaburiginini pa mateegha na, paata imbuuz mako.

³⁸⁻³⁹ “Tauvene yam tonvetaz, aloon! Yei nivotia saveeja payam lesa awatagh kat tauvene: Tutuun to Mose, ene irau ipas ghiit kat pa patanani to sosor toit ne mako. Eemon ila Yesu uraat tooni, Maaron ireu sosor toit kat. Tamtamon tisov tau tighur ila to Yesu na, i aat ipas zi pa saghati tapiri, ve ireu sosor toozi isov ilale, lesa tiduduun ila Maaron maata. *

⁴⁰ “Tauvene yam ayamaan gham. Uleeja tau Maaron imbaano pait ne, azori sov. Pa ighe agham tauvene, ene aat gabua tau yes propet tisavia na ivot payam. Saveeja igheen tauvene:

⁴¹ ‘Yam tamtamon to veleghiin Maaron, aloon!

Patanani tau naghe naghuru izaa tsiam pa saawe tane, ene aat maata ite.

* **13:34:** 2Sam 7:8-16; Is 55:3 * **13:35:** Mbo 16:10 * **13:36:** Mban 2:29 * **13:38-39:** Mban 2:38; Ro 3:28; Ga 2:16; 1Yo 2:2

Yam pale aghita, ve arur pani le ngar tsiam imbool, ve alalemim.

Ighe gabua tauvene ivot pa tamtamon siriv ve aloon vaaru mon, ene irau aghur ila mako.' " *

⁴² Paulus isavsaav le isov, ra yesuru Banabas tipul rumei tana, ve tivot tila muuri. Tamtamon to lupuun tana tiburig, ve tighason zi ariaan tigde umbom patabuyaan ite ighe ivot, mako yesuru timuul tilam, ve tila saveen tana loolo muul.

⁴³ Lupuun toozi isov gha tamtamon tighawaar, ve eval tiina titaghon Banabas yesuru Paulus gha yesna tila. Siriv, yes Yuda duduun. Ve siriv, ene yes tau titoor zi timin Yuda ve titaghon eez to Maaron. Yesuru tisavsaav tomani zi, ve tipalot zi tigde lolozi isaghav Maaron ve tiyooz tunja ila poia tooni. *

⁴⁴ Tilepleep le umbom patabuyaan ivot muul, ra tamtamon tisov to nugh tana tila tilup zi pa lonjaan saveen to Tiina toit.

⁴⁵ Yes Yuda tighita eval tiina kat timeke tila tigde tiloon Paulus yesuru Banabas saveen toozi. Tauta nunuaan tiina ivot pazi, ve tiburig gha yesna Paulus tivazorai zi, ve tisik saveen veleghiin naol pani. *

⁴⁶ Eemon Paulus yesuru Banabas tiroi mako. Tiyooz ariaan, ve tisaav ghazoonja pazi tigde: "Maaron ighe ipamuun gham pa saveen tooni. Eemon yam azori. Ngar tau aghamu na, ene imin agabiiz taumim aghe yam aat irau to agham lepoogh to mataan yaryaare ne mako. Tauvene

* **13:41:** Hab 1:5
2:15+

* **13:43:** Mban 11:23, 14:22

* **13:45:** 1Tes

aazne ve ila, yei aat nipul gham aleplemim, ve nila pa yes tau Yuda mako na. *

⁴⁷ Pasaa, Neer Tiina aavo iyaryaan payei ighe:

‘Yau naghur ghom umin ghazooŋa pa yes nugh nugh tau Yuda mako na.

Naghe ulandoov saveeŋ tsiau ila pa tamtamon irau taan ziige ta naol ne, lesu tiwatagh eez to naghham mulin zi.’ ” *

⁴⁸ Yes tau Yuda mako na, tilooŋ saveeŋ tane, le lolozi poia kat ve tipait Maaron pa saveeŋ tooni tau tilooŋa na. Ve tamtamon tisov tau Maaron isiigh zi to tigham lepoogh to mataan yaryaare na, yes tighur ila. *

⁴⁹ Tauvene Maaron saveeŋ tooni ilaan toman tapiri irau taan sirivu tawe.

⁵⁰ Eemon yes Yuda tingarum yes daaba to nugh tana tomania zilivaa siriv tau ezazi tintiina ve titaghon yes Yuda pa sunjuuŋ toozi na lolozi. Tauvene yes daaba ve zilivaa tawe anazi tipazaagh eval tiina, ve tighur pataŋani pa yesuru, ve tinaan zi tighau pa nugh toozi. *

⁵¹ Saawe tau yesuru tipul nugh Antiok, tighatuun aghezi gha ngaupup to nugh tana izi. Lesu imin ilaal pazi pa sosor toozi. Ra tilaagh tila tivot nugh Ikonium. *

⁵² Ve yes Antioka tau titaghon Yesu na, Avuvu Patabuyaan izeev zi tisov, ve tileep toman lolozi poia kat. *

* **13:46:** Mt 21:41; Mbanj 18:6; Ro 1:16 * **13:47:** Is 42:6, 49:6; Lu 2:32 * **13:48:** Ro 8:29+ * **13:50:** 2Tim 3:11 * **13:51:** Mt 10:14
* **13:52:** Mbanj 16:34; Ro 14:17; 1Pe 1:8

14

Paulus yesuru Banabas tivotia Maaron aliinja izi nugh Ikonium

¹ Paulus yesuru Banabas tila tivot nugh Ikonium, ve titaghon ngar tau tighamu izi Antiok na. Yesuru tilon tila lupuun niia to yes Yuda, ve tivotia mos pazi. Saveen to yesuru ingal eval tiina lolozu, le titoor ngar toozi ve tighur ila to Yesu. Yes Yuda, ve yes Grika paam.

² Eemon yes Yuda tau tighur ila to Krisi mako, tingarum yes tau Yuda mako na lolozu, le titoor ngar toozi muul, ve tighur koi pa yes tonvetaz to Krisi.

³ Tauvene Paulus gha Banabas tileep malau izi ta sewe. Yesuru tiroi mako. Tinumeer Maaron, ve tiyooz ariaan pa votiaan Tiina toit vaaru. Ve i tauu ipalot zi, ve igham gabua ngeretazi naol tivot ila yesuru nimazi. Leso itotoi ighe i ileep tomani zi pa uraat toozi, ve tamtamon tighur ila saveen tau tisasavia pa poia tooni. *

⁴ Tamtamon to nugh tawe tighita yesuru uraat toozi, le tivalagh tauzi timin ru. Siriv titaghon yes Yuda, ve siriv tila tivool to mbanjoona ru tana. *

⁵ Ra Yuda siriv, ve yes tau Yuda mako na paam, tomania daaba toozi, tilup ngar toozi imin eemon, ve timbu saveen tighur patanani pazi ila eval tiina matazi, ve tirav zi pa maet. *

⁶ Eemon yesuru tiloon saveen to gabua tau tighur tigham pazi na. Tauvene tighau tila pa taan sirivu to Likonia, ve tileep izi nugh Listara ve nugh

* **14:3:** Mk 16:20; Mbanj 5:12; 2Kor 12:12 * **14:4:** Lu 12:51+;
Mbanj 28:25 * **14:5:** 2Tim 3:11

Derbe, ve nugh geegeu siriv tau tighen tigharau.
*

⁷ Yesuru tileep izi ta sewe, ve tivovotia vaaru poia pazi.

Paulus igharaat narape ee izi nugh Listara

⁸ Neer narape ee ileep izi nugh Listara. Saawe tau tiina ipooŋa, aaghe isaghat ve izi. Tauta muuŋ ve ilam, irau ilaagh mako.

⁹ Paulus isavsaaŋ, ve neer tawe ighurghur taliinŋa pa saveeŋ tooni. Paulus imarari, ve ighilaalo ighe ghuruuŋ ila tooni irau to Maaron ighamu tiini poia.*

¹⁰ Tauvene isaav pani toman aliinŋa tiina ighe: “Ai, uburig uyooz.” Ve neer tana rekia mon iburig ve ilaagh.

Yes Likonia tigham nŋar tigde Paulus gha Banabas, ene yes zimaroonŋa toozi

¹¹ Eval tiina tighita Paulus igham gabua nŋereeta tana, le tiboob ila tauzi aliŋazi Likonia tigde: “Wai, aazne, maaron toit ru, tauta titoor zi timin tamtamon, ve tizilam toit.”*

¹² Ra tiwaat Banabas tigde i Zeus, ve tiwaat Paulus tigde i Ermes. Pasaa, yes tighita Paulus imuŋmuuŋ pa savsaveeŋ.*

¹³ Rumei to maaron toozi Zeus iyozyooz igharau ataman to didiinŋ ariaanŋa tau ilivutin nugh tawe. Tauvene neer to watoonŋrau tau ingin rumei tawe,

* **14:6:** Mt 10:23 * **14:9:** Mt 9:28+ * **14:11:** Mbanj 28:6

* **14:12:** Yes Grika lezi maaron katini. Yes tighur ila tauvene: Zeus, i maaron tau eeza tiina kat iliiv zimaroonŋa toozi tisov. Ve Ermes, i maaron ite tau igham Zeus aavo, ve ivovotia aliinŋa pa tamtamon.

yesna eval tiina tigham makau siriv, ve tipabood zi pa manman, ra tila pa ataman tana, tigde tirav makau tawe timin watoonrau pa yesuru.

¹⁴ Tipaesia ngar tau tigde tighamu na pa yesuru le ireu lolozu. Tauvene tirangat nonoghiinja toozi, ve tilaan tilonj tila eval tiina tawe lolozu,

¹⁵ ve tiboob tigde: “Wai, zeran tsiei, agham vene soy! Yeiru tamtamon to taan raraate imin yam. Yei nilam to nivotia vaaru poia payam. Aloonj. Maaron tsiam tau abesbees pazi na, irau tigham anoonja eta mako. Aghur murimim pazi, ve apul zi tileplez. Ve aghur ila to Maaron tau ileep maata yaryaare irau saawe. Pa i ta ighur sambam, taan, ve te, tomania gabua naol isov tau tileep ve tighen ila na. *

¹⁶ Muunj, saawe to timbuunja ve ilam, i ipul nugh nugh titaghon tauzi ngar toozi. *

¹⁷ Eemon Maaron tauu, i iyoonj pait mako. Saawe isov, i ighamgham poghani ghiit, lesu tawatagh taghe i ilepleep. I ighamgham lemim uman tau itap sambam ve izilam, ve ighamgham mariri ivotvot. Lesu lemim aniij katini, ve lolomim poia.” *

¹⁸ Yesuru tisavia saveenj tane imin ngalsekiinj eval tiina tawe. Pasaa, ngar toozi iyaryaanj tigde le tigham watoonrau eta pa yesuru.

¹⁹ Yesuru tilepleep izi ta sewe, ve Yuda siriv to Ikonium ve Antiok tilam ve tinjarum eval tiina lolozu. Tauvene titoor ngar toozi, ve tighur koi pa Paulus, ve tiburig tiravu pa maet. Ra tisasaara ivot

* **14:15:** Gnp 1:1+; Mbanj 10:26; 1Kor 8:4

* **14:16:** Mbanj 17:30

* **14:17:** Mbo 147:8; Mt 5:45; Mbanj 17:27

ila nugh ziige, ve tipuli izi. Pasaa, tighe pa imaat wa. *

²⁰ Eemon zeetŋa siriv tau titaghon Yesu na, tila tiyooz livutini, ve i iburig, ve yesŋa timuul tilonj tila pa nughei. Mbonj le nughizau, ra yesuru Banabas tiburig, ve tila pa nugh Derbe.

Paulus ve Banabas timuul tila pa nugh Antiok tau igheen taan sirivu to Siria

²¹ Paulus yesuru Banabas tila tivot nugh Derbe, ve tivotia vaaru poia izi ta sewe, le tamtamon katini timin Yesu ziŋeera ve titaghon ngar tooni. Ra tipamuul laghoonj toozi, ve timuul tila pa nugh Listara, tila Ikonium, ve tila tivot nugh Antiok to Pisidia.

²² Yesuru tipapalot Yesu ziŋeera, ve avozi iyaryaŋ pazi tighe tikis ghuruunj ila toozi tunja. Ve tisavsavv pazi tighe: “Iit aat tabaad patanani naol, o tataghon pooz to Maaron ve talonj tala nugh tooni sambam.” *

²³ Yesuru tighur tamtamon siriv timin nginiŋa pa lupuunj to Krisi irau nugh nugh. Saawe tau tighur zi, tingun tauzi pa ghaniŋ aniŋ ve tisunj, mako tighur zi tila Tiina Yesu tau tighur ila tooni na niima, leso ingin zi. *

²⁴ Ra yesuru tilaagh timbut taan sirivu to Pisidia, ve tila peria taan sirivu to Pampilia.

²⁵ Tivotia Maaron aliŋa izi nugh Perga, ve malmalizi tizila nugh Atalia.

* **14:19:** 2Kor 4:9, 11:25; Ga 6:17; 2Tim 3:11 * **14:22:** Mt 7:14, 16:24; 1Tes 3:3+; 2Tim 3:12 * **14:23:** Mbanj 6:6, 13:1+; Tit 1:5

²⁶ Yesuru tigham waan ta sewe, ve tiraav timuul tila pa Antiok tau igheen izi taan sirivu to Siria. Pasaa, saawe tau tigde tipaburigin laghoon toozi, yes tonvetaz to Krisi tau tileep izi ta sewe, tauta tighur yesuru tila Maaron niima, leso ighur poia tooni iza toozi ve ipalot zi pa uraat. Tauvene saawe tau tipasov uraat tana, mako yesuru timuul tila pa ghitoon zi. *

²⁷ Yesuru tila tivot Antiok, ra tipoi lupuun to Krisi tilam tilup zi, ve tipaes pazi pa uraat naol isov tau Maaron igham zi tivot ila nimazi. Ve tipaes pazi tigde Maaron igharaat eez pa yes tau Yuda mako na, tauta tighur ila to Yesu wa.

²⁸ Ra yesuru tileep malau rig tomania zetazna izi Antiok.

15

Yuda siriv tigde Yesu zinjera tau Yuda mako na aat itaghon tutuun to Mose

¹ Murei ra, Yuda siriv tau tighur ila to Yesu na tileep Yudea, ve tila pa nugh Antiok, ve tisaav pa yes tonvetaz to Krisi tigde: “Aloon. Yam tau Yuda mako na, aat tirav waromim itaghon tutuun to Mose. Ighemako, ene aat Maaron irau igham mulin gham mako.” *

² Paulus yesuru Banabas tiloon saveen toozi, le ireu loloz. Tauvene yesna zeran tawe tivazorai zi. Tisavsav le mako, ra timbu saveen tigde timbaan Paulus yesuru Banabas tomania zetazna siriv to Antiok tizala Yerusalem. Leso tighita yes

* 14:26: Mbanj 13:1+ * 15:1: Gnp 17:10-14

mbanjoonja siriv tomania yes nginiinja ta sewe, ve tigharaat saveenj tane.

³ Tauvene lupuunj to Krisi tigharaat eez pazi, ve tighur zi tila. Tilaghlaagh taghon eez tau imbut taan sirivu to Ponisia ve Samaria, ve tipapaes pa tonvetaz to Krisi taghon nugh nugh tigde: Yes tau Yuda mako na, katini titoor ngar toozi ve tighur ila to Yesu wa. Zetaznja tiloonj paesiinj toozi, le igham zi lolozu poia kat.

⁴ Tila tivot Yerusalem, ve lupuunj to Krisi tomania nginiinja toozi ve yes mbanjoonja tigham zi toman lolozu poia. Ra Paulus yesuru Banabas tipaes pazi pa uraat naol isov tau Maaron igham zi tivot ila nimazi.

⁵ Eemon zeran tutuunja siriv tau tighur ila to Yesu na, tiloonj saveenj toozi, ve tiburig gha tisaav tigde: “Yes tau Yuda mako na, isaav ighe tighur ila to Yesu, iit aat tarav warozi ve tapariaanj zi to titaghon tutuunj to Mose, o poia.”

Lupuunj tiina ivot izi Yerusalem, ve tivasavo zi pa yes tau Yuda mako na

⁶ Tauvene yes mbanjoonja ve nginiinja tilup zi, ve titiir saveenj to zeran tutuunja tawe.

⁷ Tivasavo zi ila ila, ra Petrus aana iburig ve isaav pazi ighe: “Yam tonvetaz, yam awatagh. Muunj, Maaron isiigh ghau ila sosomim, ve imbaanj ghau nala to yes tau Yuda mako na. Tauta tiloonj vaaru poia ila yau avog, ve tighur ila. *

* 15:7: Mbanj 10:9-44

⁸ Maaron iwatagh iit tamtamon loloon. Tauta igham Avuvu Patabuyaanj pazi raraate imin papa-zoge igham pait. Leso igham ghiit taghilaal taghe i loolo pazi ve ighe igham zi timin i le paam.

⁹ I igham ngar ite ite mako. Itaghon ngar raraate mon pa iit, ve yes paam. Pasaa, i igham lolozi ingalaanj itaghon ghuruunj ila toozi. *

¹⁰ Tauvene puughu mindai ta aazne yam aghe atoov Maaron ve azoor ngar tooni? Ighe aghur patanjani izaan to yes tau Yuda mako ve titaghon Yesu, ene pale agham Maaron aate yavyav. Aghita. Saawe to timbuunja ve ilam aazne, iit Yuda irau tataghon dudunja Mose tutuunj tooni ne mako. Pasaa, ene ipatanjan. *

¹¹ Yam awatagh: Iit taghur ila taghe: Poia to Tiina toit Yesu, tauta imin eez pait to Maaron igham mulin ghiit. Ve i ighur eez raraate mon pazi paam. Eez ite paam mako.” *

¹² Petrus isavsaav le isov, ve eval tiina to lupuun tana tineneen mon. Ra tighur talinjazi pa Banabas yesuru Paulus, ve anazi tipaesia gabua ngeretazi ve uraat tintiina tau Maaron igham zi tivot ila nimazi na, saawe tau tileep ila yes tau Yuda mako na sosozi.

¹³ Tisavsaav le isov, ra Yakobus aana iburig, ve isaav pa eval tiina ighe: “Yam tonvetaz, aghur talinjamim, pa anag naghe nasaav.

¹⁴ Maaron ighe iyau tamtamon to nugh nugh timin le, lesa igham eeza ivot imin tiina. Ngarig

* **15:9:** Mbanj 10:43+; Ro 10:9+

* **15:10:** Lu 11:46; Ga 3:10

* **15:11:** Ro 3:24, 28; Ga 2:16; Ep 2:5+; Tit 3:4

gha Simon ipaesia saawe imin maata tau Maaron igham tamtamon siriv tau Yuda mako na timin le.

¹⁵ Ve yes propet tisavia ngar raraate mon. Pasaa, Maaron aliinja siriv tau tiboode na isaav ighe:

¹⁶ ‘Aazne, saghatiinj tiina ivot pa ziiri waaro to David ve ivaghamun zi.

Yes timin ruum tau tireu mbirisaini.

Eemon murei, yau aat nauul zi, lesu tiyooz ariaan ve tigham pooz muul. *

¹⁷ Ve tamtamon siriv to nugh nugh tauvene paam. Yau aat napaburigin yes tau nasiigh zi timin leg na, lesu tizuari zi to tiwatagh katin ghau.

¹⁸ Saveen tane, ene Maaron aliinja. I tauu ivotia alok wa.’ ” *

¹⁹ Ra Yakobus iseen saveen tooni muul ighe: “Yau naghita naghe yes tau Yuda mako, ve aazne titoor ngar toozi gha tighur ila to Maaron na, iit irau tagham patajani pazi mako.

²⁰ Tauvene iit aat tabood lezi rau eta, ve tasaav ghazoonja pazi pa saa tutuun tau pale titaghon zi. Tutuun tauvene: Aniin tau tipakur maaron karomnja pani, ene yes tighani sov. Pa aniin tauvene pale igham zi tisaghat ila Maaron maata. Ve tighur boog sov. Ve tighun gabua sinjizi sov. Ve tighan gabua mizazi tau sinj ighengheen ila na sov. *

²¹ Tauvene yes aat titaghon tutuun tane. Lesu tireu yes Yuda lolozu sov. Pa muun ve ilam, tivovotia tutuun to Mose irau nugh nugh. Ve umbom

* **15:16:** Amos 9:11+ * **15:18:** Is 45:21 * **15:20:** Gnp 9:4; Igham 20:3+; 1Kor 6:18, 8:7, 10:14+; Ga 5:19+; Ep 5:3; 1Tes 4:3

patabuyaana isov, tiwatwaat tutuuna tawe ila yes Yuda rumei toozi lolosi.”

Rau tau tibooode pa yes tau Yuda mako na

²² Yes mbanjoona tomania yes nginiina ve zetazna tisov tau tileep ilon ila lupuun to Krisi na, tiloon Yakobus saveen tooni, ve tighita tigha poia to titaghoni. Tauvene tighur tamtamon toozi ru tau timunmuun pa lupuun toozi na, Yudas tau eeza ite Barsabas, ve Silas. Leso tigham naghozi, ve yesna Paulus gha Banabas tila pa Antiok.

²³ Ve tibood saveen tawe ila rau, ve tighuru ila toozi, lesa tikisi ve tila tomania. Rau toozi isaav tauvene:

“Yei mbanjoona ve nginiina, nibood rau tane ilat pa yam tonvetaz to Krisi tau Yuda mako na, tau aleep izi Antiok, ve taan sirivu to Siria ve Silisia na. Yam tonvetaz, aaz poia tsiei ilat pa yam asov.

²⁴ “Yei niloon tigha tamtamon tsiei siriv tilat, ve tisavia saveen siriv tau igham lolomim ipatana ve agham ngar naol. Eemon yei nimbaan zeran tawe mako. Yes titaghon tauzi ngar toozi ve tilat.

²⁵ Tauvene yei nilup ghei, ve nivasavo ghei pa patana tane le nivot pa ngar eemon. Tauta nighur tamtamon tsiei siriv tigham naghomai, ve nimbaan zi tilat. Ve Banabas yesuru Paulus, tamtamon toit ru tau lolomai ighen toozi kat na, tilat tomani zi paam.

²⁶ Yesuru tiroi mako, ve tirei tauzi pa uraat to votiaan Tiina toit Yesu Krisi vaaru.

²⁷ Tauvene yei nighur rau tane ila to Yudas gha Silas ve nimbaan zi tilat. Ve yesuru pale tipaesia alinama ila avozi paam.

²⁸ Avuvu Patabuyaana igham pooz payei le nighita nighe irau nighur tutuun naol payam mako. Pa aat igham patanani payam. Tauvene yei aat nisavia gabua tintiina mon tau nighe ataghon zi.

²⁹ Aniin tau tipakur maaron karomna pani na, aghani sov. Ve aghun gabua sinizi sov. Ve aghur boog sov. Ve aghan gabua mizazi tau sin ighengheen ila na sov. Isaav ighe aleep soghan pa ngar tauvene, ene aat ataghon ngar poia. Saveen tsiei ilam imuul ta sene. Yam aleep toman lolomim poia.” *

Yes Antioka lolozi poia pa rau to yes mbanjoona

³⁰ Yes paan tau timbaan zi na, tila tivot Antiok, ra tipoi Krisi zinjeera tilam tilup zi, ve tighur rau tana ila toozi.

³¹ Yes Antioka tiwaato, ve tiloon saveen palotiin tau igheen ila rau lolo na, le lolozi poia kat.

³² Yudas gha Silas, yesuru propet paam. Tauvene tisavia saveen popoia naol pa yes Antioka to tipalot ghuruun ila toozi. Leso tiyooz ariaan.

³³⁻³⁴ Yesuru tileep tomani zi malau rig, ra yes Antioka tighur zi tila toman lolozi poia, ve timuul tila pa zetazna tau timbaan zi tilam. *

³⁵ Paulus yesuru Banabas tileep malau rig izi Antiok. Ve yesna zeran siriv tivovotia saveen to Tiina toit pa tamtamon, ve tipaghazonai zi pani.

* **15:29:** Syg 2:14, 20 * **15:33-34:** Baibol munganazi siriv lezi saveen siriv paam tau igheen ila ziiri tane. Saveen tauvene: “Eemon Silas igham ngar ighe poia to ileep tomani zi rig muul. Tauvene izi ileep ve Yudas zigani imuul izala pa Yerusalem.”

Laghoon tau Paulus ighamu imin ru

Paulus ve Banabas tivapuli zi

³⁶ Saawe siriv ilam ila, ra Paulus isaav pa Banabas ighe: “Aiyo, ituru tataghon agheen niia muul, ve tataghon nugh tau tavotia saveen to Tiina toit Yesu pazi na. Ve tagig yes tonvetaz ve taghita lepoogh toozi mindai.”

³⁷ Saawe tana, Banabas ighe igham Yoan Markus gha yesna tila.*

³⁸ Eemon Paulus loolo pa Markus ilaagh tomani zi muul mako. Pasaa muun, saawe tau tilaagh pa uraat to votiaan vaaru poia, Yoan Markus ila tomani zi paam. Eemon i ipul zi tileep izi Pampilia, ve ighau pazi, ve yesna tilaagh pa uraat muul mako.*

³⁹ Yesuru tivazorai zi ila ila le tivapuli zi. Tauvene Banabas igham Yoan Markus, gha yesuru tigham waan, ve tiraav tila pa sisi Saiprus.

⁴⁰ Ve Paulus igham Silas ighe yesuru tilaagh. Tauvene yes tonvetaz to Krisi tighur yesuru tila Tiina toit niima, ve tisun Maaron to ighur poia tooni izaa toozi.

⁴¹ Ra Paulus yesuru Silas tiburig gha tilaagh irau taan sirivu to Siria ve Silisia, ve Paulus ipalot lupuun to Krisi irau nugh nugh izi ta sewe.

16

Paulus igham Timoti lesu yesna tilaagh

¹ Paulus yesuru Silas tila tivot nugh Derbe, ra tisakia tila pa nugh Listara. Nugh tawe, neer ee

* 15:37: Mbanj 13:5

* 15:38: Mbanj 13:13; 2Tim 4:11

tau itaghon Yesu ilepleep, eeza Timoti. Tiina, i Yuda tinazi tau ighur ila to Yesu. Ve taama, i Grik tamazi. *

² Yes tonvetaz to Krisi tau tileep nugh Listara ve nugh Ikonium na, tisov tipait Timoti vaaru tigde i neer poia.

³ Tauvene Paulus ighe ighamu, lesu yesnja tilaagh pa uraat. Eemon Yuda katini tau tileep ta sewe, tiwatagh tigde Timoti taama, i Grik tamazi. Tauvene Paulus irav Timoti waaro. Lesu yes Yuda tiyau avozi pani sov. *

⁴ Ra Paulus gha Silas, ve Timoti tipaburigin laghoon toozi muul, ve tilaagh irau nugh nugh, ve tipaesia yes mbanjoonja ve nginiinja tau tileep izi Yerusalem na alinjazi pazi. Lesu tiwatagh saa ngar tau daaba tawe tighuru pa yes tau Yuda mako na to titaghooni. *

⁵ Saveenj toozi ipalot lupuunj to Krisi irau nugh nugh le ghuruunj ila toozi iyaryaan le iyaryaan kat. Ve saawe isov tamtamon paghpaaghu tilonjonj tila tomani zi. Tauta lupuunj to Krisi tivot timin tintiina irau nugh nugh.

Maaron ipoi Paulus ighe ila ivotia vaaru poia izi Masedonia

⁶ Paulus tomania zeetnja tilaagh timbut taan sirivu to Galesia ve Pirigia. Eemon tila pa taan sirivu to Asia mako. Pasaa, Avuvu Patabuyaanj ipoon zi ighe tivotia Maaron alinja ta sewe sov.

* **16:1:** 1Kor 4:17, 16:10; Pil 2:19+
Mbanj 15:28+

* **16:3:** 1Kor 9:20

* **16:4:**

⁷ Tilaagh tila tivot taan to Misia ziige, ve tighe tivool pa taan sirivu to Bitinia. Eemon Yesu Avuvu *

iyok pazi to tila nugh tawe mako.

⁸ Tauvene tilaagh timbut taan sirivu to Misia, ve tizila tivot nugh Troas tau igheen izi nari.

⁹ Ve mbon, tandaghiin ee ivot pa Paulus. I ighita neer ee to Masedonia iyozyooz, ve ipoipoi ighe: “Paulus, uraav ulam uvol pa Masedonia, lesu uul ghei.”

¹⁰ Paulus ighita tandaghiin tana le isov, ve rekia mon yeja niburig, ve niil eez to nila nivool pa taan sirivu to Masedonia. †

Pasaa, nighilaal gabua tau ivot na nighe: Ene Maaron tauu ipoi ghei to nivotia vaaru poia pa tamtamon ta sewe.

Paulus tomania zeetja tila tivot nugh Pilipai

¹¹ Tauvene yei nizaa waan izi Troas, ve nighau duduun nila nivot sisi Samotres. Mbon le nughizau, ra niraav muul nila, le niloon nugh Neapolis tau igheen taan tiina.

¹² Ra nilaagh taan, ve nilon nila pa Pilipai. Pili-pai, ene nugh tiina ee to taan sirivu to Masedonia.

* **16:7:** Saveej ziiri katini tisavia Maaron Avuvu Patabuyaaj. Eemon saveej ziiri tane iwaat Avuvu Patabuyaaj ighe ‘Yesu Avuvu’. † **16:10:** Saveej ‘yeja’ itotoi ighe saawe tau Paulus tomania zeetja tilep izi Troas, Lukas ila tomani zi ve yesja tila. Masedonia, ene igheen taan sirivu to Yurop ziige. Tauvene saawe tau Paulus ila ivotia Maaron aliija pazi, ene saawe imin maata tau mbanjoona to Krisi tivotia vaaru poia izi Yurop.

Yes Roma tipaburigin nugh tawe ila taan to yes Grika. ‡

Nila nivot ta sewe, ve nileep irau mboŋ siriv le isov,

¹³ ra umbom patabuyaan to Maaron ivot.

Tauvene nipul nugh tiina, ve nivot nila yaa tau igheen ila nugh ziige. Pasaa, yei nigham ngar nighe yes Yuda aat tiluplup zi pa sunjuun izi ta sewe. Le onoon. Nila peria, ve nighita zilivaa siriv tilup zi ta sewe. Ra mbolemai izi, ve yeŋa nivasavo ghei pa Maaron aliinja.

¹⁴ Yes zilivaa tawe, toozi ee, eeza Lidia. I to nugh Tiatira. Ve irauraukol pa uuli popoiazi tau ngeretazi imin dagilgil. I Yuda tinazi mako. Eemon ighur ila to Maaron ve itaghon eez tooni, ve tomania yes Yuda tiluplup zi pa sunjuun. Saawe tau i iloon Paulus saveen tooni, Maaron igham uraat ila loolo le ighur ila Paulus aliinja. *

¹⁵ Tauvene i tauu ve yes tau tileep tomania ila ruum tooni na, tigham yaa. Le isov, ra isaav payei tauvene: “Isaav ighe yam aghit ghau aghe yau naghur ila kat to Tiina toit, o alam ruum tsiau, ve aleep tomani ghau.” I isaav ariiaan payei, tauvene niloon aliinja, ve nila ruum tooni. *

Yes Pilipai tighur Paulus yesuru Silas tilonj tila ruum to yavyavuun

¹⁶ Saawe ee, yei nighe nimuul nila pa sunjuun niia tau igheen yaa ziige na. Nila le nizaa to

‡ **16:12:** Nugh Pilipai igheen izi taan to yes Grika, eemon titaghon yes Roma gabuazi ve tutuun toozi. Ve zaaba munghanazi katini to Rom tau tisov pa uraat na tizi tileep ta sewe. * **16:14:** Lu 24:45;

Yo 6:44; Mbanj 13:48 * **16:15:** Mbanj 16:33, 18:8; 1Kor 1:16

besoonja livaa ee. I, avuvu saghati izeeva le irau ivotia gabua siriv tau murei pale tivot. Tauvene yes daaba tooni tiyauyau maet tiina ila uraat tooni tawe.

¹⁷ I ighita yeja Paulus, tauvene itaghon ghei ve iboboob ighi: “Ai, aghita. Zeran tane, yes besoonja to Maaron Tiina Tau Iliiv Zimaronja Tisov. Yes tilam to tivotia eez to Maaron igham mulin gham, ve aleep poi.” *

¹⁸ Mataaz ta naol ne, i inoknok bobaan mon le Paulus tiini imum pani kat. Tauta saawe ee, itoor ghi, ve iyaon avuvu saghati tawe ighi: “Ai! Yau nasaav ariaan payo ila Yesu Krisi eeza: Upul livaa tana, ve ughau ula!” Saawe duduun tana, avuvu saghati ipul livaa tawe, ve ighau. *

¹⁹ Tauvene yes daaba to livaa tana atezi yavyav kat pa Paulus yesuru Silas. Pasaa, yes tighita eez toozi to ghamuun maet, ene ivool wa. Tauvene tikis yesuru, ve tisasaar zi tila maaran, leso tipayooz zi ila yes pooza to nugh naghozi. *

²⁰ Tigham zi tila, ve tipayooz zi ila yes pooza naghozi, ra tingal saveen pazi tighi: “Zeran tane, yes Yuda. Tilam nugh toit, ve tigherev patanani naol ivotvot ila nugh loolo. *

²¹ Ve yesuru timalaan pa tutuun toit Roma paam. Pasaa, tipapazaagh tamtamon to tigham ngar siriv tau tutuun toit ingalsekin ghiit pani na.”

²² Eval tiina tau tilam pa lupuun na, tiloon saveen toozi, le anazi atezi yavyav pa yesuru, ve tingal saveen pazi paam. Tauvene yes pooza to

* **16:17:** Mk 1:24, 34

* **16:18:** Mk 16:17; Mbanj 5:16, 8:7

* **16:19:** Mbanj 19:25+

* **16:20:** Mbanj 17:6

nugh tisaav gha tirangat nonoghiina to yesuru, ve timbaan tamtamon siriv to tigham toon ve tilos zi.

²³ Tilos katin zi le naghozi isaghat. Ra tigham zi tila, ve tisik zi tilon tila ruum to yavyavuun loolo, ve tisaav ariaan pa neer tau ingin ruum to yavyavuun na, tighe i aat ingin poghani zi. *

²⁴ Neer tawe ilon alinazi, ve isasaar zi tilon tila ruum loolo tau igheen loona kat. Ra ikapis aghezi pa ai tintina ru, ve ikau ai tawe matazi le tunja.

²⁵ Paulus gha Silas tilepleep le mbon anoonja. Yesuru tisuusun ve timboubou mboun to tipakur Maaron, ve zeran siriv tau tileep tomani zi ilon ila ruum to yavyavuun loolo na, tighurghur talinazi pazi. *

²⁶ Malau mako ve yogyoog tiina kat itok taan le ivatoki ruum to yavyavuun tawe, ve ataman tisov tikaak. Ve sen tau tikau tamtamon pani na, tisov timazugh tizi. *

²⁷ Neer tau ingin ruum to yavyavuun na, irur iburig, ve maata ila le ighita ataman tisov tikaak. Tauvene ighe pa tamtamon tisov tighawaar tila wa. Tauta ipas mbuzaagh tooni, ve ighe ighurum tauu imaat.

²⁸ Eemon rekia mon Paulus iboob ila pani ighe: “Ai, ukaria taum sov! Yei nisov nilepleep ne. Tsiei eta ighau mako.”

²⁹ Neer tana iboob ila, ve tigham yaryaroonja ilam. Ra ilaan ilon ila toman roin tiina, ve itap izi Paulus gha Silas aghezi puughu.

* **16:23:** 2Kor 6:5, 11:23+; 1Tes 2:2

* **16:25:** Mbo 119:62; Ep 5:19

* **16:26:** Mban 5:19, 12:7+

30 Ra iburig muul ve igham zi tivot tila muuri, ve ighason zi ighe: “Zolman tsiau ru, pale naghamb mindai, lesa Maaron igham mulin ghau ve naleep poi?” *

31 Yesuru tiyol aliinja tigde: “Ughur ila to Tiina tsiei Yesu, lesa igham mulin ghom tomania yes tau tileep ila ruum tsio na paam.” *

32 Ra njer tana iyau yes tau tileep tomania ila ruum tooni na tilam, ve Paulus yesuru Silas tivotia saveen to Tiina toit pazi.

33 Mbon eemon tana, i igham yesuru tila, ve imin mbotozi. Le isov, ra rekia mon i tomania yes tau tileep tomania ila ruum tooni na, tisov tigham yaa. *

34 Ra igham Paulus gha Silas tilon tila ruum tooni loolo, ve igham lezi aniinj. I loolo poia kat. Pasaa, yesna zeetna tisov tau tileep tomania ila ruum tooni na, tighur ila to Maaron wa. *

35 Nughizau, ra yes pooza to nugh timbaan tataliinj siriv tila to njer tau injin ruum to yavyavuun na, ve tisaav pani tigde: “Zeran ru tana, upul zi tila.”

36 Tauvene i ila ve ipaesia yes tataliinj alinjazi pa Paulus ighe: “Yes pooza timbaan ghau nalam tigde yau napul gham ala. Tauvene yamru avot ala toman lolomim poia.”

37 Eemon Paulus isaav pani ighe: “Mako kat! Yes pooza to nugh tane timalaan pa tutuun to Rom wa. Pasaa, yeiru tamtamon to Rom. Eemon yes

* **16:30:** Lu 3:10, 10:25; Mban 2:37 * **16:31:** Yo 3:16, 36, 6:47

* **16:33:** Mban 2:41, 16:15, 18:8 * **16:34:** Mban 13:52; Ro 14:17; 1Pe 1:8

titiir poghania saveenj tsiei mako, ve tilos sorokin ghei ila eval tiina matazi, ve tizeev ghei nilonj nila ruum to yavyavuunj loolo. Ve aazne, tighe tiziir ghei imin yonjaan? Ene aat mako! Tauzi tilam, o tigham ghei nivot nila.”

³⁸ Tauvene yes tataliinj timuul tila, ve tipaesia Paulus aliinja pa yes pooza. Saawe tau yes pooza tiloonj tighe Paulus gha Silas, yesuru tamtamon to Rom, roinj tiina igham zi.

³⁹ Tauvene tauzi tila, ve tirav yesuru atezi, ve tighason zi to tipul sosor toozi. Ra tigham zi tivot tila muuri, ve tighason zi to tipul nugh toozi ve tila.

⁴⁰ Yesuru tipul ruum to yavyavuunj, ve tinjarui Lidia ruum tooni tila. Tila peria ve yesnja yes tonjetaz to Krisi tilup zi ta sewe. Ve tipalot zi pa saveenj siriv le isov, ra tipul zi ve tila.

17

Paulus gha Silas tivotia vaaru poia izi nugh Tesalonika

¹ Paulus tomania zeetnja tilaagh tila tivot nugh Ampipolis, ve tisakia muul tila nugh Apolonia. Ra tilaagh muul tila tivot nugh Tesalonika. Nugh tawe, yes Yuda rumei toozi ee ighengheen.

² Paulus yesnja yes Yuda tiluplup zi pa sunjuunj itaghon ngar tau monmon ighamghamu na. Tauvene umbom patabuyaanj tol, i ila rumei tawe, ve yesnja yes Yuda tivasavo zi pa Maaron aliinja tau tiboode na.

³ I ipaghazonjai zi pa Maaron aliinja, leso tighialaal tighe: Mesia, i aat iyamaan yavyavuunj ve imaat, mako iburig pa mateegh itaghon Maaron

ŋgar tooni. Ve isaav pazi muul ighe: “Yesu tau navovotia vaaru payam ne, i ta Mesia.” *

⁴ Yuda siriv tilooŋ saveeŋ tane, ve tighur ila. Tauvene tila tilup zi tomania Paulus gha Silas ve titaghon eez to Yesu. Ve yes mon mako. Yes Grika eval tau matazi iŋgalŋgal Maaron ve yesŋa yes Yuda tiluplup zi pa suŋuun, tomania zilivaa siriv tau ezazi tintiina na, yes paam tighur ila to Yesu, ve titaghon eez tooni.

⁵ Eemon yes Yuda tighita eval tiina titaghon Paulus gha Silas, le ireu lolozi. Tauvene tila maaran, ve tiyau zeran sasaghati siriv tau tirourou sorok taghon maaran na, ve yesŋa zeran tawe tilup zi, ve tipazaagh eval tiina to nugh, leso tipaburigin malmal iŋarui yesuru. Malau mako, oroor tiina iburig, ve tikeet ŋarui Yason ruum tooni tila. Tila tivot ruum, ra tirav valaghin ataman, ve tilooŋ tila tiil Paulus yesuru Silas. Tighe tigham zi tivot, leso tipayooz zi ila eval tiina naghozi. *

⁶⁻⁷ Eemon tiil zi le mako. Tauvene tigham Yason tomania tonvetaz siriv to Krisi, ve tisasaar zi tila, ve tipayooz zi ila yes daaba to nugh naghozi. Ra tiboob tige: “Zeran tau Yason igham zi tila tileep ruum tooni na, tilaghlaagh irau taan isov, ve tipapazaagh tamtamon pa ghamuun ŋgar sasaghati naol. Ve aazne, tilam tivot toit wa. Zeran tawe tizoroor kinik tiina to Rom tutuun tooni. Pasaa, tisavsaav tige kinik ite ilepleep, eeza Yesu.” *

⁸ Eval tiina tomania yes daaba to nugh tilooŋ saveeŋ tane, le ireu lolozi ve oroor tiina iburig

* **17:3:** Lu 24:26, 46; Mbanj 3:18, 18:28

* **17:5:** 1Tes 2:16+

* **17:6-7:** Lu 23:2; Yo 19:12; Mbanj 16:20

muul.

⁹ Tauvene yes daaba to nugh tisaav pa Yason tomania zeetnja tigde tighur maet siriv izi tikisi. Leso tiroi, ve tigham patanjani ivot pa nugh muul sov. Maet tawe, ngara tauvene: Isaav ighe tigham sosor ite paam muul mako, ene murei pale tigham mulini. Yason tomania zeetnja tighur maet tana ila toozi le isov, ra yes daaba tipul zi tila.

Paulus gha Silas tivotia mos izi nugh Berea

¹⁰ Paulus gha Silas tileep le mbonj izi, ra yes tonvetaz to Krisi rekia mon tipaghau zi tila pa nugh Berea. Tila tivot ta sewe, ve tinjarui yes Yuda rumei toozi.

¹¹ Yes Yuda to nugh Berea, ngar toozi poia kat. Tiliiv yes Yuda to nugh Tesalonika. Pasaa, tigde le tiloon katin saveen tau Paulus ivovotia na. Ve mataaz ta naol ne, tigagabiiz saveen tooni tomania Maaron aliinja tau tiboode na. Leso tiwatagh: Saveen tooni iduduun, ma mako? *

¹² Tauta Yuda katini titoor ngar toozi ve tighur ila to Yesu. Ve Grika katini tau ezazi tintiina na, tighur ila paam. Yes zilivaa ve zitamoot.

¹³ Eemon yes Yuda to nugh Tesalonika tiloon Paulus vaaru tigde i ivovotia Maaron aliinja izi nugh Berea. Tauvene tiburig gha titaghon zi tila, ve tikau eval tiina to Berea ngar toozi, ve tipazaagh zi, lesu tigham malmal pani.

¹⁴ Tauvene yes tonvetaz to Krisi rekia mon tinguaaz Paulus tizila nari, ve Silas yesuru Timoti mon tileep izi Berea.

* **17:11:** Yo 5:39

15 Yes tau tinjuaaz Paulus na, tinjini le tila tivot nugh tiina Atens. *

Tila peria, ra Paulus isaav pazi ighe: “Amuul ala, mako asaav pa Silas ve Timoti rekia mon titaghon ghau tilam.” Tauvene tipul Atens ve timuul tila.

Paulus ileep izi nugh Atens

16 Saawe tau Paulus isanjan Silas ve Timoti izi Atens, ilaghlaagh taghon nugh loolo, ve ighita nugh ivon pa maaron karomnja anunuzi, le irau loolo mako kat.

17 Tauvene ilonjon ila yes Yuda rumei toozi, ve yesnja yes Yuda ve zeran siriv tau matazi ingalngal Maaron ve yesnja yes Yuda tiluplup zi pa sunjuun na, tivavasavo zi pa Maaron aliinja. Ve mataaz ta naol ne, i ilala maaran aate, ve isavsaav tomania yes tau tileep izi sewe.

18 Tamtamon katini to nugh Atens titaghon ngar to yes zeran ngara to muun. Lupuun toozi tintiina ru, tiwaat ezazi tighe ‘Epikurian’, ve ‘Stoik.’ † Epikurian siriv tomania Stoik siriv tiloon Paulus ivotia Yesu vaaru ve burigiin to yes mateegha, ve

* **17:15:** Nugh Atens eeza tiina pasaa, zeran ngara katini tilepleep izi sewe. † **17:18:** Yes Epikurian titaghon ngar to neer ee, eeza Epikurus. Ve yes Stoik titaghon ngar to neer ite, eeza Zeno. Saawe tau Paulus ileep izi Atens, Epikurus ve Zeno timaat alok wa, irau ndaman 300 ma vene. Eemon tamtamon titataghon ngar toozi soone. Epikurus isavsaav pa eez to tamtamon tileep toman tintinisi. Ngar tooni tauvene: Saa ngar tau ighe igham ghom lolom poia, ene utaghoni tauvene le irau isoonj matin ghom. Ula pa naghom mon. Ve Zeno ngar tooni, ene vene: Iit aat tatatan tauun, tail eez to ngar toit ivot imin tiina, ve tauun tagham uraat. Ve saa gabua tau ighe ivot pait, poia ma saghati, ene tayok pani mon. Tagham ngar naol sov. Leso taleep poi.

tiburig gha yesna Paulus tiparzoor pa savsaveen. Tamtamon toozi siriv tisaav tigde: “Aghita. Borau tawe iyau aavo pasaa? Saveen tau isasavia we, i tauu ighazoonj pani mako. Aat ighamu ila zeran siriv avozi.”

Ve tamtamon siriv tisaav tigde: “Mako. I aat isavia nugh siriv maaron toozi, leso igherev ghiit to tataghon zi.”

¹⁹ Tauvene tighamu tila pa lupuunj tiina to yes daaba tau tiluplup zi izala nugh mbua Areopagus na, ve tisaav pani tigde: “Laak, ngar paaghu tau yo uvovotia pa tamtamon na, usavia payei gha niloonja. Leso nighazoonj pani.

²⁰ Pa ngar tau yo usasavia na, yei niloonja imin paaghu payei. Tauvene nighe usavia muul. Leso nighazoonj kat pa puughu.”

²¹ Tisaav tauvene pasaa, tamtamon tisov to Atens tomania yes loomba tau tila tileep tomani zi na, lezi uraat ite paam mako. Tilepleep ve tighurghur talinjazi pa saa ngar ma saveen paaghu tau tamtamon tisavia ivot, mako tivasavo zi pani.

Mos tau Paulus ivotia izi nugh Atens

²² Paulus iburig ve iyooz ila bodbodaan to lupuunj tiina tawe, ve isaav pazi ighe: “Yam zita-moot to Atens, yau nawatagh: Yam azuari gham aghe le abees kat pa zimaronja tsiam. Ngar tsiam, yau naghita wa.

²³ Pasaa, saawe tau nalaagh taghon nugh tane loolo, yau naghita maaron tsiam maata maata anunuzi tau asunjun pazi na. Ve naghita artaal ee tau tibood saveen izala paavo tauvene: ‘Artaal tane, ene to maaron tau yei niwataghi mako.’

Laak, Maaron tau yam awataghi mako ve abees pani na, tauta aazne naghe navotia payam.

²⁴ “I Maaron tau ighur sambam ve taan, tomania gabua naol isov. Ve i Tiina tau ingin sambam ve taan. I ileep ilonj ila rumei to sunjuunj tau tamtamom tirau zi pa nimazi ne mako. *

²⁵ Ve imbool pa gabua eta gha lesu iit tamtamom taghur nimaan pa uleenj ne mako. I tauu ta igham iit tasov leen avuvuun, ve igham ghiit taleep mataan yaryaare. Ve gabua toit naol isov, ene i ta igham pait. *

²⁶ “Muunj geeg, i ighur tamtamom eemon. Ve igham iit nughmarij to taan tasov tavot ila to tamtamom eemon tawe, ve ighur ghiit taleep irau taan isov. I tauu ighur tamtamom tileep irau nugh toz toz, ve ighur ngat pa taan toozi. Ve ighur saawe pazi pa lepoogh izi nugh toz toz. *

²⁷ “Maaron igham tauvene, lesu ipaburigin ghiit to tazuari ghiit pa iloonj ni. Onoon, i ileep malau pait mako. Eemon saawe tau tailo, iit tamin yes matazi kumkuuma tau titanjaan pa gabua.

²⁸ Lepoogh toit ve saa ngar tau ighe taghamu, ene i ileep tomani ghiit. Ve i ta ighur ghiit tauvene. Ene imin tamtamom tsiam ngara ee isavia ila mbouj tooni alok wa. Ighe: ‘Iit tasov Maaron natja.’

²⁹ “Aiyo, isaav ighe Maaron natja iit, ene irau tagham ngar taghe Maaron, i imin gabua anunuzi tau tamtamom tigharaat zi pa gol, silva, ve maet siriv ne mako. Pasaa, Maaron tauu, i imin maaron

* **17:24:** Gnp 1:1+; Mbanj 7:48+ * **17:25:** Mbo 50:10+ * **17:26:** Gnp 2:7

karomña anunuzi tau tamtamon tigharaat zi pa nimazi itaghon tauzi ngar toozi ne mako. *

³⁰ “Muun, tamtamon matazi dodoli, ve tikankan pa Maaron. Tauta loolo kurunja pazi, ve maata ila pa sosor toozi geeg mako. Eemon aazne, i isaav ariaan pa nughmariñ ighe tipul ngar toozi sasaghati ileple, ve titoor ngar toozi ila pani. *

³¹ Pasaa, i tauu ighur saawe ee pataghaan wa. Saawe tana ighe ivot, i pale igabiiz tamtamon tisov to taan, ve ighur atuya pazi. Ve gabizoon tooni, ene pale iduduun mon. Uraat to gabizoon tawe, i ipuli ila neer ee niima. Neer tawe, Maaron ipaburigini pa mateegh wa. Leso iit tawatagh taghe i eeza pa uraat tana.” *

³² Saawe tau tiloon Paulus aavo ila pa burigiin to Yesu pa mateegh, tamtamon toozi siriv tinin, ve tisik saveen veleghiin pani. Eemon siriv tisaav pani tigde: “Yei nighe saawe ite paam, o usavia saveen tane payei gha niloona muul.”

³³ Paulus isavsaav tomani zi le isov, ra ipul zi ve ila.

³⁴ Tamtamon siriv tau tiloon saveen tooni na, tighur ila to Krisi ve tila tomania. Toozi ee, eeza Dionisis. Yes daaba tau tiluplup zi izala nugh mbua Areopagus na, i toozi ee. Ve livaa ee, eeza Damaris, i paam tomania tamtamon siriv tighur ila.

* **17:29:** Is 40:18+; Ro 1:22+; Mbanj 19:26 * **17:30:** Lu 24:47;
 Mbanj 14:16; Ro 3:25; Tit 2:11+ * **17:31:** Mbo 9:8, 96:13; Yo 5:22;
 Mbanj 10:42

18

Paulus igham uraat izi nugh tiina Korin

¹ Murei ra, Paulus ipul Atens, ve ilaagh ila ivot nugh tiina Korin.

² Ilepleep ta sewe, ve ighita Yuda ee, eeza Akwila. I to taan sirivu to Pontus, ve azaawa eeza Prisila. Muuŋ, yesuru tileep izi taan sirivu to Itali. Eemon Klodias, tau kinik to Rom na, isaav ariiaan ighes yes Yuda tau tileep izi nugh tiina Rom na, tisov tipul Rom, ve tighau tila. Tauta Akwila yesuru Prisila tighau tila ve ngarig tileep izi Korin.
*

³ Paulus ila ileep tomani zi, ve yesŋa tilup zi pa uraat. Pasaa, uraat tau yesuru tighamghamu na, ene i uraat tooni paam. Yes tighagharaat nŋai uuli ve tisaii, lesa tamtamon tidaado imin balbaal (o haus sel).
*

⁴ Umbom patabuyaan ta naol ne, Paulus ilonlon ila yes Yuda rumei toozi, ve yesŋa yes Yuda ve yes Griika tivasavo zi pa Maaron aliinŋa. Pasaa, i ighes ipaburigin nŋar toozi, lesa tighur ila to Yesu.

⁵ Murei ra, Silas gha Timoti tipul Masedonia, ve anazi tilam tivot Korin. Tila peria to Paulus, ra i ipul uraat tooni to sain nŋai uuli, ve ileep ila uraat to votiaan mos mon. I ivovotia Yesu saveen tooni pa yes Yuda, lesa tighur ila tighes Yesu, i Mesia.

⁶ Eemon yes tizoroor Paulus aliinŋa, ve tisik saveen veleghiin naol pani. Tauvene itir nŋaupup izi pa nonoghiinŋa tooni imin ilaal pazi pa sosor toozi, ve isaav pazi ighes: “Poia. Isaav ighes Maaron ighur atuya payam gha alalemim, ene puughu to

* **18:2:** Ro 16:3; 1Kor 16:19; 2Tim 4:19 * **18:3:** Mbanj 20:34; 1Kor 4:12

taumim. Yau mako. Aazne ve ila, yau aat napul gham aleep, ve nala navotia Maaron aliinja pa yes tau Yuda mako na.” *

⁷ Tauvene Paulus ipul zi, ve ila ileep tomania neer ee, eeza Titius Yastus. I Yuda mako. Eemon ighur ila to Maaron ve itaghon eez tooni, ve yesŋa yes Yuda tiluplup zi pa sunjuuŋ. Ruum tooni igharau yes Yuda rumei toozi.

⁸ Daaba tau injin rumei toozi tawe, eeza Krispus. Yesŋa yes tau tilepleep tomania ila ruum tooni na, tisov tighur ila to Tiina toit. Ve yes mon mako. Eval tiina to Korin tau tilooŋ Paulus saveeŋ tooni na, tighur ila to Yesu, ve tigham yaa. *

⁹ Mboŋ ee, Tiina toit Yesu ivot to Paulus ila tandaghiin, ve isaav pani ighe: “Uroi ve uneneeŋ sov. Uyooz ariaaŋ pa savsaveeŋ. *

¹⁰ Eta irau ivaghamun ghom mako. Pasaa, yau naleep tomani ghom. Ve tamtamon tsiau katini tileep izi nugh tane.” *

¹¹ Tauta Paulus ileep izi nugh Korin irau ndaman ee ve kaiyo liim ve ee, ve ipapaghazoŋai zi pa Maaron aliinja.

¹² Ighamgham tauvene le saawe tau Galio injin taan sirivu to Akaia, ra yes Yuda tilup lolozi imin eemon ve tige tingalsekin Paulus pa savsaveeŋ tau i ivovotia na. Tauvene tighamu tila nugh to gharatoon saveeŋ, ve tipayooze ila Galio naagho,

¹³ ve tisaav pani tige: “Neer tane ikaukau tamtamon ngar toozi, ve ighegherev zi ighe tisun pa

* **18:6:** Ezek 33:7+; Mt 10:14+; Mbanj 13:46 * **18:8:** 1Kor 1:14

* **18:9:** Mbanj 23:11 * **18:10:** Mt 28:20; Yo 10:16

Maaron itaghon eez paaghu tau isapir pa tutuun na.”

¹⁴ Paulus ighe isavia saveen tooni, eemon Galio rekia mon irav motin saveen tooni, ve isaav pa yes Yuda ighe: “Yam Yuda aloon. Imin ta neer tane imalaan pa tutuun ve igham sosor tiina eta, kanan irau naloon gham, ve itiņa tagharaat saveen tsiam.

¹⁵ Eemon aazne, yamņa avazorai gham pa savsaveen siriv, ve tamtamon ezazi, ve yam taumim tutuun tsiam. Irau nagharaat saveen tauvene ne mako. Taumim ala ve agharaata.” *

¹⁶ Ra iziir zi tivot tila muuri.

¹⁷ Eval tiina tighit zi, ve tiburig tikis Sostenes izi nugh to gharatoon saveen tawe, ve tiravu pataghaan. Pasaa, i ta inġin yes Yuda to Korin rumei toozi. Eval tiina tiravu le naagho isaghat, eemon Galio maata ila pazi mako.

Paulus ighe imuul ila pa nugh Antiok

¹⁸ Paulus ileep malau rig izi nugh Korin tomania yes tonvetaz to Krisi, ra itak nimazi, ve ipul zi. Prisila gha Akwila tila tomania, le tila tivot nugh Kenkria. Tila tivot ta sewe, ra tikot Paulus daaba raua imin ilaal pa saveen tau i imbua tomania Maaron na. *

Ra yes tol tigham waan tighe tiraav tila pa taan sirivu to Siria. *

* **18:15:** Yo 18:31; Mban 23:29, 25:18+ * **18:18:** Ngar tau Paulus ighamu na, ngara tauvene: I ighe ighur tauu imin Maaron le kat pa saawe siriv. Saawe tana, i irau ighun vaen mako, ve tikot daaba mako le saawe tana isov. Mako tikot daaba muul, ve i igham watoonrau pa Maaron. Ngar tane saveenja igheen ila Namba 6:1-21.

* **18:18:** Nam 6:1-21; Mban 21:24

19-21 Tiraav tila le tiloon nugh Epesus, ra Paulus ipul yesuru tizi tileep ta sewe. I malmali ilonj ila yes Yuda rumei toozi, ve yesnja Yuda tivasavo zi pa Maaron aliinja. Yes Yuda tinguruuta tighe i ileep tomani zi rig. Eemon i ipasul. Tauvene itak nimazi, ve isaav pazi tauvene: “Isaav ighe Maaron loolo ighe namuul, ene aat namuul nalam.” Isaav pazi tauvene, ra ila izaawaan gha tipul Epesus ve tivot, ve tiraav tila pa Sisarea.*

22 Paulus iraaav ila iloon nugh Sisarea, ve malmali izala pa Yerusalem. Ila igig lupuun to Krisi ta sewe, ve yesnja tisavsaav rig, ra izila pa nugh Antiok.

Laghoon tau Paulus ighamu imin tol

23 Paulus ileep malau rig izi Antiok, ra ipaburigin laghoon muul, ve ilaagh irau taan sirivu to Galesia ve Pirigia, ve ipapalot Yesu zinjera.

Apolos ivotia Maaron aliinja izi Epesus ve Korin

24 Saawe tana, Yuda ee ila ivot nugh Epesus, eeza Apolos. I to nugh tiina Aleksandria. I le ngar tiina, ve i neer to savsaveen. Ve iwatagh katin Maaron aliinja tau tiboode na.

25-26 I, tipaghazonjaini pa eez to Tiina toit Yesu wa. Ve loolo ipazaagha pa votiaan Maaron aliinja. Saawe tau ipaghazonjai tamtamon pa Maaron aliinja, saveen tooni isapir mako. Iduduun mon. I ilonjonj ila yes Yuda rumei toozi, ve iyooz ariiaan pa votiaan Yesu vaaru. Iroi mako. Eemon eez tau Yoan itaghoni pa ghamuun yaa, tane mon ta i iwataghi. Eez ite paam mako. Tauvene saawe

* **18:19-21:** Yems 4:15

tau Prisila gha Akwila tiloonja, tighamu tila ruum toozi, ve tipaghazonjaini pa eez to Maaron, lesa ighazonj panii kat.

²⁷ Murei ra, Apolos maata ingal ighe irav ila ivool taan sirivu to Akaia, lesa ivotia mos izi ta sewe paam. Yes tonvetaz to Krisi tau tileep izi Epesus na, tipaloti pa ngar tau i ighe ighamu na, ve tibood rau ee ila pa yes to Akaia tau titaghon Yesu na. Lesa saawe tau Apolos ila peria toozi, tighamu toman lolozii poia. Tauvene Apolos ila ivot Akaia, ve iuul katin yes tau Maaron igham zi tighur ila to Krisi itaghon tauu poia tooni. *

²⁸ Pasaa, i iyooz ariiaan kat pa savsaveen, ve ivovotia Maaron aliiija tau tibooode na puughu pa tamtamon, lesa tighilaal tigde Yesu, i Mesia. Tauta i itatan saveen to yes Yuda ila eval tiina matazi. *

19

Paulus ivotia Maaron aliiija izi nugh Epesus

¹ Saawe tau Apolos ilepleep izi nugh Korin, Paulus ilaghaagha irau nugh nugh tau tighen taghon loloz. Le isov, ra indari izila pa nugh Epesus. Ilepleep ta sewe, ve indeen Yesu zinjera siriv.

² I ighason zi ighe: “Mindai, saawe tau aghur ila to Yesu, yam agham Avuvu Patabuyaan, ma mako?”

Yes tiyol aliiija tigde: “Mako. Avuvu Patabuyaan tau yo usavia na, yei niloon saveenja rigta mako.”

*

* **18:27:** 1Kor 3:6 * **18:28:** Mbanj 9:22 * **19:2:** Yo 7:39; Mbanj 2:38

³ Paulus iloon saveen tane, ve ighason zi muul: “Ighe tauvene, agham yaa itaghon saa eez?”

Yes tiyol aliina tigde: “Yei nigham yaa itaghon eez to neer rughuzaana Yoan.” *

⁴ Paulus isaav pazi muul ighe: “Muun, Yoan irughuuz tamtamon imin ilaal pazi ighe yes titoor ngar toozi ve tigde titaghon ngar paaghu. Ve i isaav pazi ighe tighur ila to neer ite tau pale ilam murei pani na. Ene Yesu.” *

⁵ Yes tiloon saveen tane, ve rekia mon tigham yaa ila Tiina toit Yesu eeza.

⁶ Ra Paulus ighur niima izala pavozi, ve Avuvu Patabuyaana izeev zi tisov. Tauvene tisaav ila nugh nugh alinjazi, ve tivotia Maaron aliina imin propet. *

⁷ Zitamoot tawe irau sanjavul ve ru.

⁸ Paulus ileep izi Epesus irau kaiyo tol. Saawe tana, i ilonlon ila yes Yuda rumei toozi, ve yesna tivavasavo zi pa pooz to Maaron. I iroi mako. Aavo iyaryaan, ve isavsaav ghazoonna pazi. Pa ighe igham zi titoor ngar toozi ve tighur ila to Yesu.

⁹ Eemon tamtamon toozi siriv, ngar toozi iyaryaan kat. Tauta tighur ila mako, ve tisik saveen sasaghati naol pa eez to Tiina toit Yesu ila eval tiina matazi. Tauvene Paulus ipul zi, ve igham Yesu zineera tila soghan. Ve mataaz ta naol ne, yesna tiluplup zi ila Tiranus ruum tooni to ghamuun ngar, ve tivasavo zi pa Maaron aliina. *

¹⁰ Paulus itaghon ngar tana irau ndaman ru. Tauta saveen to Tiina toit ilaan irau tamtamon tisov to

* **19:3:** Mk 1:4; Mbanj 1:5 * **19:4:** Mt 3:11+ * **19:6:** Mbanj 2:4, 8:17, 10:44+ * **19:9:** 2Kor 6:14+

taan sirivu to Asia gha tiloona. Yes Yuda ve Grika paam. *

Yuda siriv titoova to tiziir avuvu sasaghati pa tamtamon ila Yesu eeza

¹¹ Maaron itotoi tapiri ve igham gabua ngeretazi maata maata tivotvot ila Paulus niima. Gabua tawe, tamtamon tighit zi imin paaghu pazi. *

¹² Isaav ighe tigham gabua rigta to Paulus imin uuli tooni to musuun punita, ma uuli tooni siriv, ve tighuru izala yes moroghoona pavozi, ene rekia mon tinizi poia. Ve yes tau avuvu sasaghati tizevzeev zi na paam, avuvu sasaghati tipul zi, ve tighau tila. *

¹³ Yuda siriv tilaghlaagh irau nugh nugh ve tizirziir avuvu sasaghati pa tamtamon imin lezi uraat. Yes paam titoova to tiwaat Yesu eeza, leso ipalot zi pa uraat tau tighamghamu na. Tisavsaav pa avuvu sasaghati tige: “Yesu tau Paulus ivovotia vaaru na, yau nayooz ila i eeza, ve nasaav ariaan payam naghe aghau ala!”

¹⁴ Yuda ee, i daaba to watoonrau. Eeza Skeva. Natna zitamoot liim ve ru tighamgham tauvene paam.

¹⁵ Saawe ee, titoova to tiziir avuvu saghati pa neer ee. Eemon avuvu saghati tawe iyol alinjazi ighe: “Yesu, yau nawataghi. Ve Paulus, nalonloon vaaru. Eemon yam savunugha?”

¹⁶ Ra neer tau avuvu saghati izeeva na, iyaat izala pavozi, ve irav zi le naghozi isaghat kat, ve ivaranjatin nonoghiina toozi paam. Pasaa, tapiri

* **19:10:** Kol 1:6 * **19:11:** Mbanj 14:3; 2Kor 12:12 * **19:12:** Mk 16:17+; Mbanj 5:15-16

iliiv zi tisov. Tauvene tipul ruum loolo, ve tilaan kambaŋmbanjizi, ve tivot tila muuri.

¹⁷ Gabua tana vaaru ilaan irau tamtamon tisov to nugh Epesus. Yes Yuda ve yes Grika paam. Tauvene tamtamon tisov tirur ve roiŋ tiina igham zi, ve tipait Tiina toit Yesu eeza.

¹⁸ Ve tamtamon katini tau tighur ila to Yesu na, tilam ve tivotia ngar sasaghati naol tau muun tighamgham zi na, ila eval tiina matazi.

¹⁹ Yes mura katini tilam paam tomania rau toozi tau var ma mur saveeŋa ighenaar ila na, ve tindou zi ila eval tiina naghozi, ve tighur yav pazi. Rau tawe, tinin atuyazi le irau maet silva 50,000. *

²⁰ Tauta saveeŋ to Tiina toit Yesu ilaan irau nugh toman tapiri tiina.

²¹ Gabua naol tana tivot le isov, ra Avuvu Patabuyaŋ ipaburigin Paulus gha loolo ighur ighe ilaagh irau taan sirivu to Masedonia ve Akaia. Le isov, o ila pa Yerusalem. Ve maata iŋgal paam ighe: “Yau nala Yerusalem, mako nala naghita Rom. [Leso navotia vaaru poia izi ta sewe.]” *

²² Tauvene imbaŋ uleeŋa tooni ru, Timoti gha Erastus, timuun tila Masedonia. Ve i tauu ileep rig izi Asia.

Malmal tiina ivot izi Epesus

²³ Saawe tana, eez to Tiina toit Yesu imin pu-ughu pa malmal tiina ivot izi nugh Epesus. *

²⁴ Neer ee ilepleep. Eeza Demitrius. I neer to gharatoon gabua pa silva. Yesŋa uraata tooni

* **19:19:** Maet silva 50,000, ene irau wan milion Kina ma vene.

* **19:21:** Ro 1:11, 15:23 * **19:23:** 2Kor 1:8+

tighagharaat gabua geegeu katini tau ghitonazi imin Artemis †

rumei tooni, leso tamtamon tighol zi. Uraat toozi tawe, yes tighamgham maet tiina pani.

²⁵ Tauvene Demetrius ipoi uraata tooni, tomania tamtamon siriv tau uraat toozi eemon na, tilam tilup zi, ve isaav pazi ighe: “Aloonj. Yam awatagh: Uraat toit tane, iit taghamgham katin maet pani.

²⁶ Paulus tawe, yam taumim aghita ve aloonja wa. I savsaav ighe zimaronja anunuzi tau tamtamon tigharaat zi pa nimazi na, ene Maaron tauu mako. Tauta ikau eval tiina to Epesus ngar toozi, le tighur murizi pa zimaronja toit wa. Ve iit Epesus mon mako. Eval tiina tau tileep irau taan isov to Asia na, tighur ila saveen tooni wa. *

²⁷ Tauvene tayamaan ghiit. Malau mako pale taleep ila patajani tiina loolo. Pasaa, neer tawe pale igham eval tiina matazi veleghin uraat toit. Ve tane mon mako. Pale igham tamtamon tivelegh maaron livaa toit Artemis tau eeza tiina na, rumei tooni paam imin kaut sorok. Ve Artemis tau aazne eval tiina to Asia ve taan naol isov tisunsunj pani na, saveen to neer tawe pale itatan eeza, ve tamtamon matazi veleghini tighe i Maaron tauu mako.”

²⁸ Yes tiloonj saveen tooni tane le atezi yavyav kat. Tauvene tipaburigin bobaanj tighe: “Iit Epesus, Maaron toit Artemis. I eeza tiina kat!”

²⁹ Malau mako ve oroor tiina kat iburig irau nugh loolo. Yes Epesus atezi yavyav kat, ve tiparlanlaan tila le tighita Gaius gha Aristarkus, zeran

† **19:24:** Artemis, i maaron livaa to yes Epesus. Rumei tooni ene tiina kat. * **19:26:** Mbo 115:4; Mbanj 17:29; Syg 9:20

ru to Masedonia tau tilaghlaagh tomania Paulus. Tauvene tikis zi, ve tisasaar zi tila pa nugh toozi to lupuun.

³⁰ Paulus ighe ivot ila eval tiina tawe naghozi paam, ve isavsaav pazi. Eemon zeetnja siriv tau titaghon Yesu na, tingalsekini tighe ila sov.

³¹ Daaba siriv to Asia, ene Paulus zeetnja. Tauvene yes paam tiveveena tighe ila pa nugh to lupuun tawe sov.

³² Eval tiina tau tila tilup zi na, tiwatagh oroor tawe puughu mako. Tizazain tauzi sorok. Tauvene kankanonj ivot pazi, ve tiboboob pa saveen maata maata. Siriv tisaav pa gabua ite, siriv tisaav pa gabua ite.

³³ Yes Yuda tiroi pa tauzi, tauvene tisipiir tamtamon toozi ee, eeza Aleksander ila iyooz ila eval tiina matazi. Leso igham avozi ve ipaghazonjai eval tiina ighe yes Yuda tigham sosor eta mako. Eemon tamtamon siriv tighita, ve tighe pa i ta ipaburigin oroor tana. Tauvene tibooob ila pani tighe ipaesia oroor tana puughu pazi. Aleksander itatan niima pazi, lesa oroor imot, ve isaav.

³⁴ Eemon saawe tau tighilaalo tighe i Yuda, tilup avozi, ve tipaburigin bobaañ muul tighe: “Maaron to iit Epesus, ene Artemis. I eeza tiina kat!” Tinoknok bobaañ tauvene le malau rig.

³⁵ Ra daaba to Epesus tau injin uraat to bodeen rau na, iburig injaar zi ighe tineneen, ve isaav pazi ighe: “Yam nugh tauña to Epesus, aloonj. Tamtamon tisov tiwatagh tighe iit to nugh Epesus tanjin maaron Artemis tau eeza tiina na rumei tooni, tomania anunu tau itap sambam ve izilam taan.

³⁶ Tamtamon eta irau izoor ghiit pa gabua tane mako. Tauvene lolomim ipazaagh gham rekia sov. Atemim izi, ve agabiiz poghania saveeŋ.

³⁷ Zeran tau yam agham zi tilam ne, yes tium gabua eta ila rumei toit loolo mako. Ve tisik saveeŋ veleghiin eta pa maaron livaa toit Artemis mako.

³⁸ Isaav ighe Demitrius tomania uraata tooni lezi saveeŋ pa ŋeer eta, nugh to gharatoon saveeŋ ighengheen. Yes irau tila ta sewe, ve yesŋa yes daaba tigharaat saveeŋ toozi.

³⁹ Ve isaav ighe yam lemim saveeŋ siriv paam to asavia, na ataghon tutuun toit, ve aghuru ila lupuun tiina to nugh niima. Leso tigharaata.

⁴⁰ Aazne, iit tasosor wa. Tauvene yau naroi. Isaav ighe gavman to Rom tiloon oroor tane vaaru, ene pale tighita tigde iit tagham malmal, ve tighur atuya pait. Isaav ighe tighason ghiit pa oroor tane puughu, pale tasaav mindai? Pasaa, oroor tane le puughu mako.”

⁴¹ I isavsaav le isov, ra iziir zi gha tighau tila.

20

Paulus ila ighita yes Masedonia ve yes Grika

¹ Oroor tiina tawe isov, ra Paulus ipoi Yesu ziŋeera tilam tilup zi, ve ipalot zi pa savsaveeŋ siriv. Le isov, ra itak nimazi, ve iburig ila pa taan sirivu to Masedonia.

² Ilaagh irau taan sirivu tawe, ve ipapalot yes tau titaghon Yesu na, le ila ivot taan sirivu to yes Grika. *

* **20:2:** Taan sirivu to yes Grika, eeza ite Akaia.

³ I ileep izi ta sewe irau kaiyo tol le isov, ra igham ngar ighe igham waan, ve iraaav ila pa taan sirivu to Siria. Eemon tipaes pani tighe yes Yuda timbu saveen pa ravuunni imaat. Tauvene itoor ngar tooni, ve imuul ila pa Masedonia. *

⁴ Tamtamon siriv tau yesja Paulus tila na, ene Pirus naatu Sopater, i to nugh Berea, Aristarkus gha Sekundus, yesuru to nugh Tesalonika, Gaius i to nugh Derbe, Timoti, ve Tikikus gha Tropimus, yesuru to taan sirivu to Asia.

⁵ Yes timuun tila, ve tisaan ghei izi nugh Troas.

⁶ Yei siriv nileep izi nugh Pilipai le saawe to lupuun tiina to ghaniin mberet tau le yis mako na isov. Ra nizila nari, ve nizaa waan nila. Nileep te paavo irau mbon liim, ra niloon nugh Troas, ve nindeen zeetmainja liim ve ru ta sewe. Yeja nileep izi Troas irau mbon liim ve ru.

Paulus ipaburigin Yutikus pa mateegh

⁷⁻⁸ Saawe imin maata (o Sande) to wik tana, yeja zeetmainja to nugh Troas nilup ghei pa ghanghaniin ve sunuun ilon ila ruum ee loolo tau igheen saanja. Yes titun lam katini, ve yesja Paulus tivasavo zi pa Maaron aliinja ila le mbon anoonja. Pasaa, Paulus ighe nughizau, mako ipul zi, ve ila.

⁹ Neer paaghu ee ilepleep tomani zi, eeza Yutikus. Mboole izala sooso to ghamuun yaghur (windua), ve ighurghur taliinja pa saveen. Paulus ikis saveen malau kat. Saawe tau isavsaav, Yutikus igheen le loolo iveegh ve itap pa muuri. Itap ta ruum loolo imin tol pani we ve izila taan.

* **20:3:** 2Kor 11:26; 1Tes 2:15+

Tauvene rekia mon tilaan tizila tigha tighamu. Tisuru izaa, eemon imaat wa.

¹⁰ Tauvene Paulus izila taan, itugh ghi izi ve isaghav Yutikus, ra isaav pazi ighe: “Lolomim ipatanan sov. I iburig wa. Imaat mako.” *

¹¹ Paulus imuul izala pa ruum loolo tau tilepleep pani na, ve iteev mberet gha yesna tighan. Isavsav tomani zi le nughizau, ra ipul zi, ve iburig gha ila. *

¹² Ve neer paaghu tau imaat ve iburig muul na, tighamu tila pa ruum tooni toman lolozu poia kat.

Paulus ipul nugh Troas ve ila pa Miletus

¹³ Paulus ighe ilaagh taan. Tauvene isaav payei ighe nigham waan, ve nimuun nila nisanani izi nugh Asos le ilam ivot, o yena niraav muul. Tauta yei nigham waan gha niraav, ve i ilaagh taan.

¹⁴ I ilam peria Asos, ra yena niraav nila niloon nugh Mitilene.

¹⁵ Nivot muul nila ve nighaughau le mbon nughizau, ra matamai iloon pa sisi Kios ve malmalimai. Nighaughau nila le mbon nughizau muul, ra nila nivool sisi tiina Samos. Nipot ta sewe le nughizau, ra malmalimai nila niloon taan tiina, ve nipot izi nugh Miletus.

¹⁶ Paulus ipasul ighe rekia ila ivot Yerusalem. Leso ighita lupuun tiina to Pentekos izi sewe. Tauvene loolo pa waan ilon ila nugh Epesus mako. Pasaa, iroi: Pale tikisi ileep malau muul izi taan sirivu to Asia.

Paulus ipalot yes nginiija to Epesus

* **20:10:** 2King 4:32+; Mbanj 9:40 * **20:11:** Lu 22:19

17 Tauvene Paulus ileep izi nugh Miletus, ve imbaan ila pa lupuun to Krisi tau tileep izi Epesus na ighe nginiina toozi tilam pani.

18 Yes tila tivot, ve i isaav pazi ighe: “Aloon. Saawe imin maata kat tau yau nalam navot taan sirivu to Asia, ve ilam le aazne, ngar tau yau naghhamu ila sosomim na, yam aghita ve awataghi wa.

19 Saawe naol, lolog ipatanan ve natan. Pasaa, yes Yuda monmon tiliil eez to titatan ghau, ve tighurghur patanani naol izazaa tsiau. Eemon yau nayooz ariaan pa badoon patanani, ve naghham ngar pa ezag mako, ve nabesbees pa Tiina toit Yesu.

20 Ve yam awatagh: Saveen isov tau irau iuul gham, tauta nasavia payam le isov. Yau naroi mako, ve nangooz saveen eta payam mako. Yau nasavsaav ghazoonja payam ila eval tiina matazi, ve ilala ruum tsiam tsiam paam. *

21 Saawe isov, nasavsaav ariaan pa yes Yuda ve yes Grika paam naghe tipul ngar toozi sasaghati ileple, titoor ngar toozi ila pa Maaron, ve tighur ila to Tiina toit Yesu. *

22 “Eemon aazne, Avuvu Patabuyaanj ipaburigin ghau ighe yau aat nala pa Yerusalem. Ve nakankaan: Pale saa gabua ivot payau izi sewe?

23 Eemon nugh isov tau nala pazi ne, Avuvu Patabuyaanj isavsaav payau ighe ruum to yavyavuun tomania patanani naol tisanan ghau ta sewe. *

* 20:20: Mbo 40:10 * 20:21: Lu 24:47 * 20:23: Mban 9:16

24 Ve yau naghita naghe lepoghag to taan, ene gabua tiina mako. Isaav ighe tirav ghau namaat, ene kaut sorok. Eemon yau aat nataghon dudunai eez tau Tiina toit Yesu Krisi ighuru payau na le napasovu. Ve uraat tau i tauu ighuru ila nimag na paam, naghe napasovu le isov kat. Uraat tauvene: Yau aat nayooz ariiaan ve napariaan saveen to vaaru poia. Leso tamtamon tiwatagh eez tau poia to Maaron izazaa to iit tamtamon sasaghatiin. *

25 “Aghita. Muun, yau naleep ila sosomim, ve navototia pooz to Maaron payam. Ve aazne, nawatagh naghe tsiam eta aat irau ighita naghog muul mako.

26 Tauvene aazne, nasaav ghazoonja payam tauvene: Mbon Murei, isaav ighe tsiam eta ilale, ene yau sosor tsiau mako. *

27 Pasaa, yau naroron payam mako, ve nanngooz saveen eta payam mako. Ngar isov tau Maaron ighe yam atagham, tauta nasavia payam le isov.

28 “Matamim imomoos poi pa taumim, ve angin poghania sipsip tison to Maaron tau Avuvu Patabuyaana ighur gham amin nginiin pazi na. Yam irau angin poghania lupuun to Maaron. Pa sinj to tauu Naatu imalin pazi, ve i igham zi timin le wa. *

29 Yau nawatagh. Saawe tau napul gham ve nala, ene pale zeran karomja siriv tilam tizool gham, ve tivaghamunia Maaron sipsip tooni imin ngavuun sagsagna. *

* **20:24:** 2Kor 4:1; Ga 1:1; Pil 1:20; 2Tim 4:7; Syg 12:11 * **20:26:**

Ezek 3:17+; Mban 18:6 * **20:28:** 1Tim 4:16; 1Pe 1:18, 5:2+; Syg 5:9

* **20:29:** Mt 7:15; Yo 10:12; 2Pe 2:1

³⁰ Ve yam taumim paam, tamtamon tsiam siriv pale tiburig, ve tikau Maaron saveen tooni. Leso tigherev yam tau aazne ataghon Yesu na gha apul saveen onoon ileple, ve ataghon zi pa ngar toozi. *

³¹ Tauvene ayamaan gham pazi. Matamim ingal ndaman tol tau itinja talepleep na. Saawe tana, yau napul gham pa savaaveen mako. Mboŋ ve mataaz, yau napaduduun gham asov. Lolog igheen tsiam kat, tauta nasavsaav payam toman tanjiiz. *

³² “Aazne, naghur gham ala Maaron tauu niima, ve nasaav payam naghe: Matamim ingal Maaron aliinja tau isavia poia tooni tau izazaa to iit tamtamon sasaghatiin na. Pa saveen tawe irau ipalot gham, ve iseen ngar tsiam. Leso yamŋa zeran tooni patabuyaana asov agham gabua popoia naol isov tau Maaron ighe igham pait. *

³³ Saawe tau itinja talepleep, lolog ighaar pa silva, gol, ma nonoghiinja to tamtamon eta mako. *

³⁴ Ve taumim awatagh: Taug nimag iyaryaan pa ghamuun uraat. Tauta nauul taug, ve zetagna tau tilepleep tomani ghau na paam. *

³⁵ Nagham tauvene to natotoi gham pa eez to tagham uraat ariiaan. Leso leen gabua to tauul yes tau tirau uraat mako na. Iit irau mataan ingal Tiina toit Yesu aliinja tau isaav tauvene: ‘Yes tau matazi rein, ene pale poia tiina to Maaron izaa toozi, ve loloji poia iliiv yes tau tamtamon tigham

* **20:30:** 1Tim 1:3, 19+; 1Yo 2:19 * **20:31:** Mk 13:37; 1Tes 2:11

* **20:32:** Mbanj 14:23; Kol 1:12; 1Pe 1:4+ * **20:33:** 1Kor 9:15; 2Kor 2:17, 7:2; 1Tes 2:5 * **20:34:** Mbanj 18:3; 1Kor 4:12; 2Kor 12:14+; 1Tes 2:9

lezi gabua na.' ” *

³⁶ Paulus isavsaav le isov, ra iput aaghe daaba izi taan ve yesnja tisuņ.

³⁷ Tisuņ le isov, ra tiburig tila tisaghavu, ve yesnja titaņ tiina.

³⁸ Pasaa, aliinja ziiri rig tau ighe yes aat irau tighita naagho muul mako, tauta igham zi lolozi isaghat. Titaņ le isov, ra tighamu tila lesu tighuru iza waan.

21

Paulus tomania zeetnja tigham waan tigde tila pa Yerusalem

¹ Yenja yes nginiinja to Epesus nivataki nimamai le isov, ra nizaa waan. Tiravia lai izala, ve niraav duduun nila sisi Kos. Mbon le nughizau, ra niraav muul nila pa sisi Rodos. Ra niraav muul nila, ve niloon nugh Patara.

² Niloon Patara, ve nindeen waan ite tau ighe imbut te ila ivool taan sirivu to Ponisia. Tauvene nizaa waan tawe, ve niraav muul.

³ Nighaughau nila le matamai iloon pa sisi Saiprus. Ighen pa nimamai nas. Niravu imuul pa murimai, ve nighau duduun pa taan tiina Siria. Nila le niloon nugh Tiro. Pasaa, tighe tighur yauyaun siriv izi ta sewe.

⁴ Nizi nileep ta sewe, ve nila nighita Yesu zijeera siriv to nugh tawe. Tauvene nila nileep tomani zi irau mbon liim ve ru. Pataņani tau pale ivot pa Paulus na, Avuvu Patabuyaun ivotia pazi wa.

* **20:35:** Ep 4:28; 1Tes 4:11+; 1Tim 6:18

Tauvene tigde tɨnguruuta, lesu izala Yerusalem sov. Eemon Paulus iloŋ alinazi mako.

⁵ Yeŋa nileep le saawe tau waan ighe iraav muul, ra zeran tawe, tomania azuwazŋa ve natuzŋa tisov tighur ghei. Yeŋa nipul nughei, ve nizila peria nari, ra nipul aghemai izala sausau paavo, ve nisun. *

⁶ Nisun le isov, ra nivataki nimamai, ve nizaa waan, ve yes timuul tila pa nughei.

⁷ Nipul Tiro, ve niraav muul nila niloon nugh Tolemais. Yei nila nigig toŋvetaz siriv to Krisi tau tileep izi ta sewe, ve nileep tomani zi pa mbon eemon.

⁸ Nughizau, ra nipul zi, ve niraav muul nila niloon nugh Sisarea, ve malmalimai nila ruum to Pilip. I ŋeer to votiaan vaaru poia pa yes tau tighur ila to Krisi mako. Zeran liim ve ru tau muun tighur zi to tiuul yes mbanjoona pa uraat siriv na, i toozi ee. *

⁹ I natlivaŋa paan tau tivai soone. Maaron irei tapiri pazi ve tivovotia aliina pa tamtamon imin propet.

¹⁰ Yei nileep izi nugh Sisarea mbon siriv, ra ŋeer ee ileep Yudea ve izilam, eeza Agabus. I paam ivovotia Maaron aliina pa tamtamon imin propet.

¹¹ Ilam peria tsiei, ra ipool puus to Paulus pa ngaali, ve ighamu gha ikau i tauu niima ma aaghe pani, ve isaav ighe: “Avuvu Patabuyaan isaav tauvene: Ngar raraate mon pale ivot pa puus tane tauna. Pasaa, yes Yuda tau tileep Yerusalem we

* 21:5: Mbanj 20:36 * 21:8: Mbanj 6:5, 8:5

pale tikau niima ma aaghe, ve tighuru ila yes tau Yuda mako na nimazi.” *

¹² Yei niloon saveen tooni le yeŋa zeetmainja to nugh tawe lolomai ipatanan ve nitan rarai Paulus nighe izala Yerusalem sov.

¹³ Eemon i isaav payei ighe: “Tanjiiz tsiam tane, gabua mindai? Aghe agham ghau lolog isaghatin gham, leso nator ngar tsiau, ve nazi naleep? Ene aat mako. Yau nasaan mon pa badoon patanani. Isaav ighe nala Yerusalem ve tikau nimag ma agheg, tikau ghau lak! Ve isaav ighe tirav ghau namaat izi ta sewe ve mateegh tsiau ipait Tiina toit Yesu eeza, ene poia. Tirav ghau lak.” *

¹⁴ Yei nisaav ariaan pani, eemon iloon ghei mako. Pasaa, ngar tooni iyaryaan ighe ila. Tau-vene nipul saveen pani, ve nisaav nighe: “Poia, gabua aat ivot itaghon Tiina toit loolo.”

Paulus ila ivot Yerusalem

¹⁵ Murei ra, nigharaat gabua tsiei pa laghoon, ve niburig gha nizala pa Yerusalem.

¹⁶ Yesu ziŋeera siriv to nugh Sisarea tilaagh tomani ghei paam. Yei nila peria Yerusalem, ve tigham ghei nila ruum to Nason, ve nileep tomania. Nason, i to sisi Saiprus. Yesu ziŋeera tau titaghoni imin maata na, i toozi ee.

¹⁷ Saawe tau nila nivot Yerusalem, yes tonjetaz to Krisi tigham ghei toman lolozi poia.

¹⁸ Nileep mbon le nughizau, ra yeŋa Paulus nila nighita Yakobus. Ve nginiinja tisov to lupuun to Krisi tilam tileep tomani ghei paam.

* **21:11:** Mbanj 20:23, 21:33

* **21:13:** Lu 9:51; Mbanj 20:24

19 Paulus igham aaz poia pazi, ra ipaes pa gabua naol isov tau Maaron igham zi tivot ila i niima, saawe tau igham uraat pa yes tau Yuda mako na.

20 Yes tiloonj saveenj tooni, le tipait Maaron eeza pa tapiri ve poia tooni. Ra tisaav pani tigde: “Toghamai, paesiinj tsio poia. Eemon ughita. Yes Yuda eval le eval kat tighur ila to Yesu wa. Ve yes tisov tizuari zi tigde le titaghon dudunjai tutuunj to Mose.

21 Varum ilam gha tiloonja wa. Pasaa, zeran siriv tikau saveenj tsio tigde yes Yuda tau tileep ila yes tau Yuda mako na sosozi, yo usavsaav pazi uge tighur murizi pa tutuunj to Mose. Ve unghalsekin zi pa ravuunj natuznja warozi, ve uge titaghon iit Yuda gabuaan muul sov. *

22 Tauvene pale tagham mindai, lesu tarav motin saveenj toozi tawe? Pasaa, tamtamon aat tiloonj varum tigde yo ulam wa.

23 “Tauvene, yo aat utaghon saveenj tsiei tane. Tamtamon tsiei paanj tilepleep. Yes timbu saveenj tomania Maaron wa.

24 Ugham zi, ve yamnja ala agharaat taumim, lesu anjalaanj ila Maaron maata. Mako uul zi, ve ughol lezi gabua siriv, lesu tigham watoonjrau pani, ve tiin dabazi. *

Ighe ugham tauvene, ene pale tamtamon tisov to nugh tane tighilaal tigde varum tau tilonjloonia na,

* **21:21:** 1Kor 7:18+; Ga 5:2, 6:15 * **21:24:** Yes Yuda tighamgham tauvene: Isaav ighe tamtamon eta imbu saveenj ariaanja tomania Maaron, ene irav tikot daaba mako le saveenj tooni ighur anoonja. Mako irav gabua siriv imin watoonjrau, ve tiin daaba.

ene karom, ve tiwatagh tighе yo utataghon tutuun to Mose soone. *

²⁵ “Ve nugh nugh tau Yuda mako ve tighur ila to Tiina toit na, yei niyambaar rau ila pazi wa. Rau tawe, nipaesia saveen tau lupuun toit imbua na. Nighe: Aniin tau tipakur maaron karomna pani na, tighani sov. Ve tighun ngai siini sov. Ve gabua tau ighe tipuleel luua gha imaat, ene paam tighani sov. Ve tighur boog sov.” *

²⁶ Tileep mbon le nughizau, ra Paulus igham zeran paan tawe, ve yesna tila tipaburigin uraat to gharatoon tauzi, leso tingalaan ila Maaron maata. I ilon ila sirsiir to Rumei Tiina loolo, ve ila ighita yes zeran to watoonrau, ve isavtarai zi pa saawe sindei tau pale tipasov uraat to gharatoon tauzi, ve tigham watoonrau toz toz.

Yes Yuda tikis Paulus ilon ila sirsiir to Rumei Tiina loolo

²⁷ Uraat to gharatoon tauzi leso tingalaan ila Maaron maata, ene ikis zi irau mbon liim ve ru. Saawe tana igharau ighe isov, ve Yuda siriv tau tileep Asia ve tilam Yerusalem na, tighita Paulus ilepleep ilon ila sirsiir to Rumei Tiina loolo. Tau-vene tila tikisi, ve tipazaagh eval tiina to tighur koi pani.

²⁸ Tiboboob tighе: “Ai, yam zeran to Israel, alam auul ghei! Neer tauta ene. I tane ta alonloon vaaru tighе ilaghaagh irau nugh nugh, ve ivovotia saveen pa tamtamon tisov, leso tivelegh ghiit tomania tutuun toit, ve Rumei Patabuyaan tane paam. Ve aazne, i igham sosor tiina ite muul.

* **21:24:** Mban 18:18; 1Kor 9:20 * **21:25:** Mban 15:29

Pasaa, igherev Grika siriv tilonj tila sirsiir to Rumei Tiina loolo. Tauta tivaghamunia nugh patabuyaanj tane gha isaghat ila Maaron maata wa.” *

²⁹ Yes tisaav tauvene pasaa, muunj tighita Tropimus to nugh Epesus yesuru Paulus tilaghlaagh ila Yerusalem loolo. Tauvene tigham ngar sorok tigde Paulus ighamu gha yesuru tilonj tila sirsiir to Rumei Tiina loolo. *

³⁰ Tamtamon tiloonj saveenj toozi tawe, le yes Yerusalem tisov tiburig, tiparlanlaan tilonj tila sirsiir to Rumei Tiina loolo, ve tikis Paulus gha tisasaara tivot tila pa muuri. Ra rekia mon tipoon ataman to rumei ila ivool.

³¹ Tizuari zi tigde le tiravu imaat. Eemon saveenj ilaan ila igham daaba tau injin zaaba tisov to Rom tau tilepleep Yerusalem na tigde: “Yes Yerusalem tisov tileep ila malmal tiina loolo!”

³² Tauvene daaba tawe rekia mon iyau zaaba siriv tomania daaba toozi, ve tilaan tizila pa nugh tau malmal iburig pani na. Yes Yuda tiravrav Paulus le tighita daaba tana tomania zaaba tooni tilam peria, ra tipuli.

³³ Daaba tana ilam ivot toozi, ve isaav pa zaaba tooni gha tikis Paulus, ve tikau niima pa sen ru. Ra ighason yes Yuda ighe: “Ene sei? I igham saa sosor ta yam aravu ne?” *

³⁴ Eval tiina tau tilepleep ve tiboboob na, tisasavia saveenj maata ite ite. Tauvene daaba tana irau igham saveenj ghazoonja eta pa malmal tana pu-ghu mako. Pasaa, oroor tiina matini. Tauvene

* **21:28:** Mbanj 6:13, 24:5+ * **21:29:** Mbanj 20:4 * **21:33:** Mbanj 20:23, 21:11

isaav ila pa yes zaaba tooni ighe tinjuaaz Paulus ilonj ila ruum toozi loolo.

³⁵ Yes zaaba tigham Paulus gha tila ndeet puughu, ra tisuru iza a tibaado. Pasaa, tighita tigde eval tiina tiyaryaanj tigde le tirav Paulus imaat.

³⁶ Eval tiina titaghon zi tila, ve tiboboob tigde: “Ileep sov. Aravu imaat!” *

Paulus ighe isavsav pa eval tiina

³⁷ Yes zaaba tigham Paulus tigde tilonj tila pa ruum toozi loolo, ve Paulus isaav ila pa daaba toozi ighe: “Mindai, irau nasavsav tomani ghom rig?”

Daaba tana iyol aliinja ighe: “Wai! Yo uwatagh Grika alinjazi?”

³⁸ Yau naghe pa yo Isip tamazi tau wariiz mon ipazaagh tamtamon ndinjndinj ndinjndinj paan (4,000) gha tigham malmal tiina, ve igherev zi tila nugh nginaanja. Yes zeran popoiazi mako. Tiyonyoonj ila eval tiina loloji ve tiravrav tamtamon pa mbuzaagh.”

³⁹ Paulus isaav pani ighe: “Mako, yau Yuda. Nugh tsiau puughu, ene Tarsus tau nugh tiina ee to Silisia na. Yau naghe naghason ghom. Irau uyok payau ve nasavsav rig pa eval tiina tawe?”

⁴⁰ Daaba tana iyok pani, tauvene Paulus iburigin iyooz izala ndeet, ve itatan niima pazi. Leso oroor imot, ve isavia saveenj tooni. Eval tiina tighita le tineneenj. Ra Paulus ipaburigin saveenj tooni ila tauzi alinjazi Hibru.

* **21:36:** Lu 23:18, 21; Mbanj 22:22

22

Paulus ivotia puughu tau i ighur ila to Yesu

¹ Paulus isaav pazi ighu: “Yam tamanja ve tonvetaz tsiau, aghur talinamim payau. Pa yau naghe nasavia puughu tau nataghon eez paaghu tane. Leso aghilaal aghe yau naghham sosor eta mako.”

² Yes tiloon Paulus isaav pazi ila alinazi duduun Hibru, le tineneen kat.

³ Paulus isaav muul ighu: “Yau Yuda. Tipoop ghau izi nugh Tarsus tau ighen taan sirivu to Silisia. Saawe tau yau kukuag, tigham ghau nalam ta sene. Naleep izi nugh tane le namin olman. Tu-tuun to timbuunja, olman Gamaliel ipaghazonjai ghau pani le isov. Ve yau nazuari ghau naghe le nataghon dudunjai ngar isov tau Maaron loolo pani na, raraate imin aazne yam asov azuari gham pa taghoniinji. *

⁴ Yes tau titaghon eez paaghu tane, muun yau naghurghur patajani pazi ve naghham saghatin zi kat. Tamtamon toozi siriv, narav zi timatmaat. Ve siriv, nagherv zi tila, ve naghur zi tilon tila ruum to yavyavuun. Yes zitamoot, ve zilivaa paam. *

⁵ Daaba to watoonrau tomania nginiinja tisov tau tileep ila lupuun tiina to pooza toit, yes ti-watagh ngar tau muun naghhamghamu. Yes irau tipariaan saveen tsiau tane. Muun, yau naghe nakis yes tau titaghon eez paaghu tane izi nugh Damaskus, ve naghham zi tilam Yerusalem, leso tighur yavyavuun pazi. Tauvene naghason yes

* **22:3:** Ga 1:13+; Pil 3:5+ * **22:4:** Mban 8:3; 1Kor 15:9; 1Tim 1:13

daaba toit gha tibood saveen yokiin payau ila rau siriv. Leso naghama zi nala, ve natotoi zi pa yes tonvetaz toit tau tileep izi Damaskus, ve tiwatagh tigha yau ezag pa uraat tauvene.

*Paulus isavia saawe tau Yesu ivot tooni
(Mban 9:1-18, 26:9-18)*

⁶ “Tauvene naburig ve nala. Nalaagh nala le nagharaunugh Damaskus. Aaz izalam imin zegmatuugh ma vene. Malau mako ve mbonari tiina kat ighaen sambam ve izilam, le isul livutin ghau.

⁷ Tauvene natap nazi taan, ve naloon saveen ilam payau igha: ‘Saul, Saul, puughu mindai ta unoknok ghuruun patajani payau?’

⁸ Yau nayol aliina naghe: ‘Tiina, yo sei?’

Ve i isaav payau igha: ‘Yau Yesu to Nasaret. Yau ta yo ughurghur patajani payau ne.’*

⁹ Zetagna tau yena nilaghaagh na tighita mbonari tawe paam. Eemon tiloon neer tau isavsaav payau na aliina mako.

¹⁰ “Yau naghasoni naghe: ‘Tiina, ugha naghama mindai?’

I iyol aliinag igha: ‘Uburig ve ulon ula nugh Damaskus. Mako tipaes payo pa uraat naol isov tau naghe naghuru ila nimam.’

¹¹ Mbonari tana isul tiina kat le ighama matag ikumkuum. Tauvene zetagna tilam tikis nimag, ve tipalele ghau gha nilon nila nugh Damaskus.

¹² “Nugh tawe, neer ee ilepleep, eeza Ananias. I maata ingalngal Maaron, ve izuari ghi igha le itaghaon dudunai tutuun tooni. Tauvene Yuda

* **22:8:** 1Kor 15:8-9; Ga 1:15-16

tisov to nugh Damaskus tipapait eeza tigde i njeer poia ee.

¹³ I injarui ghau ilam, iyooz zigeg, ve isaav payau ighe: ‘Tazig Saul, matam poia ve ughita nugh!’ Saawe duduun tana, matag poia, ve naghita Ananias iyozyooz.

¹⁴ Ra isaav payau ighe: ‘Maaron to timbuunja, i tauu isiigh ghom wa. Leso igham ghom ughazoon pa loolo ve njar tooni. Tauta ughit katin Njeer To Njar Duduunja, *

ve uloon saveen ila i tauu aavo. *

¹⁵ Gabua tau uloonja ve ughita pa taum matam na, yo aat usavia irau nughmarin. Leso upariaan Yesu saveen tooni, ve tamtamon tighur ila tooni. *

¹⁶ Tauvene usanjan saa muul? Uburig ta aazne, ugham yaa, ve ughason Yesu. Leso ireu sisor tsio ilale, ve igham ghom unjalaan ila Maaron maata.’ *

Maaron imbaan Paulus ighe ila pa yes tau Yuda mako na

¹⁷ ‘Murei ra, namuul nalam Yerusalem, ve nalepleep ta sene le saawe ee, nalon nala sirsiir to Rumei Tiina loolo, lesu nasun. Nasunjun ila, le tandaghiin ee ivot payau.

¹⁸ Naghita Yesu isaav payau ighe: ‘Uburig rekia mon, upul Yerusalem, ve ughau. Pa ighe yo upariaan saveen tsiau izi ta sene, yes irau tiloon ghom mako.’

¹⁹ ‘Yau nasaav pani naghe: ‘Tiina, tamtamon to nugh tane tiwatagh tigde: Muun, yau nalaghlaagh

* **22:14:** Njeer To Njar Duduunja, ene Yesu. * **22:14:** Ga 1:12+; Ep

3:2+ * **22:15:** Mbanj 23:11, 26:16 * **22:16:** Ro 10:13; 1Pe 3:21

irau rumei toozi, ve naghurghur yes tau tighur ilat tsio na tilonj tila ruum to yavyavuun, ve naloslos zi.

²⁰ Ve saawe tau Stepanus ivotia saveenj tsio, ve tilinj sinj pani gha imaat, yau nayok pa ngar tana. Tauta nayooz tomania yes tau tiravu na, ve nanjin nonoghiina toozi to ngoaanj.’ *

²¹ “Eemon Tiina tsiau isaav payau ighe: ‘Uburig ve ula. Yau naghe nambaanj ghom ula pa nugh malau. Leso ugham uratoi yes tau Yuda mako na.’ ” *

Paulus ipaes pa yes zaaba ighe i tamtamon to Rom

²² Eval tiina tighur talinjazi pa Paulus ila ila le tiloonj aliinja ighe Maaron imbaano ila pa yes tau Yuda mako na. Ra tibooob muul tigde: “Ah, aravu imaat ila! Ileep ne, i poia eta? Tamtamon tauvene ileep sov!” *

²³ Yes tibooob, ve tizuzuum nonoghiina toozi to ngoaanj gha tisuruuv zi tizi, ra tikor taan, ve tisuruuva izazaa. †

²⁴ Tauvene tiina to yes zaaba isaav pa zaaba tooni ighe tigham Paulus gha tilonj tila ruum toozi loolo, ve tilosi ‡ le irau i ivotia puughu tau eval tiina atezi yavyav kat ve tibooob pani tauvene.

²⁵ Tauvene tilonj tila ve tipagheena izi, ve tikau niima ila ai, lesu tilosi. Eemon Paulus ighason

* **22:20:** Mbanj 7:58, 8:1 * **22:21:** Mbanj 9:15, 26:17+; 1Tim 2:7

* **22:22:** Mbanj 21:36 † **22:23:** Isaav ighe yes Yuda tiloonj saveenj eta tau irau lolozu mako kat, ene tighamghan tauvene. ‡ **22:24:** Ravraav tau Roma tiloslos tamtamon pani na, timbit gabua matazi ila, lesu irangat mizazi. Saawe naol, tilos tamtamon timaat.

daaba to yes zaaba tau iyooz igharau na ighe: “Mindai, isaav ighe tamtamon eta, i to Rom, ve yes daaba to gharatoon saveen titiir saveen tooni soone, ve yam alos sorokini, pale iduduun pa tutuun to Rom?” *

²⁶ Daaba tawe iloon saveen tane, ve ila ipaes pa daaba toozi tau ingin zaaba tisov na ighe: “Uyamaan ghiit wa? Pa neer tawe, i to Rom. Pale ugham saa ngar pani?”

²⁷ Daaba tana iloon paesiin tooni, ra i tauu ila ighason Paulus ighe: “Ai, usaav ghazona payau. Onoon? Yo to Rom?”

Paulus iyol aliina ighe: “Vee. Yau to Rom.”

²⁸ Daaba tana isaav pani ighe: “Yau napul maet tiina kat, tauta namin tamtamon to Rom.” §

Paulus isaav pani muul ighe: “Ena yo. Ve yau napul maet eta mako. Pasaa, saawe tau tipoop ghau, yau to Rom.”

²⁹ Yes zaaba tau tigde tilos Paulus na, tiloon saveen tane, ve rekia mon tipuli. Ve daaba toozi paam iroi pa tauu. Pasaa, Paulus, i tamtamon to Rom. Eemon daaba tana isaav gha tikau niima ma aaghe sorok.

* **22:25:** Mbanj 16:37 § **22:28:** Tamtamon lezi eez naol to timin tamtamon (o sitisen) to Rom. Isaav ighe neer eta, i to Rom, ene pale natja paam to Rom. Ve isaav ighe tamtamon eta, i to Rom mako, eemon kinik to Rom loolo poia pani ve ighe igham poghania, ene i irau ighamu imin tamtamon to Rom. Zeran siriv tighol maet tiina pa gavman to Rom, leso timin tamtamon to Rom. Gavman to Rom irau tighur patanani pa tamtamon to Rom imin tighamgham pa tamtamon siriv ne mako. Ve yes aat tingin poghani zi.

Tipayooz Paulus ila lupuun to yes pooza tau tinginjin yes Yuda na naghozi

³⁰ Daaba tau injin zaaba tisov na ighe iwatagh kat: Paulus igham saa ngar ta yes Yuda tighita tigha isosor. Leso ighazoon pa saveen tooni pu-ughu. Tauvene tileep mbon nughizau, ra isaav gha tipool sen tau tikau Paulus pani na, ve ipoi yes daaba to watoonrau tomania pooza tisov to yes Yuda tilam tilup zi, ve igham Paulus ilam gha ipayooze ila naghozi.

23

Paulus isavia puughu tau i itaghon Yesu

¹ Paulus maata denja pa yes daaba tau tileep ila lupuun tawe, ve isaav pazi ighe: “Yam tonvetaz, yau nayamaan taug naghe ta muun ve ilam aazne, laghoon tsiau, ene nataghon ngar ngalaanja mon ila Maaron maata.” *

² Daaba to watoonrau, eeza Ananias, iloon saveen tane, ve isaav pa yes tau tiyooz tigharau Paulus na, ve tiposai Paulus aavo. *

³ Tauvene Paulus isaav pani ighe: “Yo, Maaron pale irav ghom paam! Yo umin didiin mbuuz, tau tikumu pa ko, lesa tamtamon tighita tigha poia. Mbolem izi ta sena to ugabiiz ghau itaghon tutuun toit. Eemon yo taum umalaan pa tutuun wa. Pasaa, usaav pazi gha tiposai sorokin ghau.” *

⁴ Tamtamon siriv tau tiyooz tigharau Paulus na, tisaav pani tigha: “Wai, daaba to watoonrau, i

* **23:1:** Mbanj 24:16; 2Kor 1:12; 2Tim 1:3

* **23:2:** Yo 18:22+

* **23:3:** Lo 25:1+; Mt 23:27+

uraata to Maaron. Mindai ta uroron pani mako, ve uveleghi?”

⁵ Paulus iyol aliñazi ighe: “Yam tonvetaz, yau naghilaalo naghe i daaba to watoonrau mako. Imin ta naghilaalo, kanan irau nasik saveen tauvene pani mako. Pasaa, Maaron aliña tau tiboode na isaav ighe:

‘Asik saveen saghati pa daaba tsiam eta sov.’ ”

*

⁶ Paulus iwatagh: Yes tau tileep ila lupuun tana, siriv, ene yes Sadusi, ve siriv, ene zeran tutuuna. Tauvene isaav pazi toman aliña tiina ighe: “Yam tonvetaz, aloonj. Yau tane, ñeer tutuuna ee paam. Ve taman gha tinañ ve tibugña paam, yes zeran tutuuna. Yau naghur matag pa burigiñ to yes mateegha, tauta aazne tipayooz ghau pa savsaveen.”

*

⁷⁻⁸ Paulus isik saveen tane, le ireu zi ve parzorañ tiina iburig ila sosozi. Pasaa, yes Sadusi tighur ila tigde: Yes mateegha irau tiburig muul mako. Ve tigde añela eta ileep mako, ve avuvu eta ileep mako. Eemon yes zeran tutuuna tighur ila gabua isov tana.

⁹ Tauvene oroor tiina iburig, ve tivazorai zi ila ila le, tamtamon ngara siriv to yes zeran tutuuna tiburig tiyooz, ve tisaav ariaañ tigde: “Yei nighita nighe ñeer tane, i igham sosor eta mako. Takankan. Aat avuvu eta, ma añela eta isavsavv pani.”

¹⁰ Daaba tau inñin zaaba tisov to Rom na ighita saveen toozi iparav kat. Tauvene iroi ighe ti-

* **23:5:** Igham 22:28 * **23:6:** Mban 24:21, 26:5+; Pil 3:5

vatukai Paulus ila ilam, ene pale tirangati ve imaat. Tauvene isaav pa zaaba tooni, ve tila tinguaaz Paulus ighau pa yes daaba tana, ve tighamu tilonj tila ruum toozi loolo muul.

¹¹ Mbonj tana, Tiina toit Yesu ivot to Paulus, iyooz igharauu, ve isaav pani ighe: “Paulus, uroi sov. Uyooz ariaan. Pa varug tau uvotia izi Yerusalem na, yo aat uvotia izi Rom paam.” *

Yes Yuda timbu saveen pa ravuun Paulus imaat

¹² Tileep le nughizau, ra Yuda siriv tilup zi, ve tiil eez pa ravuun Paulus. Yes timbu saveen ariaan ila Maaron maata tigde: Yes aat irau tighan aniinj mako, ve tighun yaa mako, le irau tirav Paulus imaat.

¹³ Zeran tau timbu saveen pa ravuun Paulus na, yes irau tamoot ru ve geege.

¹⁴ Tauvene tiburig tila to yes daaba to watoonrau ve yes nginiinja, ve tipaesia ngar toozi pazi tigde: “Yei tane nimbu saveen ariaanja ila Maaron maata wa. Nighe aazne ve ila, avomai aat itut aniinj eta mako, le irau nirav Paulus imaat.

¹⁵ Tauvene yamja daaba toit siriv ala to daaba tau injin yes zaaba to Rom na, ve atombaana tauvene aghe: ‘Yei nighe ugham Paulus izilam payei. Leso nighason poghania pa saveen tooni puughu ve nighazonj pani kat.’ Yam agham tauvene, ve yei aat nisanjani izi eez livuugha. Saawe tau ilam peria tsiei, mako niravu imaat. Leso ilat ivot tsiam sov.”

¹⁶ Eemon Paulus waagha taliinja irav saveen mbuaan toozi tawe. Tauvene ila ivot ruum to yes

* **23:11:** Mbanj 18:9, 27:23+

zaaba, ve ilonj ila ighita waagha, ve ipaesia saveen tana pani.

¹⁷ Paulus iloonj saveenj tooni, ve imbaan ila pa daaba ee to yes zaaba ilam, ve isaav pani ighe: “Ugham neer paaghu tane ila to daaba tsiam tau injin yam zaaba asov na. Pa i le saveenj rig pani.”

¹⁸ Tauvene daaba tawe igham Paulus waagha ila to daaba tooni, ve isaav pani ighe: “Paulus tau nikisi ilepleep tomani ghei ne, imbaan payau, tauta nala tooni. Ve ighason ghau ighe naghama neer paaghu tane ilam ighit ghom. Pasaa, i le saveenj rig payo.”

¹⁹ Tauvene daaba tooni ikis Paulus waagha ni-ima, ve yesuru tila ziige, ra ighasoni ighe: “Aiyo, saa saveenj tau uge usavia payau ne?”

²⁰ Paulus waagha isaav pani ighe: “Yes Yuda timbu saveenj tigde tilam tighason ghom, leso bogzo, mako ugham Paulus, ve yamru azila pa daaba to yes Yuda lupunj toozi. Saawe tau tilam, yes pale tigham karom payo tigde i tauu aat ila toozi, leso tighasoni poi pa saveenj tooni ve tighazoonj pa puughu.

²¹ Eemon uloonj zi sov. Pa tamtamon toozi irau tamoot ru ve geege pale tisanjan pa ravuunji izi eez livuugha. Yes timbu saveenj ariajaan ila Maaron maata tigde aat irau tighan aniij mako, ve tighun yaa mako le irau tirav Paulus imaat. Yes tighurghur matazi payo ve tisanjan. Isaav ighe uloonj zi, ene aat tigham ngar tana.”

²² Daaba tana iloonj saveenj tooni, ve ingalsekini ighe: “Saveenj tau yo usavia payau ne, upaesia pa ite paam sov.” Isavsaav pani le isov, ra ipuli gha ila.

Yes Roma tipaghau Paulus izila pa nugh Sisarea

²³⁻²⁴ Daaba tana iburig, ve ipoi daaba ru to yes zaaba tilam, ve isaav pazi ighe: “Ala ayau yes zaaba irau ndinndin ru (200), tomania zaaba tamoot tol sanjavul (70) tau tilalandoov hos na. Ve agham yes zaaba to kisiin iiz paam, irau ndinndin ru (200). Ve agharaat hos siriv pa Paulus paam. Mbon aazne, aaz anunu ighe igham liim ve paan, mako agham Paulus, ve yamja aburig azila pa nugh Sisarea. Anjin poghania le ila ivot to gavana toit Feliks.”

²⁵ I isavsaav tomani zi le isov, ra ibood paesiin ila rau tauvene:

²⁶ “O gavana Feliks, tiina tsiau. Yau Klodias Lisius naghama aaz poia payo.

²⁷ “Neer tau ilat na, yes Yuda tikisi, ve rigmon kanaan tiravu imaat. Eemon yau naloon tigha i to Rom, tauvene nala tomania zaaba tsiau, ve nigham mulini ve ninguaaza pazi.*

²⁸ Yau naghe nawatagh: I igham saa ngar tau Yuda tighita tigha isosor. Tauvene naghama ila, ve napayooze ila daaba to yes Yuda naghozi.

²⁹ Yau naleep, ve naloon saveen toozi iparav ila ilam, ve naghita naghe i igham sosor tiina eta irau to taghuru ilon ila ruum to yavyavuun, ma taravu imaat ne mako. Yes tivazorai zi pa tauzi tutuun toozi mon.*

³⁰ Murei ra, tipaes payau tigha Yuda siriv tigham lilini tigha tiravu imaat. Tauta rekia mon napaghaua ilat. Leso anam utiir saveen tooni. Ve nasaav pa yes tau tigha tipayooze pa savsaveen na

* **23:27:** Mban 21:30+ * **23:29:** Lu 23:14+; Mban 18:14, 25:25, 26:31

naghe tizilat tsio ta sena, o tivotia sosor tooni ila naghom. Aiyoy, saveeŋ tsiauy, tauta ilam imuul ta sene. Uleep toman lolom poia.”

³¹ Tauvene mboŋ tana, yes zaaba titaghon saveeŋ to tiina toozi, ve tigham Paulus gha yesŋa tila tivot nugh Antipatris.

³² Tileep ta sewe le nughizau, ra yes zaaba tau tilaagh taan na, timuul tila pa niazi ta Yerusalem we.

³³ Ve yes tau tilandoov hos na, tigham Paulus gha malmalizi tila tivot nugh Sisarea. Tila peria, ra tizuzuun rau to Klodias ila to gavana Feliks, ve tighur Paulus ila niima.

³⁴ Feliks iwaat rau tau Klodias iboode na le isov, ra ighason Paulus ighe: “Nugh tsio igheen taan sirivu sindei?”

Paulus ipaes pani ighe: “Yau nalam pa taan sirivu to Silisia.”

³⁵ Feliks isaav pani ighe: “Poia. Uleep le irau yes tau tigde tipayooz ghom pa savsaveeŋ na tilam tivot, o naloon saveeŋ tsiam.” Ra isaav pa zaaba siriv ighe tigham Paulus tila ruum tiina tau muuŋ Erod irao na, ve tiŋgini ta sewe.

24

Yes Yuda tipayooz Paulus ila Feliks naagho

¹ Mboŋ liim ilam ila, ra Ananias tau daaba to watoonrau, yesŋa ŋginiina siriv to yes Yuda tizila pa Sisarea tigde tipayooz Paulus ila gavana Feliks naagho. Neer ŋgara ee tau iwatagh katin tutuuŋ to Rom na, ilaagh tomani zi paam, leso igham avozi ve iuul zi pa savsaveeŋ. Eeza Tertulus.

2-3 Tauvene timbaan pa Paulus ilon ilam, ra Tertulus ipaburigin saveen tooni ighe:

“O tiina tsiei Feliks, yei lolomai poia kat payo. Pasaa, nginiin tsio, ene poia kat. Gabua naol tau muun tisaghat, ene yo ugharaat zi wa. Tauvene saawe malau tau ungin ghei, lepoogh tsiei poia kat. Tauta yei nisov irau nugh nugh lolomai poia payo ve nipapait ghom.

⁴ Eemon irau naseen saveen tsiau malau geeg mako. Pale umbuzir pa alinag. Yo neer poiam. Tauvene naghason ghom: Irau uloon saveen tsiei tuuku tane?

⁵ “Yei nighita neer tane nighe ngar tooni poia mako. I imin moroghoon saghati. Pasaa, i ipaburigin parzoraan ve malmal tintiina ila yes Yuda sosozi irau taan naol isov. Yo uwatagh: Yes tau titaghon Yesu to Nasaret na, tipet tauzi tila soghan pa yes Yuda ve tipaburigin lupuun paaghu wa. Tauta yes eval tirere pazi. Ve neer tane, i imunmuun pa lupuun toozi. *

⁶ Ve itoova to ivaghamunia Rumei Tiina paam, leso ighamu isaghat ila Maaron maata. Tauta nikisi. Yei nighe taumai nipayooze, ve nitiir saveen tooni itaghon tutuun tsiei.

⁷ Eemon Lisius tau ingin zaaba tisov to Yerusalem na, ilam ireu ghei, ve isandi ila nimamai, ve inguaaza ila. Ra isaav payei ighe nilam nighit ghom, ve nisaav ghazoonja payo pa sosor tooni.

⁸ Tauvene poia to taum ughason poghania neer tane pa saveen tooni. Leso ughilaal ughe saveen isov tau yei nisavia pa sosor tooni ne, ene onoon mon.”

* 24:5: Mban 16:20, 17:6, 21:28

⁹ Tertulus isavia saveen tane le isov, ra Yuda siriv anazi tiburig ve tipariaan saveen tooni tighe saveen isov tau i isavia na, ene onoon mon.

Paulus ipaghazonai tauu ila Feliks naagho

¹⁰ Ra Feliks itotoi ila pa Paulus, lesa aana isaav. Tauvene Paulus ipaburigin saveen tooni ighe:

“O gavana Feliks, yau nawatagh: Ndaman ndaman ta yo ukaria gharatoon yei Yuda saveen tsiei wa. Tauvene lolog poia pa nayooz ila naghom, ve napaghazonai taug. Leso uwatagh ughe yau naghom sosor eta mako.

¹¹ Saveen tane, patanani mako. Isaav ighe yo ughason tamtamon pani, ene pale tisaav payo tauvene: Wariiz mon, mbon sanavul ve ru tau ila wa, yau nazala pa Yerusalem pa sunuun.

¹² Yeiru tamtamon eta niparzoor ilon ila sirsiir to Rumei Tiina loolo mako. Ve napazaagh tamtamon pa gabua eta ilon ila yes Yuda rumei toozi, ma ila nugh tiina loolo, ene mako paam. Yes tau aazne tingal saveen payau ne, toozi eta ighit ghau naghom tauvene ne mako.

¹³ Tauvene saveen ngaliin toozi tau inarui ghau ne, ene tauzi tisaav. Ve lezi gabua eta tau ipalot saveen toozi ve itotoia ighe ene onoon ne mako. Tisaav sorok.

¹⁴ “Eemon saveen toozi ziiri ee, ene yau nayok pani. Yau nasaav ghazona payo: Yau nabesbees pa Maaron to timbumainan itaghon eez to Krisi tau yes tirere pani na. Eemon ngar isov tau itaghon tutuun to Mose, tomania saveen isov tau igheen ila rau to yes propet, ene yau naghur ila. *

* **24:14:** Mban 26:22, 28:23; 2Tim 1:3

15 Yeņa yes zeran tane, ęgar tsiei eemon. Pasaa, nisov nighur matamai pa saawe tau Maaron pale ipaburigin yes mateegha. Yes zeran dudunęazi, ve yes sasaghatizi paam. *

16 Tauta saawe isov, yau nazuari ghau naghe le lolog tomania ęgar tsiau isov ęngalaan mon ila Maaron maata, ve tamtamon matazi paam. *

17 “Yau nala naleep irau nugh nugh ndaman siriv wa. Tauta namuul nalam taug nugh tsiau, leso naghita tamtamon tsiau ve naghur uleen siriv pa yes mbolaņa. Ve naghe naghham watoonęrau siriv pa Maaron paam. *

18 Yau naghe naghham uratoi gabua tana, tauta nalon nala sirsiir to Rumei Tiina loolo. Saawe tau tighit ghau izi sewe, yau nagharaat taug gha nanęalaan ila Maaron maata wa. Ve eval tileep tomani ghau mako, ve napaburigin oroor mako. *

19 Eemon Yuda siriv tau tileep taan sirivu to Asia ve tilam na, tighit ghau ve tipaburigin patanani tane. Tauta isaav ighe zeran tawe tighita tighe yau naghham sosor eta, o poia pa tauzi tilam tiyooz ila yo naghom, ve tisavia payo.

20 Ve isaav ighe mako, ene yes tau yeņa niyoozyooz ne, tauzi irau tisaav ghazooņa payo. Saawe tau tipayooz ghau pa savsaveen ila daaba to yes Yuda lupunę toozi na, tindeen saa sosor kat tau yau naghamu ne?

* **24:15:** Yo 5:28+; Mbanę 23:6, 26:6+; 2Kor 5:10 * **24:16:** Mbanę

23:1; 2Kor 1:12; 2Tim 1:3 * **24:17:** Ro 15:25+; 2Kor 8:1+; Ga 2:10

* **24:18:** Mbanę 21:26+

²¹ Aat saveenj tsiau ziiri ee, ta ireu lolozi. Saawe tau nazyooz ila sosozi, naboob naghe: ‘Yau naghur matag pa burigiinj to yes mateegha, tauta aazne tipayooz ghau pa savsaveenj ila naghomim!’ ” *

²² Feliks, i ighazoonj kat pa ngar to yes tau titaghon eez to Yesu. Tauvene Paulus isavsav le isov, ra Feliks irav motin saveenj toozi ighe: “Poia. Saveenj aat imuul tauvene, ve tasaan Lisius tau daaba to yes zaaba to Yerusalem na. Tauu izilam, o nagabiiz saveenj tsiam, ve nagharaata.”

²³ Ra isaav pa daaba to yes zaaba ighe ighur Paulus ilonj ila ruum to yavyavuunj, ve injin poghania. Eemon ighur patanani pani sov, ve ipuli ilaagh ve ileep sorok ila ruum to yavyavuunj loolo. Ve isaav ighe Paulus zeetja tilam to tiuule pa le aniiinj ma gabua siriv, na injalsekin zi sov. *

Paulus ipaghazonjai Feliks pa eez to Yesu

²⁴ Mbonj siriv ilam ila, ra Feliks yesuru azaawa Drusila tilam. Drusila, i Yuda tinazi. Feliks imbaanj ila pa Paulus ighe ilam ve yesja tisavsav. Paulus ilam ivot toozi, ve aavo ila pa eez to taghur ila to Yesu Kresi, ve yesuru tilonjoonja.

²⁵ Paulus ipaghazonjai Feliks pa ngar duduunja, ngar to nginiinj tauun poi, ve gabizoonj ve ghuruunj atuya tau pale Mbonj Murei ivot. Feliks iloonj saveenj tana le iroi. Tauvene irav motin saveenj ighe: “Poia. Imuul ta sene. Umuul ula, ve naghita saawe poia eta, o nambaanj payo umuul ulam, ve tavasavo ghiit muul.”

* **24:21:** Mbanj 23:6+ * **24:23:** Mt 25:36; Mbanj 27:3; Hib 10:24

²⁶ Feliks ighur maata ighe Paulus igham le maet siriv imin gholiin, leso ipuli ila. Tauvene saawe naol imbanmbaan pani ilamlam, ve yesuru ti-savsav.

²⁷ Ndaman ru isov, ra Feliks isov pa uraat, ve Porsius Festus igham niia. Feliks ighe igham yes Yuda lolozi poia pani, tauvene ipul Paulus ileep ilon ila ruum to yavyavuun.

25

Paulus iyooz ila Festus naagho

¹ Festus tau gavana paaghu to Yudea na, ila ivot nugh Sisarea, ve ipaburigin uraat tooni. Ileep ta sewe irau mbon tol, ra izala pa Yerusalem.

² Yes daaba to watoonrau yesja zolmana siriv to Yuda tila to Festus, ve tingal saveen naol pa Paulus, ve tighason Festus ariaan tige:

³ “Mindai, irau uul ghei, ve ugham Paulus imuul izalam Yerusalem?” Tighasoni tauvene pasaa, yes timbu saveen pa ravuunni izi eez livuugha.

⁴ Eemon Festus iyol alinazi ighe: “Paulus tikisi ileep izi Sisarea. Ve yau, malau mako pale nazila.

⁵ Isaav ighe yam aghita aghe i igham sosor, poia to daaba tsiam siriv tiburig tomani ghau, ve yena nizila. Leso tipayooze pa savsaveen izi ta sewe.”

⁶ Festus ileep tomania yes Yuda izi Yerusalem irau mbon liim ve tol ma sanavul ma vene, ra iburig ve imuul izila nugh Sisarea. Mbon le nughizau, ra ila mboole izi nugh to gharatoon saveen, ve imbaan ila ighe tigham Paulus ilam.

⁷ Paulus ilam ivot, ra yes Yuda tau tileep Yerusalem ve tizilam na, tiyooz livutini, ve tingal saveen naol pani. Tighe i ighamgham ngar

sasaghati kat. Eemon lezi gabua eta tau ipalot saveenj toozi ve itotoia ighe ene onoon ne mako. Tisaav sorok.

⁸ Tisavsaav le isov, ra Paulus aana iyol saveenj toozi ighe: “Yau namalaanj pa tutuunj eta to yes Yuda mako, ve naghamsosor eta pa Rumei Tiina mako. Ve kinik tiina to Rom paam, naghamsosor eta pani mako.” *

⁹ Festus ighe igham yes Yuda lolozipoia. Tau-vene ighason Paulus ighe: “Mindai, irau uzala Yerusalem, ve naloonj saveenjtane muul izi sewe?”

¹⁰ Eemon Paulus iyol aliinj ighe: “Mako. Yo mon ta kinik tiina to Rom ighur ghom pa uraat to gharatoonj saveenj. Tauta aazne, nayooz ila naghom izi nugh tane, lesougharaat saveenjtsiau. Ve yo uwatagh wa: Yau naghamsosor eta pa yes Yuda mako.

¹¹ Eemon isaav ighe ughit ghau ughe naghamsosor tiina eta irau to namaat pani, na urav ghau namaat! Yau naroi pa atuya tsiau mako. Eemon isaav ighe saveenj ngaliinj tau tigham payau ne onoon mako, ene neer eta irau ighur ghau nala nimazi ne mako. Poia. Ighene, yau naghe nala naghita kinik tiina to Rom, lesotauu iloonj saveenjtsiau.”

¹² Festus iloonj saveenjtane, ve yesnja zeran ngara tooni siriv tivasavo zi pani. Le isov, ra isaav pa Paulus ighe: “Yo ughe kinik tiina to Rom iloonj saveenjtsio. Poia, ula ughita.”

Festus ipaesia Paulus saveenj tooni pa Kinik Agripa

* 25:8: Mbanj 24:12, 28:17

13 Festus, i gavana paaghu. Tauvene mbon siriv ilam ila, ra kinik Agripa yesuru liivu Benis tila tivot Sisarea tigde tighita.

14 Yesuru tileep malau rig izi Sisarea, tauvene Festus ipaesia Paulus saveen tooni pa Agripa ighe: “Neer ee, Feliks ighuru ilon ila ruum to yavyavuun, ve ilepleep soone. Eeza Paulus.

15 Saawe tau nazala Yerusalem, yes daaba to watoonrau tomania yes nginiina to yes Yuda tilam tighit ghau, ve tingal saveen naol pani. Ve tighason ghau ariaan tigde natiir saveen tooni, ve naghur atuya pani.

16 Eemon yau nayol alinjazi naghe: ‘Yei Roma gabuamai tauvene mako. Irau nighur tamtamon eta ila koina nimazi sorok ne mako. Isaav ighe tamtamon siriv tingal saveen pa neer eta, i yesna yes tau tingal saveen pani na, aat tilup zi ila nugh eemon, ve nighur sooso pa neer tana, leso ipoon tauu pa saveen toozi.’

17 “Nasaav pazi tauvene, ve murei, ra yeja zeran tawe nizilam Sisarea. Nilam nivot ve naghur saawe mako. Mbon le nughizau, ra yeja nila gha mboleg izi ila niag to gharatoon saveen, ve nambaan ila pa Paulus gha ilam.

18 Yes tau tipayooze pa savsaveen na, tiburig tiyooz ve tivotia sosor tooni. Yau naghe pa tisavia sosor tiina eta.

19 Eemon mako. Yesna tivazorai zi pa sunjuun toozi ngara, ve neer ee tau imaat ila wa, eeza Yesu. Ene Paulus aavo iyaryaan ighe i ileep maata yaryaare.

20 Naloon saveen toozi le nakankaan. Nagham ngar naghe: ‘Pale naghazon pa saveen tane pu-

ughu mindai?’ Tauvene naghason Paulus naghe: ‘Mindai, irau uzala Yerusalem, ve naloon saveen tane muul izi ta sewe?’

²¹ Eemon i iyok mako. Ighason ghau ariiaan ighe ila Rom, o kinik tiina itiir saveen tooni. Ve ighason paam ighe yes zaaba tingin poghania le ila ivot ta sewe. Tauvene yau nasaav pa yes zaaba naghe tikisi ileep ta sene le irau nandeen eez eta, mako naghuru ila pa kinik tiina to Rom.”

²² Kinik Agripa iloon saveen tana, ve isaav pa Festus ighe: “Yau naghe taug naloon neer tawe saveen tooni paam.”

Festus isaav pani ighe: “Poia. Bogzo, o uloona.”

Paulus iyooz ila kinik Agripa naagho

²³ Mbon le nughizau, ra kinik Agripa yesuru liivu Benis tila tomania yes zolman to nugh ve yes daaba to yes zaaba, gha tilon tila ruum loolo to lupuun, ve tilup zi ta sewe. Tigham mogheraan siriv imin pakuruun Agripa yesuru Benis le isov, ra Festus imbaan ila ighe tigham Paulus ilam. *

²⁴ Paulus ilam ivot, ve Festus isaav ighe: “Kinik Agripa, ve yam asov tau alam aleep tomani ghei ne, aghita neer tane! Yes Yuda tisov tighason ghau pani izi Yerusalem ve izi sene paam. Ve azezi katitiin pa bobaan tige i ileep sov. Naravu imaat.
*

²⁵ Eemon naloon saveen tooni, ve naghita naghe i igham sosor tiina eta irau to naravu imaat ne mako. Ve i tauu ighason ghau ighe ila ighita kinik tiina to Rom, lesu itiir saveen tooni. Tauvene yau nayok pa aliina, ve aat naghuru ila.

* 25:23: Lu 21:12+ * 25:24: Mban 22:22

²⁶ Eemon nakankaan pa saa saveen tau pale naboode ila rau imin paesiin pani, lesa tiina toit ighazoon pa saveen tooni puughu. Kinik Agripa, puughu tane ta naghama ilam iyooz ila yo tomania tamtamon tisov tane naghomim. Naghe tasov taloon saveen tooni le isov, mako yam auul ghau pa ngar siriv, ve naboode ila rau.

²⁷ Pasaa, ngar tsiau tauvene. Isaav ighe neer eta ileep ila ruum to yavyavuun, ve taghuru ila to kinik tiina to Rom, i aat ila tomania rau eta tau ipaesia sosor tooni, o poia. Ighe paesiin eta mako, ve taghur sorokini ila, ene ngar to borauna.”

26

Paulus ipaghazonai tauu ila kinik Agripa naagho

(Mban 9:1-18, 22:3-16)

¹ Tauvene kinik Agripa isaav pa Paulus ighe: “Aiyo, yo anam usavia saveen tsio.”

Paulus itatan niima pazi ve ipaburigin saveen tooni. Ighe ipaghazonai tauu, lesa tighilaalo tige i le sosor mako:

²⁻³ “O kinik Agripa, yo uwatagh katin yei Yuda gabuamai. Ve saa saveen tau nivazorai ghei pani, ene yo ughazoon pani. Tauvene aazne, yau lolog poia pasaa, nalam nayooz ila yo naghom to naghazonai taug. Lesa uwatagh ughe yau naghama sosor eta mako, ve saveen naol tau yes Yuda tisiki payau ne, ene karom mon. Yau naghason ghom: Irau ughur talinam poi pa alinag? Pa saveen tsiau, ene malaua rig. Pale tinim ingal.

⁴ “Ngar tsiau ve gabuag tau kukuag ve ilam aazne, ene Yuda tisov tiwataghi. Ngar tau

naghamu izi taug nugh tsiau Tarsus, ve izi Yerusalem paam na, yes tikankaan pani mako.

⁵ Yes Yuda tiwatagh katin ghau. Muun ve ilam, yau neer tutuuna ee. Lupuun tsiei, nizuari ghei kat nighe le nitaghon duduñai tutuun tisoov to Maaron. Besoon tsiei, ene niliiv Yuda tisoov. Isaav ighe zetagna tane lolozu pa uleeng ghau, ene tauzi irau tipariaan saveeng tsiau tane. *

⁶ Saveeng mbuaan to Maaron tomania timbunmaiña, yau naghurghur matag pa saawe to anoonja tooni ivot. Tauta aazne, tipayooz ghau pa savaaveeng ta sene. *

⁷ Yei Yuda rumei tsiei sanjavul ve ru nighurghur matamai pa saveeng mbuaan tawe, ve sunjuun tsiei inañarui Maaron irau mbon mataaz to igham anoonja tooni ivot. O kinik, yau paam naghur matag pa saveeng mbuaan tana, tauta yes Yuda tingal saveeng naol payau.

⁸ Puughu mindai ta yam siriv aghita aghe Maaron irau ipaburigin yes mateegha mako?

⁹ “Muun, ngar tsiau iyaryaan naghe yau aat nataghon ngar maata maata to navaghamunia Yesu to Nasaret eeza, ve natatan saveeng tooni. *

¹⁰ Yau naghama tapirig ila to yes daaba to watoonrau, ve naghama tauvene izi Yerusalem imin maata. Nakis Maaron tamtamon tooni patabuyaana katini, ve naghur zi tilon tila ruum to yavyavuun. Ve saawe tau yes daaba timbu saveeng pa ravuun zi timatmaat, yau paam nayok pa ngar toozi, ve naghe ene poia to tirav zi.

* **26:5:** Pil 3:5 * **26:6:** Mban 13:32, 23:6, 28:20 * **26:9:** Mban 8:3; 1Kor 15:9; Ga 1:13; 1Tim 1:13

11 Monmon, yau nalaghlaagh irau yes Yuda rumei toozi, ve naghurghur patanani pazi. Ve naghamgham ariaan pazi naghe le tighur murizi pa Yesu, ve tisik saveen saghati pani, o poia. Yau ateg yavyav pazi kat. Tauvene nalala nugh nugh ta malau we paam. Leso nakis tamtamon toozi tau tighur ila to Yesu na, ve naghham ngar raraate mon pazi.”

Paulus isavia saawe tau Yesu ivot tooni

12 Paulus iseen saveen tooni ighe: “Tauta saawe ee, naghham tapirig ila to yes daaba to watoonrau, ve timbaan ghau nala nugh Damaskus, lesa naghham ngar raraate mon izi sewe.

13 “Nalaagh taghon eez nala le aaz anunu izalam imin zegmatuugh. Ra mbonari tiina kat igheen sambam ve izilam le isul livutin ghau, ve yes tau tilaagh tomani ghau na paam. Mbonari tawe, tapiri iliiv aaz maata.

14 Yei nisov nitap nizi taan, ve naloon neer ee aliina. Isaav payau ila saveen Hibru ighe: ‘Saul, Saul, puughu mindai ta yo unoknok ghuruun patanani payau. Ngar tsio tau uzoroor ghau ne, tauta ivaghamunia taum. Yo umin bapolo tau isosor pa eez ve tingal ziige pa ai maata, lesa tipaduduuna.’

15 “Tauvene yau naghasoni naghe: ‘Tiina, yo sei?’

“Tiina iyol alinag ighe: ‘Yau Yesu. Yau ta yo unoknok ghuruun patanani payau ne.

16 Uburig uyooz. Yau navot tsio to naghur ghom umin uraata tsiau. Gabua tau aazne ughita, tomanina gabua siriv tau murei pale navoti zi payo na,

yo aat uvoti zi pa tamtamon, lesu upariaan zi to tighur ilam tsiau.

¹⁷ Isaav ighe yes Yuda ve yes tau Yuda mako na titoova to tivaghamun ghom, yau pale napas ghom uvot pa nimazi ve nanjin ghom. Yau aat nambaan ghom pa yes tau Yuda mako na.

¹⁸ Ve yo aat upaghazonjai ngar toozi payau. Leso titoor ngar toozi, ve tighur murizi pa Sadan tapiri ve ngar sasaghati to ndoroom, ve tinjarui Maaron ve ghazonja tooni. Ighe tigham tauvene, ene aat nareu sosor toozi ilale. Ve saawe tau Maaron irei gabua popoia pa tamtamon tooni patabuyaana, ene pale yes lezi abuzi paam. Pasaa, tighur ilam tsiau ve timin i le wa.’ *

Paulus isavia uraat tooni

¹⁹ “O kinik Agripa, gabua tau yau naghita, ene ilaagh sambam ve izilam. Tauvene irau nazoora mako.

²⁰ Tauta navotia saveeja izi nugh Damaskus imin maata, ra navotia izi Yerusalem, ve irau taan sirivu to Yudea. Murei, ra navotia pa yes tau Yuda mako na paam. Yau nasavsaav pa tamtamon naghe tipul ngar toozi sasaghati isov ileple, ve titoor ngar toozi ila pa Maaron, ve titaghon ngar poia. Leso titotoi tauzi tigde yes titoor ngar toozi wa.’ *

²¹ Puughu tane ta yes Yuda tikis ghau ilonj ila sirsiir to Rumei Tiina loolo, ve tigde tirav ghau namaat.

²² Eemon muunj ve ilam, Maaron iuluul ghau. Tauta aazne, naleep matag yaryaare, ve nayooz ila naghomim. Yau napariaan Yesu saveenj tooni

* **26:18:** Yo 8:12; Mbanj 2:38; Ep 1:18, 5:8; Kol 1:13; 1Pe 2:9

* **26:20:** Mt 3:8; Mbanj 9:20+

ila tamtamon tisov matazi, leso naghama zi tighur ila to Yesu. Yes tau lezi ezazi mako, ve yes tau ezazi tintiina na paam. Ve saveen tau nasasavia ne, paaghu mako. Gabua tau muun Mose ve yes propet tisavia tigha murei pale ivot, tauta nasavia.
*

Pa muun, tisaav tigha:

²³ Mesia aat iyamaan yavyavuun ve imaat, ve iburig pa mateegh imin maata. Mako ivotia ghazoonja to Maaron pa tamtamon. Yes Israela, ve nugh nugh tau Yuda mako na paam.” *

Paulus ighe le Agripa ighur ila to Yesu

²⁴ Paulus ipasov saveen tooni soone, ve Festus isaav pani toman aliina tiina ighe: “Paulus, ngar tsio ikaukau! Tipaduduun katin ghom pa ngar naol, tauta dabam ivaghamgham!” *

²⁵ Eemon Paulus iyol aliina ighe: “Tiina tsiau Festus, dabag ivaghamgham mako. Yau nasavia saveen onoon mon tomania ngar.

²⁶ Gabua tau nasavi zi ne, kinik Agripa iwataghiir zi wa. Eta iyoon pa maata ma taliina mako. Pasaa, gabua tane ngozaan mako. Tauta naroi mako, ve nasaav ghazoonja pani.

²⁷ O kinik Agripa, yo ughur ila saveen to yes propet, ma mako? Yau nawatagh naghe yo ughur ila.”

²⁸ Kinik Agripa iyol aliina ighe: “Wai Paulus, ene mindai? Ughe rekia mon ugham ghau namin Krisi le ta aazne?”

* **26:22:** Lu 24:27, 44+; Mbanj 10:43; Ro 3:21 * **26:23:** 1Kor 15:20, 23; Kol 1:18 * **26:24:** Yo 10:20; 1Kor 2:14; 2Kor 5:13

²⁹ Paulus isaav pani: “Ighe aazne, ma saawe ite paam, ene poia mon. Ve yau naghe le Maaron igham ghom tomania tamtamon tisov tau aazne tilonloon saveen tsiau ne paam, atoor ngar tsiam ve ataghon ngar tau yau nataghoni, o poia. Eemon tikau aghemim ma nimamim pa sen, ve tighur gham alon ala ruum to yavyavuun imin yau sov.”

³⁰⁻³¹ Paulus isavsaav le isov, ra kinik Agripa tomania gavana Festus, Benis, ve tamtamon tisov tau tileep tomani zi na, tiburig tivot tila muuri, ve tivasavo zi tigde: “Neer tawe igham sosor eta irau to taravu imaat, ma taghuru ilon ila ruum to yavyavuun ne mako.” *

³² Ve Agripa isaav pa Festus ighe: “Izi le neer tawe izoornugh ighe kinik tiina to Rom itiir saveen tooni, tauta aat ila tooni. Imin mako, kanaan tapuli ila.” *

27

Paulus igham waan ila pa Rom

¹ Yes timbu saveen to tighur ghei nizaa waan, leso niraav nila pa Itali. Tauvene tigham Paulus yesna tamtamon siriv tau tileep tomania ilon ila ruum to yavyavuun na, ve tighur zi tila daaba ee niima, eeza Yulius. I ingin zaaba to Rom irau ndinndin ee (100). Tomania zaaba tooni tileep ilon ila zaaba 600 tau kinik tiina to Rom tauu zaaba tooni.

² Waan ee to nugh Adramitium ighe irav ila pa nugh siriv tau tighen taghon nari to Asia. Yei nizaa waan tawe, ra tiravia lai izaa ve nivot.

* **26:30-31:** Lu 23:14+; Mbanj 23:9, 25:25 * **26:32:** Mbanj 25:11

Aristarkus paam izaan tomani ghei. I to nugh Tesalonika tau igheen taan sirivu to Masedonia.

³ Mbon le nughizau, ve nighau nila niloon nugh Sidon. Yulius igham poghania Paulus, ve ipuli ila igig zeetja siriv tau tileep izi ta sewe. Leso tiuule pa le aniiñ ve gabua siriv. *

⁴ Yei nipul Sidon ve niraav muul, eemon yaghur isoop ghei. Tauvene nimbutu loonja, lesa nipa-poon pa sisi Saiprus.

⁵ Nighau potla taghon nari to Silisia ve Pampilia, le malmalimai nila niloon nugh Mira tau igheen taan sirivu to Lisia.

⁶ Niloon ta sewe, ve Yulius tau daaba to yes zaaba na, ighita waan ee to nugh Aleksandria tau ighe irav ila pa Itali. Tauvene isaki ghei nila nivool pa waan tawe.

⁷ Yei nivot, ve yaghur irav pa naghomai ilam. Tauvene irau nighau rekia mako. Yes uraata to waan tigham uraat ariaan, ve nighau poipoi irau mbon siriv le nila nigharau nugh Nidus. Eemon yaghur isoop ghei kat le irau nighau duduun muul mako. Tauvene titoor waan, ve naghomai ingal sisi Krit, lesa nipa-poon pa yaghur. Nighau nila le nigharau nonnon ee to Krit, eeza Salmone.

⁸ Yes uraata to waan tigham uraat ariaan le nipaliv ghei pa nonnon, ra nighau poipoi taghon sisi ziige, le nila niloon nugh marani ee, eeza 'Aavo Poia.' Igheen igharau nugh tiina Lasea.

⁹ Raveen tsiei tau niraav nilam na, igham saawe malau. Saawe tau niloon aavo tawe, saawe to yes

* 27:3: Mt 25:36; Mbanj 24:23, 28:16; Hib 10:24

Yuda tinjun tauzi pa ghaniin aniin, *
ene isov wa, ve saawe to karaz ighe ivot. Tauvene
Paulus isaav pazi ighe:

¹⁰ “Zeran tsiau, aloon. Yau naghita naghe iit aat
tayamaan ghiit. Isaav ighe taraav muul, ene pale
tandeen patanani tiina ila te paavo. Pale waan
imbiriis, ve yaunya isov ilale, ve iit paam pale
tasov tamatmaat.”

¹¹ Eemon daaba to yes zaaba ighur ila Paulus
aliina mako. I itaghon ngar to neer tau ighamgham
pooz na ve waan tauja.

¹² Yei nigham ngar nighe: Saawe tau yaghur tiina
iburig, aavo tawe pale poia pa potiin mako. Tau-
vene yes eval tiyok tighe nisakia ghaon muul nila
niliv aavo ite tau izanar ila pa daudau, eeza Finiks.
Leso nipot izi ta sewe ve nisanan yaghur itoora, o
niraav muul. Pa aavo tana poia pa potiin.

Karaz tiina iburig

¹³ Nileep ta sewe le daudau avuvu ilaan. Tau-
vene yes uraata to waan tighe pa saawe poia to
raveen. Yes tiyau padewaan (o anga) izaa, ra
tiravia lai ve nivot. Yei nighaughau taghon taan
nila, le

¹⁴ malau mako ve kaagu iyaat malonon sisi
toman tapiri ve ilam, le izaban lai.

¹⁵ Tauvene uraata to waan titoova to
tipaduduun waan naagho, lesu nimbul nilon
nila. Eemon tirao mako. Tauvene tipul waan ve
ighau taghon yaghur.

* **27:9:** Saawe tiina to rewaan sosor ighe ivot, ene yes Yuda
tinjunjun tauzi pa ghaniin aniin itaghon sunjun ngara. Saawe
tana ivotvot pa Septemba ma Oktoba. Murei pa tane, saawe to
nugh yauna ivot ve nugh isaghat.

¹⁶ Nighau nila le nipapoon pa sisi marani ee muuri, eeza Kauda. Ra nigham uraat ariaan pa yaun waan marani tau nigherevu na ilam igharau waan tiina ziige.

¹⁷ Waan marani ilam ipaak, ra niyauu izalam, ve yes uraata to waan tipoosa ila waan tiina le tunja. Le isov, ra tigham uraat pa waan tiina. Tigham ravraav siriv, tipaliv zi tilivut waan tiina, ve tipoos zi tunja, leso ipalot waan. Yes tiroi pa yaghur ivuvuur zi tila, mako tizala maghat tiina tau igheen igharau Aprika na, eeza Sirti. Tauvene tirav lai izi, ve titugh gabua siriv izila te loolo, leso ikis waan, ve tighau poipoi.

¹⁸ Nugh isaghat le isaghat kat, ve dibom ivatoki waan ila ilam. Tauvene nughizau, ra tisuruuv yauyaun siriv izila pa te.

¹⁹ Mbon le nughizau muul, ra roinj tiina igham yes uraata to waan le tisaneej kat. Tauvene nimazi ila pa gabua siriv to waan paam, ve tisuruuv zi tizila pa te.

²⁰ Yei nileep te paavo saawe malau, ve nimo-moghan. Mbon ve mataaz, nugh isaghat kat le irau nighita aaz ve pitum mako. Ve dibom irav katin ghei. Tauvene nigham ngar nighe yei irau nileep mako. Pale nisov nilalemai.

²¹ Saawe malau tana, tamtamon tighan aniij mako. Tauvene Paulus iburig iyooz ila sosozi, ve isaav pazi ighe: “Yam zeran tsiau, imin ta yam aloon saveej tsiau ve tapul Krit sov, kanan irau patajani tane ivot pait mako, ve yauyaun toit eta irau ilale mako.

²² Eemon tambaanjo paam. Yau naghe napalot gham tauvene. Yam aroi sov. Pa toit eta irau ilale

mako. Waan mon ta pale imbiriiis.

²³ Pasaa, noor mboŋ, Maaron tsiau tau nabes-bees pani ne, imbaan anela tooni ee ilam iyooz izi zigeg, ve isaav payau ighe: *

²⁴ Paulus, uroi sov. Yo aat ula uvot to kinik tiina to Rom itaghon Maaron ngar tooni. Ve Maaron iloon sunjuunj tsio wa. Tauvene i pale maata pa yes tau yamŋa araav ne, lesu toozi eta ilale sov.’ ”

²⁵ Ra Paulus iseen saveen tooni muul ighe: “Tauvene yau nasaav payam: Aroi sov. Lolomim poia. Pa yau naghur ila to Maaron naghe gabua aat ivot imin tau i isavia payau ne.

²⁶ Eemon iit pale tazala maghat to sisi eta.”

Waan imbiriiis

²⁷ Mboŋ imin sanjavul ve paan, ve yaghur ivu-vuur ghei gha nimomoghan ila mazavan to Te Mediterenian. Mboŋ anooŋa, ra yes uraata to waan tighilaal tighe nigharau taan wa.

²⁸ Tauvene tigham ravraav to tovaan maghat, titughu izila, ve tighita sooso to te paavo ve izila koŋia sausau, ene irau 40 mita. Nimomoghan nila, ra titoova muul, ve tighita maghat izalam irau 30 mita wa.

²⁹ Yes tiroi tighe waan pale irav ghi izala maet tintiina tau tigheen ila te loolo. Tauvene tila waan mboole, ve tizuur padewaan (o anŋa) tintiina paan tizila pa te. Leso ikis waan ipot tunjia ta sewe. Ve tipasul tighe rekia gha nughizau!

³⁰ Yes uraata to waan tiil eez tighe tighau. Tauvene tila waan naagho, ve titoom pa sikiin pade-

* **27:23:** Mbanj 23:11

waan. Ve mako. Titugh waan marani izila pa te, leso tizaa ve tighau.

³¹ Eemon Paulus ighit zi, ve ighilaal ngar toozi. Tauvene isaav pa yes zaaba tomania daaba toozi ighe: “Aghit ghiit wa? Isaav ighe yes uraata to waan tawe tipul ghiit ve tighau, tsiam eta irau poia mako. Pale asov amatmaat.”

³² Tauvene yes zaaba tila tirav motin ravraav pa waan marani gha itap izila te, ve imoghan ilale.

³³ Mbonoozo ndoromroome soone, ve Paulus ipalot zi ighe tighan aniin, o poi. I isaav pazi ighe: “Aghita. Iit taleep ila patanani tane loolo, ve roin igham gham le aleep toman apomim nginaanja irau mbon sanjavul ve paan (14) wa.

³⁴ Yau naghe napalot gham: Agham aniin gha aghan, leso ipalot gham ve amaata ila patanani tane loolo sov. Agham ngar naol sov. Pa tsiam eta irau igham saghat mako. Iit tasov pale popoiaan mon.”

³⁵ Isavsaav pazi le isov, ra igham mberet, ipakur Maaron pani ila eval tiina matazi, ve iteev sirivu, gha ighan. *

³⁶ Eval tiina tighita Paulus ighan, tauta ipalot zi gha anazi tighan paam.

³⁷ Yei tau nileep ila waan ne, yei irau ndinndin ru, tamoot tol, sanjavul, liim ve ee (276).

³⁸ Yauyaun tiina tau waan ighuuzaa na, ene wit mon. Tauvene tisov tighan le apozi isun, ra tila tisuruuv wit isov izila pa te. Leso waan iraurau, ve imoghan ilon ila pa taan.

³⁹ Nughizau, ra yes uraata to waan matazi ilon ila le tighita nari. Eemon tighilaal nugh mako.

* 27:35: Mt 15:36

Ve tighita aavo gomoloon ee tau le sausau poia. Tauvene tigham njar tigde tipaduduun waan leso nighau duduun nilon nila ta sewe.

⁴⁰ Yes tiburig gha tirav motmotin ravraav pa padewaan tiov tau tikis waan na. Ve tipool ravraav pa waan pooza ru, ve tizeev zi tizila te. Ra tiravia lai tiina izala, ve yaghur izabani, ve niraav ninjarui aavo tawe nilon nila.

⁴¹ Nighaughau nila le waan naagho ikokrak izala maghat, ve mboole mon ta kausia. Tauta dibom iravu iravu le imbiriiis. *

⁴² Zeran siriv tau yenja niraav na, yes zaaba tikis zi to tighur zi tila daaba to gavman nimazi. Yes zaaba tiroi tigde zeran tawe pale tiwai tilon tila taan, mako tighau tila. Tauvene tiburig ve tigde tiravuur zi tiov timatmaat. *

⁴³ Eemon daaba to yes zaaba ighe iuul Paulus, leso imaat sov. Tauvene ingalsekin zaaba tooni ighe tigham njar tauvene sov. Ra isaav pa yes tau tiwatagh waen na ighe: “Yam ayaat muun azila, ve awai alon ala pa nari.”

⁴⁴ Ve yes tau tiwatagh waen mako na, i isaav pazi ighe tighita lezi waan ndiua, ma gabuaanja siriv siriv, mako tikis zi ila, ve tiwai tilon tila pa nari. Yei nigham tauvene, tauta nisov nilon nila nari. Eta igham saghat mako.

28

Paulus ileep izi sisi Malta

¹ Yei nilon nila nari, ve tipaes payei tigde sisi tana eeza Malta.

* 27:41: 2Kor 11:25 * 27:42: Mbanj 27:1

² Yes nugh taunja njar toozi poia le poia kat. Yes tigham poghani ghei kat. Saawe tana, uman izi le nugh iyaun. Tauvene tindav yav, ve tipoi ghei tigde nila yav ilaav ghei.

³ Paulus ila ikor ai siriv ilam, ve ighe indou zi izala yav. Eemon moot saghati ee ileep ila ai tawe sosozi. Saawe tau iyamaan yav tuntunu, sookia ivot le inaan Paulus niima, ve liivo kikia pa niima.

⁴ Yes nugh taunja tighita moot tawe ituuk ila Paulus niima, ve tivasavo zi tigde: “Wai, njar tane aat irav tamtamon eta imaat. Onoon, te iravu imaat mako. Eemon maaron livaa toit tau iyatyat dudunai njar sasaghati to tamtamon na * irau ipuli ileep maata yaryaare mako. Tauta patajani tane ivot pani.”

⁵ Eemon Paulus itir niima le itapaar moot tana izala yav, ve gabua eta ivot pani mako. *

⁶ Yes nugh taunja tighur matazi tigde pale Paulus niima isarsar, ma itap izi gha imaat. Eemon tisanjan le malau, ve gabua eta ivot pani mako. Tauvene titoor njar toozi, ve tisaav tigde: “Wai, i aat maaron eta taa?” *

⁷ Daaba to sisi tawe, eeza Publius. Taan tooni igheen igharau nugh tau yei niloon pani. I igham ghei toman loolo poia, ve nila nileep tomania ila ruum tooni irau mbonj tol. I injin poghani ghei kat.

⁸ Publius taama, moroghoon tiina ighamu gha ighengheen. Tiini iyes, ve imbeghaz sin. Tauvene Paulus ilonj ila tooni, ve ighason Maaron to iuule.

* **28:4:** Zeran to sisi Malta, yes Kristen mako. Maaron livaa tau tisavia, ene maaron toozi ee. * **28:5:** Mk 16:18; Lu 10:19 * **28:6:** Mbanj 14:11

Ra ighur niima izala paavo, ve tiini poia muul. *

⁹ Yes nugh tauna tighita kaut ngereeta tana, le moroghoona toozi tisov tinarui Paulus tilam, ve i iuul zi tisov gha tinizi poia.

¹⁰ Tauvene yes tipakur ghei kat, ve tigham lemai gabua katini. Ve saawe tau nitartar pa raveen muul, saa gabua tau nimbool pani na, yes tiuul ghei pani.

Paulus ila ivot nugh tiina Rom

¹¹ Saawe tau karaz tiina iburig ve ilam, yaghur ilil waan ee to nugh Aleksandria le ipot izi sisi Malta. Waan tawe naagho, tisap maaron toozi Zeus natna ru anunuzi ila. Yei nileep ta sewe irau kaiyo tol, le saawe tau yaghur aate izi, ra nizaa waan tana, ve nipaburigin raveen tsiei muul.

¹² Nighaughau nila le niloon nugh Sirakius, ve nipot izi ta sewe irau mbon tol.

¹³ Mako nipul Sirakius, ve nivot muul, gha niraav nila niloon nugh Regium. Nipot izi sewe le mbon nughizau, ra daudau iburig. Tauvene nipul Regium, ve niraav muul nila. Nighau irau mbon ru, ra niloon nugh Puteoli, ve raveen tsiei isov.

¹⁴ Niloon ta sewe, ve nindeen tonvetaz siriv to Krisi. Yes tighet ghei, ve tigham ghei nila nileep tomani zi irau mbon liim ve ru. Ra nipaburigin laghoon tsiei to nila pa nugh tiina Rom.

¹⁵ Tonvetaz siriv to Krisi tau tileep izi Rom we tiloon varumai wa. Tauvene tiburig tilam tige tighet ghei. Siriv tindeen ghei izi maaran to nugh Apius. Ve siriv tindeen ghei izi nugh tau tiwaat eeza: 'Ruum tol to yes loomba.' Paulus ighit zi

* 28:8: Mk 16:18; Mban 9:34, 14:8+; Yems 5:14+

tilam, le loolo poia, ve ipait Maaron pa poia tooni. Pasaa, laghoonj toozi tau tilam na, imin palotiinji.

¹⁶ Yei nilaagh nila le nivot nugh tiina Rom, ve tiyok pa Paulus to zigani ileep ila ruum ee, tomania zaaba ee to injini. *

Paulus ivotia vaaru poia izi nugh tiina Rom

¹⁷ Mbonj tol ilam ila, ra Paulus imbaan ila pa nginiinja to yes Yuda tau tileep izi Rom na ighe tila tooni. Yes tila tilup zi, ve i isaav pazi ighe: “Yam tonvetaz, aloonj. Yau naghama ngar eta to navaghmunia tamtamon toit Yuda mako, ve namalaan pa tutuun eta to timbuunja ne mako. Eemon tikis ghau sorok izi Yerusalem, ve tighur ghau ila yes Roma nimazi.

¹⁸ Ve saawe tau yes Roma titiir saveen tsiau, yes tighita tighe yau naghama sosor eta irau to tirav ghau namaat ne mako. Tauvene tighe tipul ghau nala. *

¹⁹ Eemon yes Yuda tizoor zi pa ngar tana, ve naghita naghe leg eez eta muul mako. Tauta nasaav pazi naghe: ‘Yau naghe nala naghita kinik tiina to Rom, lesa itiiir saveen tsiau.’ Eemon yau nalam pa ngaliin saveen pa taug tamtamon tsiau ne mako.

²⁰ Puughu tane ta napoi gham alam. Lesa naghita gham, ve nasaav ghazoonja payam tauvene: Aazne tikau ghau pa sen tane pasaa, yau nabesbees pa Mesia tau iit Israela tasov taghurchur mataan pani ne.” *

* **28:16:** Mbanj 24:23, 27:3
Mbanj 26:6+; Ro 15:8

* **28:18:** Mbanj 26:31+

* **28:20:**

²¹ Yes tisaav pani tigde: “Saveenj tsio poia. Eemon zetaanja tau tileep izi Yudea we, tibood rau eta ilam to tipaesi ghom payei ne mako. Ve tamtamon eta ileep Yudea ve ilam gha isavia varum payei, ma isik aliinja saghati eta injarui ghom, ene paam mako.

²² Ve poia pa taum ulam peria wa. Leso niloon katin ngar tsio ila taum avom. Pasaa, yei niwatagh mon tauvene: Nughmarinj tiyauyau avozi pa lupuunj tsiam paaghu tane tigde ngar tsiam siriv isosor.” *

²³ Ra tighur saawe ite to yesnja Paulus tilup zi muul pa savsaveenj. Tileep le saawe to lupuunj tana ivot, ra mbonjoozo kat ve eval tiina kat tila pa ruum tau Paulus ilepleep ila na. I ipaghazonjai zi pa pooz to Maaron ngara, ve ivotia tutuunj to Mose tomania yes propet aliinjazi, lesa ipariaanj Yesu saveenj tooni, ve igham zi tighur ila tooni. I ikiskis saveenj ila ila le mbonj izi. *

²⁴ Tamtamon siriv tiloon saveenj tooni, ve tighur ila tigde ene onoon. Eemon yes siriv, tighur ila mako.

²⁵ Tauvene tiparzoor pa savsaveenj ila le mako, ve tigde tighawaar. Eemon Paulus isik aliinja rig pazi ighe: “Saveenj ziiri ee tau Avuvu Patabuyaanj ivotia pa timbuunja ila propet Isaia aavo na, ene iduduunj kat pa ngar tsiam. Pasaa, i isaav ighe:

²⁶ ‘Ula to yes zeran tawe ve usaav pazi tauvene: “Yam pale alonloonj saveenj. Eemon irau aghazonj pani mako.

* **28:22:** Mbanj 17:6-7, 24:5 * **28:23:** Lu 24:27+

Ve yam pale aghitghita gabua. Eemon irau aghilaal puughu mako.”

²⁷ Pasaa, zeran tawe, ngar toozi iyaryaan kat.

Talinjazi tilonloon saveen mako. Ve tiponpoon matazi paam, leso tighita gabua sov.

Ve imin ta lolozi pa ghitoon gabua ve lonjaan saveen,

kanan tighilaal, ve titoor ngar toozi imuul ilam payau,

leso nauul zi tileep poia muul.’ ” *

²⁸⁻²⁹ Paulus isaav pazi muul ighe: “Tauvene yau naghe yam awatagh kat tauvene: Yam Yuda azor eez tau Maaron igham mulin iit tamtamon pani. Tauta i isakia vaaru ila irau nugh nugh tau Yuda mako na. Ve yes pale tiloona, ve tighur ila.” † *

³⁰ Paulus ileep izi Rom irau ndaman dodoli ru. Ruum tau i ileep ila na, i tauu igholgholi ila to ruum tauna. Tamtamon tisov tau tilamlam pa gigiin ni na, i igham zi toman loolo poia.

³¹ I iroi mako. Iyooz ariaan pa votiaan pooz to Maaron, ve ipapaghazonai tamtamon pa Tiina toit Yesu Krisi saveen tooni. Ve tamtamon eta

* **28:27:** Is 6:9+; Mt 13:13+; Ro 11:18 † **28:28-29:** Baibol siriv, tiseen ziiri tane pa saveen tauvene: ‘Paulus isavsav le isov, ve yes Yuda tiparzoor kat pa savsaveen, ve tivot tila pa muuri’.

* **28:28-29:** Mbo 67:2; Lu 3:6; Mban 13:46+; Ro 11:11

ingalsekini pa uraat tooni tawe mako. † *

† **28:31:** Sios histori munngaana siriv isaav tauvene: Saawe tau tipayooz Paulus pa savsaveen, gabua ighur poi pani, ve tipuli ila. Ra ilaagh muul pa uraat to votiaan vaaru poia, ve ila pa nugh siriv imin Spen (Ro 15:24, 28), sisi Krit (Tit 1:5), Miletus (2Tim 4:20), Kolosi (Plm 1:22), Epesus (1Tim 1:3), Pilipai (Pil 2:23-24), ve Nikopolis Tit (3:12). Murei pa tane, imuul ila pa Rom, ve yes Roma tikisi muul. Saawe tana, tipayooze pa savsaveen, eemon ighur poi pani mako (2Tim 4:6-8). Tauta tiravu imaat. Ve sios histori isaav tauvene: Yesuru Petrus timaat pa aaz eemon. Paulus, tirav motin luua, ve Petrus, tiravu izala ai pambaroon. Daaba izi ve aaghe izaa.

* **28:31:** Ep 6:19

**Maaron Saveen Tooni Patabuyaang
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.
Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

adb844f0-d769-5b05-9dd0-7c01fca938bb